

Timersornermut Suleqatigiissitaq
15. marts 2024-meersoq

Timersornermut NALUNAARUSIAQ

Kalaallit Nunaanni

Timersornermi

- Unammillernartut
- Periarfissat
- Siunissami inerisagassat



NAALAKKERSUISUT
GOVERNMENT OF GREENLAND

ILINNIARTITAANERMUT, KULTUREQARNERMUT, TIMERSORNERMUT ILAGEEQARNERMULLU
NAALAKKERSUISOQARFIK

Imarisaa

1. Siulequt.....	3
2. Suleqatigiissitamut suliaassiissut - Kommissorium	6
3. Timersornermut Suleqatigiissitap katitigaanera.....	7
4. Suleqatigiissitap periusaa suleriaasaalu	7
5. Ataatsimiinnerit ingerlanneqartut	8
6. Suliarineqartut allassimaffiat	8
7. Timersornermut inatsisit attuumassuteqartut	9
8. Suliarineqartuni ataasiakkaani nassuiaatit innersuussutillu.....	10
9. Inerniliineq	56

1. Siulequt

Oqaaseq timersorneq qanoq paasisassaava? Oqaaseq amerlasuutigut paasineqarsinnaavoq!

Tunngaviusorli tassaajuarpoq timi atorlugu arlaatigut aalallugu pissusilersuuteqarnerit, ulluinnarnilu timersornermik taaguuserneqarsimasoq. Timersorneq amerlasuutigut sunniuteqarfiusuvoq. Inuk timersortartoq timikkut imminut iluaqusersortarpoq taamatullu tarnikkut aamma sunniuteqartarluni. Timersorneq ataatsimut isigigutsigu sunniuterpasuaqarpoq amerlanertigullu pitsaasunik sunniuteqarfiusarpoq. Inuk timersortartoq misissuinerit aallaavigigaanni takussutissaqartinneqarpoq peqqinnerulernermik sunniuteqartartoq. Taamaasillunilu inuiaqatigiinnut sunniuteqarsinnaanera aamma annertulluni. Timersornerup sunniuterpasui ataatsimut isigigaanni pitsaaquterpasuaqareerpoq.

Nunatsinni timersorneq ullumikkusut aallunneqarpat amerlasuutigut pitsaasunik takussutissaqartitsivoq. Inummut ataasiakkaamut, inuit eqimattakkaanut, ilaqtariinnut, nunaqatigiinnut soorunalimi aamma inuiaqatigiinnut tamanut. Timersornerulli aaqqissuussaanera tamakkiisumik isigigaanni qitiusut pingasut tassaapput, namminerisamik piumassuseqarneq, aningaasaqarneq, timersortartutullu atugassarititat tamakkiisut.

Timersornerup aaqqissuussaanera tunngaviusumik aaqqissugaavoq nammineq piumassuseqarnermit aallaaveqartumik aallussineq. Timersortartoq nammineq, timersortartutut peqatigiiffittut kiisalu kattuffeqarnikkut, naak aqutsinerit tamakkiisuunngikkaluartumik qinersinikkut aallaaveqartartuusut. Ulluinnarnili qitiusuusoq tassaavoq timersoqatigiiffinni ataasiakkaani aqutseriaatsit assigiinngitsorujussuuneri, amerlanertigulli assigiissutigineqartartoq tassaalluni siulersuisoqarneq, sungiusaasoqarneq aqutsisoqarnerlu. Suut tamaasa ilanngussorlugit sammiveqartitsilluni allaaserinnittoqassagaluarpasut oqaluttuaq takisoorujussuussagaluarluni.

Taamaammat Timersorneq pillugu suleqatigiissitaliami suliaqarnitsinni Nunatsinni timersornermit aallaaveqartumik sunniutaasinnaasut suulluunniit qaqilerniarsimavagut, pingaarnersiuillutalu timersornerup silarsuaani atugassarititat pingaaruteqarnerit siunnerfigalugit allaaserinnissalluta aalajangersimalluta. Suleqatigiissitami pingaartinneqarpoq sunniutit pingaaruteqarlunnartutut nalilersorneqartut allaaserineqarnissaat taakkualu sunniutaat pillugit nalilersuisoqarnissaanik sulinissamik siunnerfeqarluta. Taamaammat suleqatigiissitap Timersornermik Naalakkersuisup Aqqaluaq B. Egede-p noqqaassuteqarnera aallaavigalugu, suliaqkiussaq tunngavigalugu Suleqatigiissitaq sulinissaminik piareersaateqarsimalluni.

Allaaserisami nalunaarusiatut inernilerneqartumi atuarneqarsinnaapput pissutsit ullumikkut atugaasut aallaavigalugit allaaserinninnerit, siunissarlu ungasinnerusoq eqqarsaatigalugu isummersuutaasinnaasut ilanngullugit allaaserinninnerit. Nunatsinni timersornerup aallunneqarnera annertugaluqisoq paasissutissanik aallaaviusinnaasunik peqarnera amigaateqangaatsiarpoq taamaammallu suleqatigiissitamut pingaaruteqarluni, paasissutissat suugaluartulluunniit allaaserinninnissami atornerqarsinnaatillugit qujarullugit misissuiffigineqarlutik.

Sulinermit tamaviaarnartutut taasariaqakkat ilagivaat timersornermit aningaasaliisarnertit ersarinngitsorujussuuneri timersornerulli tamakkiisumik aningaasatigut nalingata ersarissumik eqqoriaruminaatsinneqarsinnaanera. Suleqatigiissitamili paasissutissaasinnaasut tunngavigalugit aningaasatigut sunniutaasinnaasut suulluunniit ilanngullugit nalilersuiffigisimavagut, erseqqissaasinnaagaangattalu tamanna anguniartarsimallutigu. Aningaasaqarneq ataatsimut

naliliivigissagaanni tulluartsorivarput suliap matuma naammassereernerata kingorna suleriaqqinnissami tamanna itinerusumik ukkatarineqarneratigut suliarineqarsinnaasoq, tamatumani timersogatiguit kattuffiat siuuttoralugu kattuffiit ataasiakkaat aningaasaqarneranut tunngasut suliassaangaatsiarmat.

Suleqatigiissitamit uggorinartinneqarpoq suliap matuma pingaaruteqaqisup suliarineqarnissaanut ilaasortaatinneqartunut atugassarititaasimasut erseqqarissimannginneri aammalu nalinginnaasumik ulluinnarni suliffigisami, ulapaarfioqisumi piffissallu matuma suliarineqarfiata nalaani, suliassanut allanut isiginninniartoqarani aalajangiussisoqarsimanerata kingunerisaanik, suliniarneq killilersorneqangaatsiarsimammat.

Suleqatigiissitamit sammisaasinnaasut soqutiginartinneqaraluartut arlaqartut, piffissaalatsineq misissugassaasinnaasullu annertusinnaaneri peqqutigerpiarlugit, allaaserisami killilimmik eqqaaneqalaartaraluartut itinerusumik suliarineqarsinnaasimannginneri uggorartoqartinneqarluni. Ilaatigut allaaserisami Timersogatiguit Kattuffiata 2030-mi anguniagaanut tunngasinnaasut eqqarsaatigalugit angumeqqussinnaannginneri nalilerneqarmata, allaaserisamulli soqutiginaateqangaatsiaraluartut ilanngunnagit allaaserinnittoqarpoq. Tamatumani nunarsuarmi aalanerulersitsisinnaanermut tunngavusinnaasut soqutiginaateqaraluaqisut allaaserisami toqqaannartumik ilanngunneqannginneri assersuutaasinnaapput, aamma aalanerulersitsiniaraanni ilaatigut timersuutit aqqissuussaannngitsutut taaneqarsinnaasut, soorlu aqqusinikkut arpattartut, qitittartut allallu, suliamut ilanngullugit allaaserineqarsinnaagaluartut isumaqaratta. Taamatut ipput timersuutit klubbitut ingerlagaluarlutik kattuffeqanngitsunut tunngatillugu. Taakkununga paasisutissat suleqatigiissitap pissarsiarisinnaasai killeqangaatsiarput, nalilersuutiginnissaanullu amigarsimallutik. Suleqatigiisitamili isumaqarpugut suleriaqqittussat taakku ilanngullugit isiginninniarlutik suliaqartoqarumaartoq.

Taamatut ippoq siunissami unammersuartitseriaatsit pillugit ataqatigiissaarisooqartariaqarneranut tunngatillugu meeqqat timersortartussat amerlisarniarneqarnissaanut isiginninniarnert pillugit suliniutissanut tunngasut. Suleqatigiissitamut periarfissaasimanngilaq tamanna annertunerusumik sammissallugu, allaaserisami timersortartutut atugassarititaasut pillugit oqaatigineqartut isiginiaraanni, atugassarititat kisiisa allannguuteqartinneqarnerisigut timersortartunik amerlanerulersitsisinnaaneq ilimagineqanngimmat taamatullu, meeqqat timersortartut amerleriartinneqarsinnaanissaannut tunngavilersuutigineqartut kisiisa isiginiarlugit amerlanerulersitsiffiunavianngitsut suleqatigiissitaq isumaqarmat.

Nalunaarusiap tunniunneqarnissaa sioqqullugu allaaserisat pillugit avammut suleqatigiissitamit timersorneq pillugu isummersorsinnaasutut naliliivigineqartunut arlaqaqisunut tusarniutigalugu nassiunneqarpoq. Suleqatigiissitap suliaminik tusarniuteqartitsinera siunertaqarpoq, kikkut tamat oqartussaaqataanerata pillugu, allaaserisanut isummersortoqarnissaanik periarfisseerusunneq. Tusarniaavigineqartunit soqutiginnillutik akissuteqartut qisuariaataat allaaserisami immikkut immikkoortortalerlugit ersersinneqarput, suleqatigiisitamillu allaaserisamut tulluartsutut nalilerneqartut pingaarnertut ilanngullugit allaaserineqarlutik. Nalunaarusiamut tusarniaanermi akissuteqaatit tamakkerlugit allaaserineqarneri ilanngunneqarlutittaaq.

Suliat nalunaarusiatut isikkoqartillugu Timersornermut Naalakkersuisumut tunniunneqarneranut atatillugu neriutaavoq politikikkut oqartussat siunissami timersornerup aqqissuuteqqinneqarnissaanut oqallinnissaanni tunngavissiatut atorineqarsinnaanissaa.

Sulilluarisitoq.

Jørgen Isak Olsen
Siulittaasoq

2. Suleqatigiissitamut suliaassiissut - Kommissorium

Tunulequtaq

Siunissami timersornermi tunngassutilinni aningaasartuutaasinnaasut pillugit takussutissaqalernissaa Ilinniartitaanermut, Kultureqarnermut, Timersornermut, Ilageeqarnermullu Naalakkersuisup kissaatigivaa, tamatumani susassaqtut ataatsimut suleqatiginissai pingaartillugu. Aningaasanut Inatsimmi siunissami toqqammavissaqalernissaaq Suleqatigiissitap pilersinneqarneranut siunertanut ilaavoq. Taamaattoq siunertaanngilaq Suleqatigiissitap aningaasaqarnikkut missingersuusiornermik suliaqassasoq tamanna politikikkut suliarineqartarmat.

Nunatsinni Timersoqatigiit Kattuffiannit GIF-imit, Elite Sport Greenland ESG-mit kommuniniillu aallartitaqtumik Naalakkersuisoq suleqatigiissitamik pilersitsisoqarnissaa pillugu 2024 aallartinnerani GIF-imut saaffiginnissuteqarpoq.

Ilinniartitaanermut, Kultureqarnermut, Timersornermut Ilageeqarnermullu Naalakkersuisoq (tulliuttuni Naalakkersuisoq) Timersoqatigiit Kattuffiat (tulliuttuni GIF) suleqatigalugu januar 2024-mi suleqatigiissitamut suliaassiissut (tulliuttuni kommissorium) suliarineqarpoq.

Kommissorium naapertorlugu Ilinniartitaanermut, Kultureqarnermut, Timersornermut Ilageeqarnermullu Naalakkersuisoqarfiup (tulliuttuni Naalakkersuisoqarfik) Timersornermut Suleqatigiissitap (tulliuttuni Suleqatigiissitap) pilersinniarlugu aallartisarpaa.

Suleqatigiissitap 15. marts 2024 siullermeerluni ataatsimiinnermini suliani aallartippaa.

Siunertaq

Suleqatigiissitap pilersinneqarneranut ilaatigut tunuliaqutaavoq Nunatsinni timersornermi suut kissaatigineqarnersut takussutissaqalernissaannik Naalakkersuisoq kissaateqarmat.

Suleqatigiissitap sulinermini siunertaraa

- Timersornermi unammillernartut immikkuullarissut ersarissassallugit
- Timersornermi periarfissat ersarissassallugit
- Timersornermi siunissami ungasinnerusumi inersaataasussanik saqqummiussissalluni

Taamattaq Kalaallit Nunaanni Timersoqatigiit kattuffiata 2030-mi nunarsuarmi timimik aalatitsinerpaanngornissamik anguniagaqarneq Naalakkersuisup pingaartitaasa ilagivaat.

3. Timersornermut Suleqatigiissitap katitigaanera

Suleqatigiissitap kommissorium naapertorlugu arfineq marlunnik aallartitaqarpoq (tulliuttuni ilaasortanik taaneqartunik):

- Timersoqatigiit Kattuffiat, GIF sinnerlugu ilaasortaq, Jørgen Isak Olsen, siulittaasoq
- Elite Sport Greenland, ESG, sekretariatschef Muusaarannguaq Ostermann-Søholm, siulittaasup tullia
- Qeqqata Kommunia, Timersornermut Pinngortitamullu Siunnersorti Qulutak Møller, kommunit sinnerlugit siulersuisunut ilaasortaq

Kommuninit ilaasortat:

- Avannaata Kommunia, Allattoqarfimmi pisortaq Palu Eriksen
- Kommuneqarfik Sermersooq, Sunngiffeqarnermut Kultureqarnermullu Fagchef Aviaaja Barlach Pregaard
- Kommune Qeqertalik, Timi Tarnimi siulittaasoq Mariane S. Larsen
- Kommune Kujalleq, Timersornermut Peqatigiiffilerinermullu Siunnersorti Bolethe Stenskov

Suleqatigiissitap Naalakkersuisoqarfimmi allattoqarfeqarpoq AC-fuldmægtig Lars Villadsen ataqatigiissaa risutut allattaalluni.

4. Suleqatigiissitap periusaa suleriaasaalu

Suleqatigiissitap kommissorium naapertorlugu sulivoq.

Suleqatigiissitap arfineq marlunnik ilaasortaqarpoq.

Suleqatigiissitap pingasunik ilaasortaqartumik siulersuisoqarpoq. GIF-ip ilaasortaataa siulittaasuvoq, ESG-p ilaasortaataa siulittaasumut tullersortaavoq. Kommuninit ilaasortaq ataaseq siulersuisunut ilaasortaavoq.

Suleqatigiissitap siulersuisui Suleqatigiissitap ataatsimiinnissaa sioqqullugu piareersaataasumik ataatsimiittarput.

Kommunit akunnerminni ataatsimiinnissaa sioqqullugu piareersartarput.

Suleqatigiissitap nalinginnaasumik sapaatit akunneri pingasut allortarlugit ataatsimiittarpoq.

Nalunaarusiat, nassuiaatit, misissuisimanerit il.il. Suleqatigiissitap sulinermini ilaatigut toqqammavigivai.

Suleqatigiissitap nalunaarusiaa inaarutaasumik missingersuut ulloq 10. oktober 2024 ullunik 14-inik piffissalerlugu susasaqartunut tusarniaassutigineqarpoq, tusarniaanermilu akissutigineqartuni akuerineqartut nalunaarusiamut inaarutaasumut ilanngunneqarput.

Tusarniaanermi akissutigineqartut ilanngussaaq 1-imi takuneqarsinnaapput.

5. Ataatsimiinnerit ingerlanneqartut

15. marts 2024	nal. 13.00 ataatsimiinneq siulleg
22. marts 2024	nal. 13.00 GIF, ESG, IKIN-ilu ataatsimiipput
26. marts 2024	nal. 13.00 Suleqatigiissitap ataatsimiinnera
19. april 2024	nal. 11.00 Siulersuisut nutaat ataatsimiinnerat
23. april 2024	nal. 13.00 Suleqatigiissitap ataatsimiinnera
7. maj 2024	nal. 13.00 Siulersuisut ataatsimiinnerat
28. maj 2024	nal. 13.00 Siulersuisut ataatsimiinnerat
3. juni 2024	nal. 10.00 Siulersuisut ataatsimiinnerat
4. juni 2024	nal. 13.00 Suleqatigiissitap ataatsimiinnera
11. juni 2024	nal. 13.00 Siulersuisut immikkut ataatsimiinnerat
18. juni 2024	nal. 13.00 Siulersuisut ataatsimiinnerat
25. juni 2024	nal. 13.00 Suleqatigiissitap ataatsimiinnera
19. juli 2024	nal. 11.00 Siulersuisut ataatsimiinnerat
23. juli 2024	nal. 13.00 Suleqatigiissitap ataatsimiinnera
13. august 2024	nal. 13.00 Siulersuisut ataatsimiinnerat
21. august 2024	nal. 10.00 Suleqatigiissitap ataatsimiinnera
4. september 2024	nal. 14.15 Siulersuisut ataatsimiinnerat
11. september 2024	nal. 11.00 Suleqatigiissitap inaarutaasumik ataatsimiinnera
8. november 2024	nal. 15.00 Siulersuisut ataatsimiinnerat

6. Suliarineqartut allassimaffiat

Suleqatigiissitap sulilernermini kattuffiit GIF aamma ESG kommunillu tusarniaaffigereerlugit tulluuttumi allassimasut suliarivai:

- A. Siunissami timersortarnek, ilaatigut misissuisimanerit, nalunaarusiornerit il.il. tunngavigalugit
- B. Siunissami unammeriaatsit
- C. Siunissami aningaasalersuisarneq
- D. Elitesport-imi unammillernartut
- E. Siunissami kommunit tapiisarnerisa aaqqissuuteqqinneqarnissaa
- F. Namminnek kajumissutsiminnik suliaqartartunut atugassarititat
- G. Timersornikkut aaqqissuussinerni angallannikkut aningaasartuutit pillugit aaqqissuuseqqinnissaa
- H. Inatsisini attuumassuteqartuni nalimmassaanissaaq nutarterinissarlu
- I. Timersornermi sanaartornikkut atugassarititat (idrætsfaciliteter)

7. Timersornermut inatsisit attuumassuteqartut

Timersornermut inatsisit attuumassuteqartoq tassaavoq:

- *Timersorneq timigissarnerlu pillugit Inatsisartut inatsisaat nr. 15, 6. juni 2016-imeersoq*

Inatsimmi aalajangersakkat attuumassuteqartut ataasiakkaat inatsisillu nassuiarneqarnera ilanngussaq 4-mi takuneqarsinnaapput.

Inatsimmi ilaatigut aalajangersarneqarput:

- Pisortat (Namminersorlutik Oqartussat kommunillu) akisussaaffiisa agguataarneqarneri
- Timersornermut tapiissuteqarnikkut aningaassaliissutit
- Timersoqatigiit Kattuffiannut GIF-imut ukiumoortumik tapiissutit allaffissornermi aningaasartuutitut, sulisut, aqutsisut sungiusaasullu ilinniartitaanerannut, immikkut kattuffinnut (specialforbund) peqatigiiffinnullu ilaasortaasunut ingerlatitseqqinnermut nunani tamalaani unammiaaarnerni aamma nunani tamalaani timersornikkut suleqatigiinnermi peqataanermut tunngaviusumik tapiissuteqartarnerit
- Assigisaanillu Elite Sport Greenlandimut ESG-mut aningaasanut inatsimmi ilaatigut timersornermik piginnaasallit timersortartullu pikkorivissortunut siuarsaanissamut ukiumoortumik tapiissutinik aningaassaliissuteqartarnek aalajangersarneqarpoq

Timersornermut attuumassutilinnut - inatsimmi aalajangersakkat saniatigut – timersornermut tapiisoqarsinnaanera pillugu Namminersorlutik Oqartussat *nalunaarutaat* tassaavoq:

- *Aningaasanoorutit ilaannit aningaasanik agguassisarnek pillugu tapeeriaatsit, tapiiffiqineqarnissamut piumasaqaatit il.il. pillugit Namminersorlutik Oqartussat nalunaarutaat nr. 16, 11. maj 2020-meersoq*

Nalunaarummi aalajangersakkat attuumassuteqartut ataasiakkaat ilanngussaq 4-imi takuneqarsinnaapput.

Timersornermut attuumassuteqartuni nalunaarummi aalajangersakkat naapertorlugit tapiiffiqineqartartut ilaatigut tassaapput:

- Timersornerit tamanit peqataaffiqineqarsinnaasut, tassa timersornerup ilaa, timersortartut pikkorinnerit naammassisartagaannit unammisarnerannillu allaanerusunik imaqartoq, innarluutillit utoqqaallu timersorneri ilanngullugit
- Piukkunnaatillit pikkorinnerillu timersornermi tassaatinneqartut timersornerup ilaa, peqatigiiffinni iligiit toqqakkat, nunami timersortartut pikkorinnerpaat, nunanut allanut unammisartut, nunallu tamat akornanni unamminernut peqataasartut ingerlassaat

Suliarineqartuni immikkoortoq “C. Siunissami aningaasalersuisarneq” timersornermut

aningaasalersuisarnej maanna ingerlanneqartoq pillugu aallaqqaasiullugu nassuiaat atuarneqarsinnaavoq.

8. Suliarineqartuni ataasiakkaani nassuiaatit innersuussutillu

Ataatsimiinnermi suliat ataasiakkaat itilisarnejarlutik tunngavilersorlugillu oqaluuserereernerisa kingorna aalajangiinerit naapertorlugit suliamut nassuiaat oqaasertalernejartarpoq qanorlu innersuussuteqarnerisq oqaasertalersorneqarput.

Suliarineqartuni immikkoortuni ataasiakkaani periuseq aalajangersimasq naapertorlugu suliarinerini oqaluuserereernerini, nalilersuereernermilu aalajangiussaasut immikkoortortanut allanneqartarput:

Nassuiarnera

Immikkoortoq suliarineqartoq nassuiaasernejarpoq, susassaqtut allaatigisaat naapertorlugit. Nalilersuereernermi nassuiaatip naggataani suut ilalernejarnerisut suullu allanngortinneqarnerisut allanneqartarput.

Innersuussut

Immikkoortumi suliarineqartumi suna innersuussutigineqarnerisq nassuiaasernejarpoq. Immikkoortuni suliarineqartuni ataasiakkaani innersuussutit nalunaarusiami inerniliineri ataatsimut innersuussutitut allanneqarput.

Kommissorium naapertorlugu tulluittuni allassimasut Suleqatigiissitap suliarivai:

A. Siunissami timersortarnek, ilaatigut misissuisimanerit, nalunaarusiornerit il.il tunngavigalugit nassuiaat

Nassuiarnera:

Siunissami timersortarnek pillugu inuiaqatigiit tamarmik timersorusussuseqarlutillu timigissarusussuseqarnissaat qulakkeerneqarnissaa GIF-ip pingaartippaa.

Nunarsuarmi Nunatut Timimik aalatitsinerpaanngornissaq aallaavigalugu Timersoqatigiit Kattuffiat *inuiaqatigiinni allannguinermik* aallartitserusuppoq, tamatumani timersorneq timimillu aalatitsineq allannguinnissamut sakkussaalluartoq tunngavilersuutigalugu:

- Kalaallit Nunaanni amerlanerit timiminnik atuisuulertariaqarput
- Peqatigiilluni aalatitsinerit peqataaffigineqarnerulertariaqarput
- Inuiaqatigiit, inuussutissarsiortut, pisortallu tamarmik suleqatigiissutigisaat timimik aalatitsinerit piujuartumik ineriartortinnissaannik pilersitsisariaqarput

Nunarsuarmi nunatut timimik aalatitsinerpaanngornissamik takorluuineq ukioq 2020 aallartippoq Kalaallillu Nunaat nunarujussuugami periarfissarpassualik timersorneq aallaavigalugu suleqatigisat peqatigalugit ataatsimuussutsimik, peqqinnerulernermik minnerunngitsumillu toqqissisimanartunik peqataatitsisunillu peqateqartitsinerit pilersinnissaannut periarfissarpassuaqarpoq.

GIF-ip periusissiamini taamaattumik anguniakkat annertuut pingasut aallaavigai:

- Amerlanerit aalanerulersillugit
- Ilaasortat kattuffiat
- Peqatigisat nukittoq

Aalajangersimasunik aallartisaasoqarneratigut anguniarneqassapput inuit massakut aalavallaanngitsut aalanerluunniit ajortut aalanerulernissaat anguniarneqassasoq. Aalavallaannginnerup ajornartorsiortitsineri assigiinngippallaartumillu aalasoqartarnerata kingunerisai ilisimaneqareerput, suleqatigisassatullu piukkunnaatillit peqatigalugit aaqqiissutissat nassaarineqarsinnaapput, innuttaasunut qaninnerulernikkut nunalu tamakkerlugu iliuuseqartarnerit aqutigalugit.

Takorluukkat anguneqassappata kommunit suleqatigisallu nunatsinniittut tamarmik ataqatigiissaakkamik suleqatigiinnissaat pisariaqarpoq. Taamaattumik Timersoqatigiit Kattuffiata misilittagaqarnermigut paasinikuuaa suleqatigiinnissamik isumaqatigiissuteqarnerit suleqatigiinnissamut toqqammaviulluartaatusut, suleqatigiinnissamut paasinneqatigiinnermik qulakkeerinittaramik.

Timersoqatigiit Kattuffiata anguniagaqarluarusussuseqaatigaa kommunit, suliffeqarfiit innuttaasullu suleqatigiinnermikkut nunatsinni peqatigiissutsimik pilersitsinissartik - peqatigiissuteqarnissarlu pigilertariaqarpaat Kalaallit nunarput nunarsuarmi timimik atuinerpaatut angusaqassappat.

Suleqatigiissitap aallaqqaasiilluni oqaaseqaateqarnermini apeqquq qaqitaasa pingaarnersaat tassaavoq, oqaaseq timersorneq qanoq paasineqassanerani apeqquq.

Tamanna akissuteqaasiorniassagaanni amerlasuutigut aallaaviit assigiinngissinnaapput. Timersornerulli sunniutai isiginiassagaanni inuiaqatigiittut timersornerup inissisimaneranut allatorluinnaq isiginneriaaseqarnermik aallaaveqartariaqarluni, siunissaq ungasinnerusoq eqqarsaatigalugu timersornerup aallunneqarnerata sunniutissai pitsaasumik inerisikkiartortinneqaannassappata.

Ullumikkut sanilliullugu timersorneq siumut isigisumik sammitikkaanni pisariaqarpoq siullertut unammersuartitseriaatsinik nutaanik aallutaqalernissaat. Imatut paasillugu unammisarnerit ukiup unammisaqattaarfiusup ataatsip iluani siamasissumik ingerlanneqarsinnaasunngorlugit. Tamanna tunngaveqassaaq timersortartut sungiusarnerminni akunniliullugu unammisassasut, ukiullu unammisaqattaarfiusup naanerani naggataarutaasumik unammisitsinernit ukiumi tassani pissartat taaneqarsinnaasunngorlugit. Taamaasiornikkut ukiumut ataasiartumik naggataarutaasumik unammersuartarnerit unitsinneqartariaqarput. Timersornermut kattuffiit ataasiakkaat periusissaminnik suliaqartariaqarput imminneq timersuutigisaminnut naapertusaarillutik aallaaveqartumik.

Nunatsinni kattuffiit qulingiluaasut tamarmik immikkuullarissumik assigiinngissuteqarlutik unammersuartitseriaaseqarput. Salliutitsisoqassappat siunnersuutigineqassaaq isikkamik arsaattartut, assammik arsaattartut, nerrivimmi arsaartartut aamma sulorartartut kiisalu volleyball-ertartut siullertut taamatut aaqquissuussiffigineqaaqsinnaaneri.

Pitsaaqutit nalilersuutigissagaanni taamatut aaqqiissuteqassalluni tassaalluinnarput timersortartut siusinnerusukkat ataavartumillu sungiusarnerminnik aallutaqartalersinnaaneri taamaasillutillu timersuutiminnut aallussineri pitsanngoriartorsinnaanerinut iluaquusiinnaalluallutik. Tamanna inuttut ataasiakkaatut pitsaaquteqartassaaq aamma arsaqatigiittut iligiikkaarnikkullu taamaassalluni. Taamaasillunilu nunarsuarmioqatigiinnut unammillersinnaassutsi pitsanngoriartinneqangaassalluni.

Pitsaaqutit nangiinnarlutik saqqummiussissagaanni nuna tamakkerlugu aningaasarsiornikkut sunniuteqarluarsinnaassaaq. Unammisartut akulikinnerusumik angalasinnaalernerisigut angalatitsivinnut, illoqarfinnut ataasiakkaani niuertunut, inissiisarfinnut aningaasarsiornikkut sunniuteqarluarsinnaaneri naatsorsuutigineqartariaqarmat.

Meeqqat inuusuttullu periarfissanik taama aaqquissuussaasunik takusaqarsinnaalersillutik aamma qularutissaanngilaq inuunerminni siusinnerusukkat timersuutitut ataasiakkaanut soqutiginninnerisa annertusaataanissaannut aqqutissiuissasoq. Tamanna inuiaqatigiinni ataasiakkaani kommuninullu pitsaaquteqarluarsinnaalluni, tamanna pinaveersaartitsinermut naleqqiutissagaanni.

Ullumikkumut timersoqatigiiffiit peqatigiiffiisa aningaasalersorneqarneri isiginiassagaanni, angalanernut aningaasartuutaat amerlanertigut kommuninit akiligaasarpot. Taamaammat allannguissagaanni aningaasaleeriaaseq ataatsimut isigalugu nalilersuisoqartariaqarpoq.

Aningaasaqarneq ataatsimut isigalugu aaqqissunngikkaanni tamatuma timersoqatigiiffinnut ajoqusiisinaanera qaninnerussasoq suleqatigiissitamit nalilerneqarpoq.


Siunissami timersornerup aaqqissuuteqqinneqarnissaanut timersoqatigiiffiit peqatigiiffiit ingerlatsinerit uummarissarluarneqartariaqarput, piumasaqaateqartitsisumik aaqqiinikkut. Soorlu timersoqatigiiffinni ataasiakkaani ilaasortaqaqarnermut nalunaarsuutit ukiumi ilaasortat akiliutaannut sanilliukkaanni amerlanertigut, ilaasortaanermut akiliutit ikinngitsut inuit ilaasortatut allattorsimasut akilertanngikkaat takussutissaqarsorinarpoq. Assersuutaannaagaluartoq sulinermi qitiulluartutut isigisariaqarpoq. Tassani qitiuneranut tunngaviusarpoq siullertut ilaasortaqaassutsumik aallaaveqartitsilluni aningaasalersueriaaseqarneq kattuffiit aqutugalugit ullumikkut aallaaviummat. Tamanna tunngavigerpiarlugu Inatsisartut aningaasaqarnermut inatsisaatigut timersornermut aningaasaliissutaasartut ukiumi kingullerni qulini malunniuteqarluartumik nikingaarnikuunngillat, taamatullu kommunit aningaasalersueriaaseqarneri isiginiassagaanni ippot.

Aningaasaqarneq ataatsimut isigalugu aaqqissuussinngikkaanni illoqarfinni timersoqatigiiffiit peqatigiiffiit sunniuteqarnerlussinnaassasoq suleqatigiissitamit nalilerneqarpoq.

Aningaasalersueriaatsip ataatsimut sammisumik isiginnilluni suliarineqanngikkuni aammalu aningaasartassaviinik aningaasaliissuteqartoqanngippat siunertaasinnaanngilaq allanngortiterinissaq. Aningaasanimmil naammattunik illikartitsinnginnerup sunniutigiinnassammagit, pissutsinit nikeriartoqannginnissaa. Allanguisoqassappat qitiulluinnartuuvooq aningaasanik malitseqartitsinissaq. Ilaatigut eqqarsaatigineqaaqqunarpoq kommunit Namminersorlutillu Oqartussat akunnerminni ukiumut aningaasaliissutissanik isumaqatigiissuteqartarnerisigut aaqqiissuteqartoqarsinnaaneranik isiginninniarnissaq.

Misissuinerit assigiinngitsut takutippaat ukiumut timersornermut aningaasaliissutit toqqaannartut 85 mio. koruunit missaanniittut, taakkunanngalu Inatsisartut aningaasaqarnermut inatsisaatigut 18 mio. koruunit aningaasaliissutaasarlutik, eqqoriaasitsinerniillu tips aamma lotto-nit aningaasaliissutit 20.9 mio.kr.-it ilanngullugit. Sinneruttut kommuninit aningaasaliissuteqarnikkut annerusumik pissarsissutaasarlutik. Eqqarsaatigineqarsinnaavoq timersornermut aningaasaliissutit tamakkiisut Naalakkersuisut kontuannit aqunneqarsinnaasunngortinneqarnissaat, taamaasilluni kommuninut isumaqatigiinniarnikkut aningaasat ilanngunneqartarsimasut ersarinnerusumik assigiissagaanerumillu sinaakkusersukkatut tunniunneqarsinnaasunngorsarlugit.

Figur 1: Udviklingen i finanslovsbestemte selvstyrebevillinger til idrætten, 2012-2017, 2017-priser



Assiliaq 1: Namminersorlutik Qqartussani aningaasanut inatsisitigut timersornermut aningaasaliissutit ineriartorneri 2012-2017, 2017-imi akigitat naapertorlugit (Idrættens økonomi i Grønland, dec. 2018, qupp. 9)¹

Kommunini peqatigiiffilerinernit aningaasaliissutaasartut ersarinnerulersillugit takussutissiarineqarsinnaaqqullugit suleqatigiissitap isumaa naapertorlugu malunnaateqarluartumik iliuuseqarfigineqarnissaat inassutaavoq. Peqatigiiffilerinerit timersornerinnaanngillat aamma peqatigiiffeqarnerit allat taamaasillutik ersarinnerusumik isiginiarneqarnerulersinnaaneri oqallinnernit saqqummiunneqarput. Takussutaasinnaasunilli uppersaasiisinnaaneq amigaateqarpoq tamakkiisumik nalilersuisinnaanermik killiliissuteqangaatsiartumik.

¹ Idrættens økonomi i Grønland. Et overblik over status og udvikling i de økonomiske midler på idrætsområdet i Grønland. Idrættens Analyseinstitut, GIF, dec. 2018

Tabel 1: Driftsudgifter til idræt i de grønlandske kommuner 2013-2017, 2017-priser, total samt pr. indbygger

	2013	2014	2015	2016	2017	I alt/snit pr. indbygger
Kommune Kujalleq	4.194.861 kr.	4.700.319 kr.	4.769.666 kr.	4.607.789 kr.	4.655.698 kr.	22.928.333 kr.
Pr. indbygger	587 kr.	663 kr.	684 kr.	677 kr.	696 kr.	661 kr.
Qeqqatta Kommunia	9.201.729 kr.	9.538.687 kr.	9.132.993 kr.	10.337.978 kr.	10.871.397 kr.	49.082.785 kr.
Pr. indbygger	957 kr.	1.011 kr.	972 kr.	1.097 kr.	1.177 kr.	1.043 kr.
Qaasuitsup Kommunia	5.617.515 kr.	6.575.035 kr.	5.701.019 kr.	6.251.086 kr.	5.553.270 kr.	29.697.925 kr.
Pr. indbygger	313 kr.	374 kr.	327 kr.	364 kr.	324 kr.	340 kr.
Kommuneqarfik Sermersooq	12.674.417 kr.	20.938.306 kr.	18.881.156 kr.	20.288.530 kr.	14.178.086 kr.	86.960.494 kr.
Pr. indbygger	580 kr.	942 kr.	846 kr.	903 kr.	625 kr.	779 kr.

Kilde: Grønlands Statistik. Særtræk fra de kommunale kontoplaner

Assiliaq 2: 2013-miit 2017-imut kommunit timersornermut ingerlatsinermut aningaasartuutaat tamarmiusut agguaqatigiissillugulu innuttaasunut ataasiakkaanut, 2017-imi akigitat napertorlugit, (Idrættens økonomi i Grønland, dec. 2018, qupp. 11, tak. note 1)

Qularnaatsumilli siunissami unammersuartitseriaatsit aallaavigalugit timersornerup aaqqissuuteqqinneqarnissaanut siunnerfeqassagaanni pisariaqavippoq peqatigiiffeqarnernik ingerlatsinernillu tunngavissat assigiissarnerunissaat aammalu allaffissornikkut oqilisaasoqarsinnaanissaanik eqqarsaateqartoqareertariaqarluni. Eqqaamaneqassaaq peqatigiiffinnik ingerlatsinerit tamagimmik nammineq piumassuseq aallaavigalugu ingerlatsinerummata. Tamannalu tunngavigalugu peqatigiiffiit ingerlalluartut tassaasarpur siulersorneqarnermikkut sungiusaasoqarnikkullu pitsaasumik aaqqissuussamik ingerlatsiffiusut inuile suliaminnut tunniusimallutik piffissaqarlutillu ingerlatsisinnaasunit tunuliaqutaqarneri.

Apeqqummut “timersorneq sunaana” uteriaqqissagaanni qulaani allaaserineqartut ilaannarivai. Pitsaasumik siunissaq sanarfiniarlugu isummertoqarpat pisariaqarlunnartumik tamakkiisumik isiginnilluni aaqqissuusseqqittoqarnissaanik pisariaqartitsisoqarpoq. Timersornermut sunniutit amerlasooruupput aaqqissorneqarsinnaappulli piumassuseqarfigigaanni tamannalu kattuffiit peqatigalugit aaqqissuunneqartariaqarluni, pingaartumillu timersoqatigiit kattuffiat tamatumani suleqatigilluarnertigut.

Siunissami timersornerup aaqqissuuteqqinneqarnissaanut qitiullunnartut ilagivaat timersoqatigiiffiit angalanerini pissutsit isiginiarneqarnissaat. Akulikinnerusumik angalatitsisoqartalerneqatigut pisariaqartitsisoqalissaaq unammiat piffissami illoqarfitsik qimallugu unammiartornerata nalaani, illoqarfimmi tikitaminni pitsaasumik toqqissisimasumillu najugaqarsinnaanerisa aaqqiivigineqartarnissaat. Siunertaasariaqarpoq inissisimasarfiit atugassaritanik pitsaasunik sinaakkutallit atorineqartarnissaat, taakkua siniffeqarlutik, uffarfeqarlutik aamma neriffiusinnaasunik pilersitsiffiusinnaasunik tunuliaqutaqartut. Pissutsit pineqartut ilaatigut immikkoortoq I-imi ilanngullugit allaaserineqarneri takuneqarsinnaapput.

Aaqqissuusseqqittoqarneratigut sunniutissat pitsaasut amerlapput taamaammallu pimoorussilluni ingerlatsisoqartariaqarneranik tunngavissaqarluarpoq. Suliami aningaasatigut inissisimaffik kisiat ukkataralugu inissinniaraanni suleqatigiisitami isumarput naapertorlugu eqqunngitsuliornerussaaq, pisariaqavimmammi sunniutit tamakkiisut isiginiarlugit nalilersuisoqarnissaanik. Aningaasarpasuit eqqartorneqartaraluartut inuiaqatigiinni pitsaasumik sunniutaanissaat pingaarnertut isiginiarneqartariaqarpoq.

Timersorneq inuiaqatigiinnut ataatsimut katiteruffiusarteq ilisimaneqarluareerpoq. Suleqatigiisitami qularutiginagu isumaqarpugut timersornerup aaqqissuuteqqinneqarnerata kingunerani aamma uummaarissumik illoqarfinni pissutsit malinnaalernissaat naatsorsuutigineqarmat. Sunniutissat pitsaasorpasuit malitsigissavaat akulikinnerusumik illoqarfinni timersornermik aallaaveqartumik pikialaartitsisoqartalerneratigut tamakkulu sunniutissaat takorloorneqaannarsinnaasutut isumaqarluta.

GIF-ip ilanngussaa:

Atuarfimmi aalatitsinissaq eqqumaffigisassallu

Kalaallit Nunaanni Timersoqatigiit Kattuffiata kissaatigaa amerlanerit timimik aalatitsilluartarnermikkut nuannaarnermik iluaqutaasunillu misigisaqarnissaat – ulluinnarminni sunngiffimminilu. Timimik atuinnissaq aalatitsinissarlu killeqaraangat ajornartorsiutit amerlasuut taassuminnga aallaaveqartarput, sumiiffiit aammalumi innuttaasut aalajangersimasut pineqartillugit. Kalaallit Nunaat timersornerup timimillu aalatitsinerup tungaatigut siuttuullunilu peqqissutsitigut siuttuussaaq. Allatut oqaatigalugu; timersornermik timimillu aalatitsinermik pingaartitsilluni iliuuseqarnermigut.

Kalaallit Nunaanni Timersoqatigiit Kattuffiat iliuuseqaqataarusuppoq, atuarfiup najukkamilu meeqqat inuusuttullu timersoqataanerulersinnissaat atuarfimmi/peqatigiiffinnilu qitiutinneqartumik aammalu kommunit peqatigiiffiillu suleqatigiinnerulernerisigut anguneqartussamik taamaasilluni atuarfiit peqatigiiffiillu aamma suleqatigiinnerulertariaqarmata. Atuarnerup nalaani aalanerulernissaq timimillu atuinerulernissaq siuarsaaffiginiarparput. Meeqqat ilinniarsinnaanissaat ikorfartorniarlutigu ilinniagartuunngornissaminnullu ineriartorsinnaaniassammata. Aammali timitta isumaliortaatsikkullu peqqinnissarput piujuartikkusukkatsigu.

Innersuussut:

Ullumikkut nunatsinni timersornissamut aningaasatigut qulakkeeriinnarnani, aammali siunissami timersornerup tungaatigut aningaasatigut qulakkeerinnilluni politikkeqarnissaq anguniarneqartariaqarpoq taamaasillunilu aaqqissuussamik timersornissamut aningaasaliisoqartarnissaa qulakkeerneqarluni:

- Inatsisitigut tunngaviit qimerloorlugillu akisussaassutimik ersarissaavigineqartariaqarput aammalu assigiissarnissaat inassutigineqarluni

- Timersornerup aaqqissuuteqqinneqarnissaanut ataatsimiititamik pilersitsisoqarnissaanik Naalakkersuisut kaammattorneqarput, tamanna Kalaallit Nunaanni Timersoqatigiit Kattuffiat peqatigalugu aaqqissuussassamik
- Atugassarititanut maleruagassanik ersarissunik tunngaveqartinneqarlutillu assigiimmik atugassanngorlugit aaqqissuussisoqarnissaa, ilaatigut klubbit aqunneqarnerinut, sungiusaasoqarneq, siuarsaanissaq minnerunngitsumillu, nammineq kajumissuseq aallaavigalugu suliniutinut kaammattuuteqarnermik imaqtumik maleruagassiornikkut
- Tamat peqataatinneqarnissaannut kaammattuillunilu peqataatitsinerit

B. Siunissami unammeriaatsit

Nassuiarnera:

Siunissami timersortarneq pillugu allaaserisami qulangiisumik qanoq aaqqissuussisoqarsinnaaneraniq suleqatigiissitaq allaaserisaqarpoq. Soorlili taamatut aaqqiisoqartariaqavinneranik itisiliinngilavut tassunga peqqutaarpiarluni, ullumikkut timersortitseriaaseq tamaginnik ingerlanneqartoq imminut assersuukkuminaatsuummata. Taamaattorli pisariaqartitsisoqarpoq timersornerup aaqqissuuteqqinneqarnissaani tunngavissat ersarissut suut aallaavigissallugit aalajangernissaq.

Suleqatigiisitami oqallinnerni ersarissumik tunngavissut uku ersertut taakkartorusuppavut:

- Timersoqatigiiffiit peqatigiiffiini aqutsinerit sukateriffigineqarnissaat, tassani aningaasaqarnikkut aqutsisinnaaneq, siulersuisoqarnikkut aqutsisinnaanermut sakkussanik aammalu timersoqatigiiffiup "suliffeqarfittut" ingerlanneqarsinnaanissaanut assingusumik aqutissiuinerit, soorlu ilaasortaqaqarnermut akiliuteqartitsinerinik ukkataqarnerusunik ingerlatsinerit
- Timersoqatigiiffiit siulersorneqarnerini akisussaaffinnik immikkoortitsisinnaaneri sinaakkusersukkamillu aqutsinikkut sakkussanik pikkorissaasoqartuarnissaa, soorlu timersoqatigiiffittut imminut anguniagassinnikkut annerusumik ukkataqarnikkut
- Timersoqatigiiffiit aningaasalersorneqartuarnissaanut periusissamik aaqqiineq, soorlu illoqarfigisani aningaasaliissuteqarsinnaasunik ujartueqatigiinnikkut qitiusumiillu aningaasaliissuteqarsinnaanerit eqqarsaatigereerlugit
- Timersoqatigiiffiit aningaasaqarnerannik aqutsinerinut tunngavissanik assigiissakkanik pilersitsinerit
- Sungiusaasut namminerlu kajumissutsimik ingerlatsisuusut ukiunut arlalikkaanut tunngavissaannik pitsaasunik pilersitsinerit, soorlu sungiusaasutut pikkorissarfigisinnaasaannik aallussilluni aammalu suliamut naapertusakkamik aningaasaliissuteqartoqarsinnaanissaa eqqarsaatigalugu
- Ataqtigiissakkamik timersornerup ineriartortinneqartuarnissaanut timersoqatigiiffinnut naapertusakkamik sinaakkutinik pilersitsinerit, soorlu meeqqat sungiusarneqarnissaanut aallaaviit inuttullu ineriartornerinut naapertuuttumik sungiusarnerisa aaqqissuunnissaat, meeqqat inuusuttullu inersimasunngornissaanut piareersarneqarnerisigut
- Peqatigiiffilerinerni angajoqqaat qitornaminnik tapersersuiuarnissaat siunertaralugu peqataatitsinerit annertunerusumik sunniuteqartillugit, ilaatigut ajunngitsorsiaasinnaasunik pilersitsiortornikkut illoqarfigisani timersoqatigiiffiit niuertullu akornaminni aaqqiissuteqarsinnaanerisigut isiginnittumik
- Minnerunngitsumillu sungiusarnerup unamminertaqarnerusumik aaqqissuunneqarnissaanut piviusorsiortumik pilersitsinikkut
- Akisussaaqatigiinnermik pilersitsinerit peqatigiiffilerisut, timersortartut, angajoqqaat kiisalu illoqarfigisani suleqatiginninnerit aallaavigalugit

Sammineqarsinnaasorpassuit ilagiinnarpaat qulaani taaneqartut. Qitiusorli taannaavoq suleqatigiittoqarneratigut aaqqissuunneqarnissaat. Peqatigiiffiit kattuffitsik aqqutigalugu timersoqatigiiffiit kattuffiat peqatigalugu aaqqissorneqarsinnaasut.

Siunissaq eqqarsaatigalugu aaqqissuusseqqittoqassappat ilaatigut avaqqunneqarsinnaanngitsutut naliliiffigineqartut pingaarnersarivaat angalanermut aningaasartuutit nalimmassakkamik aaqqiissuteqarfigineqarsinnaanissaat. Ilaatigut Namminersorlutik Oqartussat angalatitseqatigiiffinnik piginnittutut aaqqiissuteqarsinnaanissaannut isiginnilluni pisariaqartitsisoqarpoq. Tamanna immikkut ilisimasallit peqatigiillutik aaqqiissuteqarfigisinnaagaat suleqatigiisitami isumaqarpugut. Qitiusorli tassaniilluni Naalakkersuisut angalatitseqatigiiffinnut piginnittutut sapiissuseqarlutik aqqutissiuinissaat pisariaqartinneqarlunnarluni. Ullumikkut timersornermut aningaasaliissutit Namminersorlutik Oqartussanit kommuniniillu tunniunneqartartut, karsip aappaanut nuunneqaannarlutik ingerlanneqartarput, kingornalu sinneqartooruteqarnikkut karsinut aggerfigisaannut utertinneqartarlutik. Nutaamik eqqarsaqatigiittoqartariaqalinnginnerpa? Suleqatigiisitami taama isumaqarpugut!

Siunissaq timersornerulernermik aqqutissiuusseqatigiiffigutsigu Kalaallit Nunaat nunarsuarmioqatigiinnut ersarinnerusumik saqqummilernissaa suleqatigiissitami isumaqarluta oqaatigerusupparput. Ullumikkut atugassarititaasut amerlasuutigut pitsaanerpaajusanngikkaluartut, nunarsuarmioqatigiit unammersuarnerinut assigiinngitsunut anngunniuunnikkut angusaqarsimanikkullu peqataajuarpugut. Inuiaqatigiittut tulluusimaarutigilluartaakkatsinnik kinguneqartartoq. Sooq tamanna pitsanngorsaaqataaffigiinnassanngilarput? Eqqarsarluarnikkut suleqatigiilluarnikkullu tamanna anguneqarsinnaasoq suleqatigiisitami isumaqarluta anngukkusupparput.

Ilisimaneqarpoq allannguinerit suulluunniit aningaasaqarnikkut sunniuteqartarneri. Aningaasat ullumikkut pioreersut iluini nikerartitsisinnaaneq isiginiaatigalugu aningaasarsiorsinnaanikkut pissutsit atuussinnaasunngortussat allat, soorlu angalatitsinernit, inissisimatitsinernit illoqarfiillu akorngini niuernikkut pissutsinut sunniutit pitsaasut aallaavigineqalernissaannut aqqutissiuimmata, isiginiarneqartariaqartoq suleqatigiissitami isumaqarpugut.

Unammisitseriaatsit allanngortinneqarnerinut atatillugu ullumikkut unammiffiusinnaasutut sinaakkutaasut tunngaviusumik atorneqarsinnaaneri qularutissaanngilaq, naak pitsaassutsit illoqarfinni assigiinngiaarsinnaagaluartut. Timersortarfiit kommuninit ingerlanneqartuupput arlaatigullu aaqqissorneqarneri assigiinngitsuullutik. Taamaammat suleqatigiissitami itinerusumik suliaqarfik tamanna sammissanagu aalajangiussimavarput, toqqaannartumik timersornermut sunniuteqanngimmat naak toqqaannanngitsumik taamatut isigineqarsinnaagaluartoq. Tassani ilaapput kommunit sanaartortitsinikkut aningaasartuutaat kommunalbestyrelsinit aqunneqartuuneri sunniuteqarfigiuminaammata.

Qularutissaanngilaq timersornerit assigiinngitsut siunissaq pillugu eqqarsaatersuuteqartarneri. Timersornermilli inerisitseqataasoqassappat imminermik salliutitsineq pinnagu suleqatigiilluni aaqqiissuteqartoqarnissaa suleqatigiisitami ersarissumik isumaqaratta nalunaarutigerusupparput. Angusaqarfiusumik ingerlatsisoqassappat

salliutitsinerit aallaavigalugit nikeriartoqarnissaa aqquataasariaqarpoq misilittakkallu inerisikkiartorneri ilutigalugit tulleriissakkamik pingaarnersiulluni ingerlatsisoqartariaqartoq isumaqaratta. Tamatumani timersoqatigiit kattuffiat qitiulluinnartumik inissisimaffeqarpoq tassuunatigullu timersoqatigiiffiit kattuffii peqatigalugit, suleqatigiissutissanik pilersitsiffiusariaqartoq isumaqarluta.

GIF Suleqatigiissitamut suliamut B-mut ima allaatigisaqarpoq:

Ataani nassuiaataasut aallartitassatut/iliuuseqarfigisassatullu siunnersuutaasut misilittakkat, ilisimasat minnerunngitsumillu annerusumik ineriartortitsinissat aallaavigalugit anguniagaqartoqartariaqarmat. Timersornermi tunngaviusumik ilisimasaqarnerup annertunerulersinneqarnissaa ilisimasanillu siammarterisarnissaq inaarutaasumik qulakkiissallugu pisariaqartinneqartussaagami.

Pisoqartitsinerit ineriartortillugit eqqumaffigisassallu

Pisoqartitsinerit unamminerilluunniit nunatsinni najukkani ukiup ingerlanerani akulikitsumik ingerlanneqartarput. Nuna tamakkerlugu unamminerit pāske sioqqullugu nalaaniluunniit ingerlanneqartarput, aasakkullumi. Ataasituanguaq ukiakkut ingerlanneqartarpoq. Kajumissutsiminik suliaqartartut pilersaarusiorsinnaasut minnerunngitsumillu pisumik ingerlatsisinnaasut pititsinissap piviusunngortinneqarnissaanut pingaaruteqarluinnartarput. Aammali atortussaqaqluarnissaq pingaaruteqarluinnartarpoq, taamaasilluni aaqqissuussinermi timersornermut tunngasutigut atortussat unnuiffiusinnaasut, minnerunngitsumillu aningaasaqarnermut tunngasortaap pingaaruteqartartuupput, angalanissat piviusunngortinneqarnissaannut, unnuinissamut aaqqissuussamilu atortussat tamarmik piareersimanissaat qitiulluinnartarami. Pititsinissap qaqugukkut pinissaanut aalajangiisuusarpoq kajumissutsiminik suliaqartartut aammalumi unammisussat qaqugukkut piffissaqartarneri apeqqutaasaqigami, Kalaallimmi nunatsinni angallannikkut attaveqaatit taamaallaat illoqarfiit (nunaqarfiillu) akornganni angalassagaanni timmisartukkut aammalu/imaluunniit umiarsuakkut (umiatsiakkut) orninneqarsinnaasaramik.

Pisoqartitsinerit/unammisitsinerit Kalaallit Nunaanni Timersoqatigiit Kattuffiata misilittagaqarfigilluagaasa ilagaat najukkani imaluunniit nuna tamakkerlugu aaqqissuussisoqassatillugu, ingerlatsinissamullu najoqqutassat aamma ilaasortanit atornerarsinnaasarpur, soorluttaaq siunnersorneqarlunilu ilitersuisoqarsinnaasuaannartaq Kalaallit Nunaanni Timersoqatigiit Kattuffiannut saaffiginnittoqaraangat.

Unammisitsinerit ingerlanneqarnissaannut pissutsit assigiinngitsut apeqqutaasuaannarput, makkulu qulakkeerneqartussaassapput:

- Timersuutip ingerlanneqarsinnaanissaanut atortussaqaarnissaq
- Nerisaqartitsinissamut unnuisitsisarnissamullu periarfissaqartitaanissaq
- Timersornermut atortut attartorneqarnissaannut aningaasatigut matussutissaqarneq
- Angalasoqarnissaanut atortussanullu akissaqartitsineq
- Dommeriusussat akissarsitinneqarnissaannut tunngatillugu aningaasassaqaarnissaq il.il.
- Nerisaqartitsinissamut atugassarititaasunut tunngatillugu aningaasassaqaarneq il.il

- Unammiffissap ingerlanneqarnissaa (qaqugukkut atuarfimmi suliffimmilu freernissamut periarfissat misissorsigit il.il.)
- Piffissap ingerlanneqarnissaa (unnuiffissatigut periarfissaqarnerisq misissorsiuk il.il.)
- Pisoqartitsinerup ingerlanneqarnissaanut kajumissutsiminnik sulisussat piginissaat
- Pisussap pilersaarusiorneqarnissaanut piffissaqarlunilu nukissaqartoqarnera

Unammisitsinerni aaqqissuuseriaaseq nutartigaq malillugu nunap immikkoortuani pisoqartitsinissaq timersoqatigiiffinnik arlalinnik peqataaffigineqarsinnaasoq, timersuutinillu arlalinnik ingerlatsiffiusinnaasoq nunap immikkoortuani timersuutit pitsanngorsaaffiginissaannut angalanernullu aningaasartuutinik sipaaruteqartoqarsinnaalluarpoq, ataavannerusumillu unamminernik ingerlatsisoqartarnissaa aaqqiissutaasinnaasut ilagilluinnarpaat.

Aammali atortut ullumikkumut tulluunnerusut piginissaat pisoqartitsissagaanni pisariaqarlunnaarput, illoqarfinni minnerni nunaqarfinnilu pisoqartitsinissamut aporfiusinnaammata. Angalasoqarnissaanulli killilersuisussaassaaq nunatsinni angalanerit suli akisoorujussuunerat, ingammik isorliunerusuniit illoqarfinnut angalanianaanni.

Aningaasassaqaarneq aningaasaliisunit (sponsorit) kommunimiillu tapiissutaasartut killeqareermata nammineq akiliinissaq timersoqatigiiffinnut timersortartunullu aningaasartuutaangaatsiarsinnaavoq.

Unammisitsinissaq qaqugukkut ingerlanneqarneri peqquutit ilagilluinnartarpaat ilaatigut pititsinerit ataatsikkut sumiiffimmi ataatsimi ingerlanneqartaramik. Ataqtatigiissaarneqarnissaa pikkunaannarnani aamma timersortartut arlalinnut pisoqartitsinernullu arlalinnut peqataasinnaanerit killiliisarpoq.

Pilersaarusiornernut ingerlanneqarnissaanullu tunngatillugu timersornerup tungaatigut kajumissutsiminnik suliaqartartut piffissaannik nukissaannillu tiguserit annertuut pisarput. Taamaasilluni unamminerit ukiup ingerlanerani piffissami aalajangersimasumi ingerlanneqarnissaat pisariaqalertarpoq, taamaasilluni feriassat il.il. annaaneqannginniassammata, aammalu ilaquuttaniit suliffimmiillu tapersersorneqarnissaq paasineqarnissarlut pisariaqartinneqalertarpoq piffissamik atuinissaq eqqarsaatigalugu.

Suliaq B-mut kommunit ima allaatigisaqarput:

Kommunini eqqartorneqarpoq meeqqanut unammersuariaaseq qanoruna takorluugaasoq inerisarneerukkiartornersorlu apeqqutigineqarpoq assersuutigalugu pissartanngorniuunnerit avinngarusimasuni tassa isorartunerusuni ingerlanneqaraangata killilersuinerit annertuut pilertarneri peqataasinnaasut killeqartinneqalertarmata aningaasat apeqqutaasarmata angalanissaq eqqarsaatigalugu. Soorlu assersuut unammersuariaatsip ataqqineqarpallaarnera unammeriaatsini 67-iusuni 30-it kisimik peqataasussanngoraangata meeqqat affai peqataatinneqartannginneri eqqaaneqarpoq, tassani meeqqat ilaanut pakatsisitsisarneq eqqarsaatigalugu angalaneq unammiaaernerlu qimakkiartuaarneqarsinnaasut siunnersuutigineqarpoq.

Uani Norgemi periuseq assersuutigineqarpoq tassa 13-inik ukioqalereersimasut aatsaat unammisalertinneqartarmata meeraanerani peqatigiillutik kisimi sungiusartartut nuannisaarlutik.

Soorluttaaq aamma assersuutigineqartooq peqatigiiffiit nukittorsarneqarsinnaasut unammersuariarnissamut taarsiullugu.

Uani eqqartorpallaanngilarput qanoq iliornikkut tapeeriaaseq assigiissarneqarsinnaanersoq kommunimiit kommunimut eqqarsaatigalugu kisianni iluaqaat qanimut attaveqatigiilersinnaanngoratta oqaluussinnaanngorluta kiisalu tamatta tapeeriaatsinut tunngasuni avitseqatigiinnerusinnaalerluta tamattami massakkut tapeeriaatsinut inatsisit pigilerpagut.

Innersuussut:

- Aqutsinerit sukateriffigineqarnissaat, ilaatigullu pikkorissarfissanik aaqqissueqqittoqarneratigut pilersitsinikkut
- Aningaasaqarnikkut aqutsinerit tunngavissanik assigiissakkanik pilersitsinikkut, ilaatigullu aningaasalersueqatigiinnissamik piffinni pilersitsisinnaanissamut sinaakkutissanik suleqatigiissuteqarnikkut aaqqissuinerit
- Tamat peqataasinnaanissaanut eqqarsartoqaqqinneratigut siunnerfilersuinerit isiginiarlugit

C. Siunissami aningaasalersuisarneq

Nassuiarnera:

Kapitali 7-imi “Timersornermut inatsisit attuumassuteqartut” nassuiarneri innersuussutigalugit inatsisini aalajangersakkat naapertorlugit timersornermut aningaasalersuisarnermut tunngaviupput.

Nunatsinni timersornermut pisortanit aningaasalersuisarneq *ullumikkut* ima ingerlanneqartarput:

Namminersorlutik Oqartussat aningaasaliisarnerat:

Aningaasanut inatsimmi *Konto pingaarneq 40.94.13 Timersornermut tapiissutit (Tapiissutitut aningaasalissutit)* aqqutigalugu timersornermut tapiissuteqartarnermi Timersorneq timigissarnerlu pillugit Inatsisartut inatsisaat nr. 15, 6. juni 2016-imeersoq maleruagassatigut tunngavigineqarpoq Matumani tigusiffiuvoq Inatsisartut 2024-mut aningaasanut inatsisaat:

40.94.13 Timersornermut tapiissutit (Tapiissutitut aningaasaliissutit)

Missingersuutit
immikkoortiterneri

	N 2022	AI 2023	AI 2024	M 2025	M 2026	M 2027
	---- 1.000 kr. ----			---- mio. kr. ----		
Ilanngaaseereerluni anнгаasartuutit	17.970	17.212	17.760	17,8	17,8	17,8

Nassuiaatit:

N=Naatsorsuutit, AI=Aningasanut inatsit, M=Missinersuut, Ilanngaaseereerluni aningaasartuutit=Nettoudgift

Tigusiffik: Inatsisartut 2024-mut aningaasanut inatsisaat

Tapiissutitut Timersoqatigiiffiit Kattuffiannut tapiissutit allaffissornikkut aningaasartuutitut, sulisunik, aqutsisunik ilitersuisunillu ilinniartitsinernut, siunnersortit aningaasarsiaqartitaanerannut angalanerinullu, immikkut timersoqatigiiffiit kattuffiinut kiisalu nunani tamalaani katersuuteqatigiittarnernut suleqatigiinnernullu, tassunga ilanngullugu Arctic Winter Games-imi kulturikkut timersornikkullu sammisanut peqataanernut tunniunneqartarput.

Naalakkersuisut aamma GIF piffissami 1. januar 2022-miit 31. december 2026-p tungaanut anguniagassat pillugit isumaqatigiissuteqarsimapput (tassa resultatkontrakt), matumani sammisassanut tunngatillugu annertussusissatut imarisassaanullu qanoq peqataasut naatsorsuuteqarneri aalajangersarnissaat siunertarineqarluni, angusassatut piumasaqaatit, nalunaaruteqartarnissamut naatsorsuusiortarnissamullu piumasaqaatit ilanngullugit. Sinniisit ataatsimiinnerini aalajangersakkat naapertorlugit GIF aalajangersimasunik timersuutillit kattuffiannut tapiissuteqartarnermut akiliisarneq isumagissagaa anguniagassat pillugit isumaqatigiissummi nassuiarneqarpoq.

Naalakkersuisut Elite Sport Greenlandimik angusaqarnissamut ukiunut sisamanut aamma isumaqatigiissuteqarput, tassani illuatungeriit sammisassanut, tassunga ilanngullugu angusassatut piumasaqaatit, naatsorsuutigisaat aalajangersarneqarlutik, tassanilu aamma nalunaarusiornissamut naatsorsuutinillu saqqummiussinissamut piumasaqaatit ilaallutik. ESG-mut tapiissutit allaffissornikkut aningaasartuutit akilerneqarnerinut tunngaviummik tapiissutitut aamma Elite Sport Greenlandip inatsisitigut aalajangersakkatut sulineranut tunniunneqartarput.

Aningaasaliissutinit 1.250.000 koruunit nunani tamalaani suliassanut immikkoortinneqarput, taakkunaannga 550.000 koruunit nunatta unammisartuinut sungiusaasut, nunatta unammisartuinik aqutsisut akissarsisinneqarnissaannut kiisalu peqqinnissaqarfimmi sulisut akissarsiaannut aningaasartuutitut tapiissuteqarnissaq pillugu qinnuteqaatit naammassisinnaajumallugit immikkoortinneqarput. Akissarsianut aningaasartuutit 50 %-ii angullugit tapiissuteqartoqarsinnaavoq. Ukiumut marloriarluni qinnuteqartoqarsinnaavoq 1. januar kiisalu 1. juli. Aningaasaliissutinit sinneruttut 700.000 koruunit Kalaallit Nunaat sinnerlugu nunanut allanut unamminissamut A-mi peqataatitaqarnissamut atatillugu sulinggiffeqarnermi annaasassanut tapiiffigineqarnissamik qinnuteqaatit naammassinissaannut immikkoortinneqarput.

Suliassami kisitsisissatut naatsorsuutigisat	N 2022	AI 2023	AI 2024	M 2025	M 2026	M 2027
	----	1.000 kr. ----		----	mio. kr. ----	
Kalaallit Nunaanni						
Timersoqatigiit Kattuffiat	10.546	14.922	15.160	15,2	15,2	15,2
Elite Sport Greenland	556	1.040	1.100	1,1	1,1	1,1
Sulinermi						
akissarsiasaraluanut annaasat	1.250	1.250	1.250	1,3	1,3	1,3
Kalaallit Nunaanni						
Qajartortartut Kattuffiat			250	0,3	0,3	0,3

Nassuiaatit:

N=Naatsorsuutit, AI=Aningasanut inatsit, M=Missinersuut, Ilangaaseereerluni aningaasartuutit=Nettoudgift

Tigusiffik: Inatsisartut 2024-mut aningaasanut inatsisaat

Suliassami kisitsisissatut naatsorsuutigisat	N 2022	AI 2023	AI 2024	M 2025	M 2026	M 2027
Ilaasortat tamakkerlugit						
Kalaallit Nunaanni						
Sisorartartut Kattuffiat	1.329	1.361	1.471	1.329	1.329	1.329
Kalaallit Nunaanni Isikkamik						
Arsartartut Kattuffiat	2.773	2.838	2.894	2.773	2.773	2.773
Kalaallit Nunaanni						
Sulorartartut Kattuffiat	824	967	966	824	824	824
Kalaallit Nunaanni Assammik	1.020	1.126	1.125	1.020	1.020	1.020
Arsartartut Kattuffiat						
Kalaallit Nunaanni Taekwon-						
dortartut Kattuffiat	430	450	524	430	430	430
Kalaallit Nunaanni						
Nerrivimmi Arsaartartut						
Kattuffiat	667	668	733	667	667	667
Kalaallit Nunaanni						
Volleyballertartut Kattuffiat	275	337	350	275	275	275
Kalaallit Nunaanni						
Qajartortartut Kattuffiat	341	313	388	341	341	341
Arctic Sport	502	504	474	502	502	502
Timersortartut immikkut						
kattuffeqanngitsut	702	539	548	702	702	702
Utoqqaat timersortarnerat	257	259	265	257	257	257
Katillugit	9.120	9.362	9.738	9.120	9.120	9.120

Nassuiaatit:

N=Naatsorsuutit, AI=Aningasanut inatsit, M=Missinersuut, Ilangaaseereerluni aningaasartuutit=Nettoudgift

Tigusiffik: Inatsisartut 2024-mut aningaasanut inatsisaat

Aningaasanoorutit ilaannit iluanaarutinit agguassisarneq pillugu Inatsisartut Inatsisaat nr. 10, 22. november 2011-meersoq, aamma Aningaasanoorutit ilaannit aningaasanik agguassisarneq pillugu tapeeriaatsit, tapiiffigineqarnissamut piumasaqaatit il.il. pillugit

Namminersorlutik Oqartussat nalunaarutaat nr. 16, 11. maj 2020-meersoq naapertorlugu aningaasaliissutit tunniunneqartarput:

Suliassami kisitsisissatut naatsorsuutigisat	N 2022	AI 2023	AI 2024	M 2025	M 2026	M 2027
	---- 1.000 kr. ----			---- mio. kr. ----		
Najukkanut						
Sanaartornermullu	1.250	1.250	1.250	1,3	1,3	1,3
Aningaasaateqarfik						
Pulje A - Kalaallit Nunaanni	19.503	18.951	20.952	21,0	21,0	21,0
Timersoqatigiiffiit Kattuffiat						
Pulje A - Elitesport Greenland	3.358	3.450	3.813	3,8	3,8	3,8
Pulje B - Meeqqat	831	5.154	5.699	5,7	5,7	5,7
Inuusuttullu Kattuffii						
Pulje C - Allat tamanut						
iluqutissanngortitassanik	7.364	10.348	11.440	11,4	11,4	11,4
siunertallit						

Kommunit aningaasaliisarnerat pillugu:

Kommunit ullumikkut timersornermut aningaasaliisarnerat pillugu *Suliaq E, Siunissami kommunit tapiisarnerisa aaqqiisuuteqqinneqarnissaa*-ta nassuiarneranut innersuussivugut.

Suleqatigiissitaq timersornermut siunissami aningaasalersuisarneq pillugu ima allaatigisaqarpoq:

Suleqatigiissitaq toqqaannartumik siunissami aningaasalersuisarneq pillugu isummersornermini isumaqatigiilluni apeqqutit assigiinngitsorpasuit aallaavigalugit eqqarsaatiminnik saqqummiussipput.

- Timersorneq pillugu periusissiorinissami aningaasaqarneq pillugu qitiulluinnartumik inissisimatinneqarnissaa pisariaqartutut nalilernerqarpoq
- Siunnerfissanik aalajangiussaqaarneq aallaavigalugu aningaasaliissutit ataatsimoortillugit aaqqiivigineqarnissaat timersoqatigiit kattuffiat sunniuteqarluartumik peqataanneqarneratigut ingerlanneqartariaqarpoq
- Timersorneq ataatsimut isigalugu aningaasaliissutissat qimerloorneqartariaqarput taamaattorli tamat timersorneri, pikkorivissortut timersorneri, piukkunnaatillu timersorneri ersarissunik aningaasalersorneqarnerannik siunnerfeqartariaqartoq

Suleqatigiissitami isumaqarpugut Timersorneq pillugu periusissiorinissaa aalajangiisartunit tassalu, Naalakkersuisunit tamanna isumagineqartariaqartoq. Tamatuma suliarilinnginnerani ilaatigut suleqatigiissitap isummersuutai aallaavigineqartariaqartut isumaqarpugut soorunalimi attuumassuteqartut allat peqatigalugit tamanna suliarineqartariaqartoq siunnerfiusariaqartorlu oqaatigissallutigu. Timersornermut Naalakkersuisoqarfik tamatumunnga siuttuussasoq suleqatigiissitamit inassutigiumavarput. Aningaasaliissutissalli tamakkiisut aatsaat ersarissisinneqarsinnaapput periusissiornermi anguniagassat tamakkiisut

saqqummiunneqareerpata. Tamannalu Naalakkersuisut Inatsisartunut suliaminnik saqqummiussinermikkut taamaallaat pisinnaalluni.

Periussissioornissaq suliaralugu aallartinneqarpat pinngitsoorani timersoqatigiit kattuffiat peqatigalugu aaqqissuunneqartariaqartoq suleqatigiissitamit isumaqarpugut. Qularinngilarput sulisut pikkorissut pigineqarmata ataatsimoorussamik isiginnilluni ingerlatsisoqarsinnaanera pisinnaasoq.

Aningaasaliissutilli tamakkiisut ersarissannginneranni pisariaqarpoq timersornerni tamani, soorlu tamat timersornerini, pikkorivissortut timersornerini, piukkunnaatillillu timersortarnerini pisariaqartitsinerit aallaavigalugit qimerluuisoqarnissaa. Tamatumani timersoqatigiit kattuffiat, Elite Sport Greenland, kattuffiillu ataasiakkaat aallartitaqarnerisigut aaqqissuunneqarsinnaasoq inassuteqarluta.

Arlaatigut pisariaqartitsisoqarpoq Nunatsinni sulisitsisut peqatigiiffiat aqutigalugu aningaasalersueriaatsit pillugit oqallittoqarnissaanik aaqqissuisoqarnissaannillu. Sulisitsisut mikinertut taaneqarsinnaasut illoqarfinni aningaasaliissuteqartuuartuupput, anginertullu taaneqarsinnaasut kattuffiit, ESG-lu peqatigalugit ingerlataqakkajullutik. Suleqatigiissitami isumaqarpugut aningaasaqarneq pillugu aningaasalersuisarneq isiginiassagaanni sulisitsisut avaqqunneqarsinnaannginneri pequtigalugit akisussaaqataaffeqartariaqartut. Nunani allani sulisitsisut inuiaqatigiinnut akisussaassuseqarfeqarnissaanik ilaatigut piumaffigineqartarneri qimerloorlugu, Nunatsinni assingusunik inatsisitigut pilersitsisoqarsinnaanera isiginiarneqartariaqarpoq. Tamatumani pingaarteqarpoq aningaasalersuisarneq eqqartorneqartillugu taamaallaat aningaasanngorlugit pilliutit isiginiarneqassanngimmata aammali, sulinngiffeqartitsisinnaanerit, akissarsianik ilanngaassuinngikkaluarluni inuiaqatigiinnut sullissinertut isiginnilluni pilliuteqartitsisinnaanerit isiginiarneqartariaqartut isumaqaratta.

Elite Sport Greenland suliamut C-mut ima allaatigisaqarpoq:

Aningaasaqarneq

Aningaasaqarneq 2024-imi aningaasanut inatsimmeersoq:

Tips og lotto 3.813.172 kr.

IKTIN 1.100.000 kr.

Sulinerminni annaasanut matussutit 1.250.000 kr.

(550.000 kr. nunanut allanut unammisartunut sungiusaasunut kattuffikkoorlugu tapiissutit, taavalu 700.000 kr. timersortartut nunanut allanut unammisartut sulinerminni annaasaannik qinnutigineqarsinnaasut)

Akissarsiassanik annaasaqarnernut qinnuteqarfissaq ukiuni kingullerni ukiumut 1.700.000 kr. – 1.900.000 kr. missaani qinnutigineqartarput, ukiumut minnerpaamik 500.000 kr. sipporlugu ukiuni kingullerni illikartinneqartuniit nikingassuteqarput.

Elite Sport Greenlandip aningaasartuutimi 70% missaani tapiisarnernut atugassatut immikkoortittarpai. Ukiumut 3.500.000 kr. toqqaannartumik tapiissutit atorneqartarlutik. Aningaasat inatsisikkut tunniunneqartartut atorneqarsinnaasut 4.800.000 kr. missaaniittuniit.

Tapiissuteqarnissamut najoqqutassat malillugit kattuffinnut timersortartunullu ataasiakkaanut tapiissuteqartoqartarpoq suleqatigiinnissamut isumaqatigiissusiornerit, nunanut allanut unammisartunut tapiinerit, piukkunnaatilinnut tapiinikkut aammalu suliniutinut tapiissuteqarfigineqartarlutik.

Aallunneqartussanut Elite Sport Greenlandip ukiumoortumik missingersuusiorfigisai ukuupput, periusissianut tunngatillugu ingerlatassanut iliuuseqarfissanut ukununga tunngasunut:

- Piginnaanerit: Piginnaanngorsartitsinerit inuillu immikkut ilisimasallit atorneqarneri
- Avatangiisit: Piukkunnaatillit katersuutsinneri, piukkunnaatilinnik ineriartortitsineq aammalu avatangiisitigut inerisaanerit
- Timersornermut politik: Nersornaasiinerit, inuiaqatigiillu allaavigalugit ataatsimooqatigiilersinneri


Aningaasatigut inissisimaneq

Elite Sport Greenland ukiuni kingullerni arfinilinni aningaasanik atugassanik uninngatitaqarnerusimavoq. Tamanna pissutigalugu Elite Sport Greenland aalajangiivoq aningaasat sulisinneqarnerulissasut, pilersaarusiorneqarlunilu suliniutit suut aallartisarneqarnissaat taperneqartussallu suliniutigilersimallugit. Periusissiaq malillugu suliniutit arlallit aallartinneqarput ingammik piukkunnaatilinnik ineriartortitsinerit aammalumi pikkorivissut iliuuseqarfiginissaannut tunngatillugu kattuffiit suleqatigiinnissamut isumaqatigiissusiorfigineqarsimapput ukiuni pingasuni atuuttumik piginnaanngorsaasoqarniassammat. Tamatuma kingunerisaanik ukiuni arlalinni atuivallartoqartarlunilu/naatsorsuutit amigartooruteqartarsimapput, aammalu ESG-mi aningaasaatit suunersut misissoqqissaarneqarsimapput uninngasuutillu aallaavigalugit sulinneginnemi aningaasanut annaasanut atugassat matussutissat immikkoortinneqarsimapput.

Aallartisarneqarsimasut kingulliit qimerluussagaanni aammalu periusissiap atuunnerata nalaani atugassat susoqartitsilluarsimapput kattuffiillu arlallit nunanut allanut peqataatitsisarsimallutik. Timersuutini arlalinni nunani allani angusat tungaatigut ineriartupiloortoqarsimavoq, tamannalu tassa pisimavoq nunani tamalaani unamminernut peqataanerulernerup kingunerisaanik (soorlu anngunniuteqataanikkut, unamminerit pointe qarfiusartut peqataaffiginerisigut aammalu opens assigisaasalu peqataaffiginerisigut). Pikkorivissut iliuuseqarfiginissaat suleqatigiinnissamut isumaqatigiissusiorfigineqartarput, soorlu A-landsholdiniittut sammisaqartinnissaannut, timersuutigineqartuniluunniit piukkunnaatilinnik ineriartortitsinerit pineqartarput, siunissami nunanut allanut unammisartunut ilanngussinnaanissamut tulluarsakkamik, sineriak tamakkerlugu sungiusartartut avatangiisaannut pitsanngorsaataasunik imaqartarputtaaq iliuuseqarfigisat.

Pisussat kingunerisinnaasaalu

Tamakkua kingunerisaannik aningaasat uninngasuutit 2024-ip naanerani nungussapput.



Taamaattumik Elite Sport Greenland aningaasaliisinnaassuseqartunik ujartuivoq suliniutigineqartullu ilaat allanit akisussaaffigineqalersinnaanerit sulissutigineqarluni. Elite Sport Greenlandip GUX’imi suliani GUX Nuummumt tunniunniarpaa ilinniartitaanermut naalakkersuisoqarfimmit aningaasalerneqartumik, taamaasilluni GUX Nuummi timersornermik aallussineq ilinniartimmilersillugu aamma timersornermut tunngasortaa.

ESG aningaasanik amerlanernik pissarsisinnaangikkuni kattuffinnut tapiissutaasartunut timersortartunullu tamanna kinguneqartussaassaaq minnerunngitsumillu periusissiamut tunngasunik suliaqarnissaq annikinnerulertussaassalluni, periusissiamilu takorluukkat anguniakkallu anguneqarsinnaassanatik.

Taamaattumik Elite Sport Greenland ukiuni kingullerni tapeeriaatsini suliniutinillu ingerlatsinermini allangortissanngippagit ukiumut 1,5 million kr. missaani pisariaqartissavai. Kiisalu sulii pikkorivissortunik piukkunnaatilinnillu ineriartortitsisoqassappat ukiuni aggersuni aningaasat 5-7 million kr. missaani pallillugit naatsorsuutigineqarpoq Elite Sport Greenland-imit pisariaqartinneqartut. Aningaasallu piukkunnaatilinnik pikkorivissortunik minnerunngitsumillu kattuffinnik ineriartortitsissaguni nukittorsaallunilu nunarsuarmioqataanerulernissamillu qulakkeerinninnissamut pikkorivissortut akornanni qulakkeerinneqataasussaassallutik.

GIF Suleqatigiissitamut suliamut C-mut pillugu ima allaatigisaqarpoq:

Tapiissuteqartarnek eqqumaffigisallu

Peqatigiiffinni kattuffiillu atuunnissaannut aningaasatigut tunngaviusut Kalaallit Nunaanni Timersoqatigiit Kattuffiatigut Kommunitigullu ingerlanneqartarput. Taakkualu aningaasaateqarfinni aammalu/imaluunniit aningaasaliissutit (sponsorit) aqqutigalugit pineqartarput. Kalaallit Nunaanni timersorneq aningaasarsiutaasoq atuutinngilaq, taamaattumik timersornermut aningaasartuutaasut annerusumik (siornatigutulli) siulersuisunut, atortunut, angalanernut aammalu ilaatigut akissarsianut/aningaasaliiffineqarnikkut ulluinnarni ingerlatsinermi atorineqartarput. Timersoqatigiiffiit timersortarfiup attartorneranut akiliisarput kommunimit tapiiffineqartarlutik, soorluttaaq angalanernut aningaasartuutit amerlasuutigut kommuniniit akilernerqartarlutik, najukkaminni, nunap immikkoortuani aammalu imaluunniit nuna tamakkerlugu pisoqartitsisoqassatillugu.

Ilisimaneqarporli kommunit tapiissutigisartagaat assigiinngitsuusut kommunillu, peqatigiiffiit kattuffiillu akornganni ataqatigiissaagaanatik, arlalitsigullu paasiuminaattarluni, apeqquusiinarluni aammalu qinnuteqartuulluni tapiissuteqartuulluniluunniit nalorninartoqartarluni. Taamaattumik pingaaruteqarpoq paasissallugu tapiissutit sumut atugassatut tunniunneqarnersut minnerunngitsumillu suut pisariaqartinneqarnersut paasissutigissallugu. Ilisimasaniq siammarterineq misilittagarilikkallu aqqutigalugit erseqqarissittussaavaat aningaasat tapiissutigineqartut sunut atorineqassanersut, taakkualu timersortoqarnerulersitsissanersut, minnerunngitsumillu timersorneq inuiaqatigiinni tamanut atoruminarsarneqarnersaq naliliiffineqartariaqarpoq.

Taamaattumik qanoq aammalu suut tapiiffineqarnersut apeqqutaapput anguniakkatullu aalajangersakkanut tapiissutit ikorfartuisuuppat? Eqqartugassat aammalu aningaasaliissut tamakkerlugit nalilersuiffineqarsinnaagalarput, massakkut tapiissuseqariaaseq tulluunnersaq imaluunniit aningaasaliinissamut najoqqutaasartoq periuserineqartorlu allannngoritassaanersaq.

Kajumissutsiminnik suliaqartartut timersornerup iluani eqqarsaatersuutigalugillu nukittorsaaffineqassappata, timersuutillu allat amerlanerilluunniit unammisinneqartassappata, angalanernut unnuisarnernilu aningaasartuutit pitsaanerusunik nutarteriffineqassanersut imaluunniit aserfallatsaaliuinissaq imaluunniit timersornermi atortunik nutaanik tulluunnerusunillu peqalissanersaq eqqarsaatigissagaanni taava aningaasaqarneq Kalaallit Nunaanni timersornerup tungaatigut ineriartortitsinissami qitiulluinnartoq eqqartorneqartariaqarpoq.

Eqqartugassanulli ilaapput aningaasatigut tapiiffeqartarnissamut aaqqissuussinissamut, aningaasallu atugassat atorlugit timersornermut annertunerpaamik atuisoqartassanersaq aallaavigneqartussanik innersuussusiorneqartariaqarpoq. Periuseq tamanna nunarsuatsinni nutaajunngilaq, Kalaallit Nunaannili timersortartut tamarmik pitsaanerpaamik siunertaqartumillu ineriartornissaminut periarfissaqartariaqartut aallaavigneqartariaqarput.

Eqqartuinerit aaqqissuussinissallu misissuiffigineqarnissaat aallaavigineqartariaqarpoq siunissamullu isiginnittuusariaqarlutik.

Misissueqqissaarnerit nalunaarusianillu katersinerit pisimasunik ilikkartitsisussaavoq, aammali isiginiarneqartariaqarput iliusissat assigiinngitsut qanoq kalaallit timersornerannut pitsaanerpaanik atugassaqaqtitsissanersut.

Innersuussut:

Aningaasaqarneq pillugu immikkut ilisimasaqartut peqatigalugit siunissami timersornerup aningaasaqarneranut tunngavissanik suliaqartoqarnissaa inassutigineqarpoq, tamanna susassaqaqtut akisussaaffiit peqatigiillutik misissuiffigissagaat Naalakkersuisut pilersitsissasut kaammattorneqarput.

Siunissami aningaasalersuisarnissamut atatillugu timersornermut aningaasaliisarnissanut apeqqutitut ilisimaneqareersunut politikikkut oqariatuuteqartarnerit pimoorussaanagerusumik kinguneqartinneqartarnissaat aamma Suleqatigiissitamiit kaammattuutigineqarpoq.

D. Elite Sport Greenland-imi unammillernartut

Nassuiarnera:

Immikkoortoq C Siunissami aningaasalersuisarnermi, Elite Sport Greenlandip (ESG) aningaasaqarnikkut inissisimanera pisariaqaqtitsineralu suliarineqarput.

Matumani suliami immikkoortoq D-mi ESG-p qitiusumik suliarisaa, elitesport, tassa timersortartut pikkorilluinnartut pillugit unammillernartut Suleqatigiissitap suliarivaa.

Periusissiaq 2021-2025

(Periusissiaq tamakkiisoq ilanngussaq 3-mi takuneqarsinnaavoq)

Anguniakkat, takorluukkat iliuuseqarfissallu pingasut.

Anguniagaq: Timersortartut nunani tamalaani unamminernut peqataasarnissaasa qulakkeernissaat.

Takorluugaq: Kalaallit Nunaata nunat tamalaat akornganni qaffasinnerpaamik angusaqarnissaa, pikkorivissut ineriartorteqqinnissaannut avatangiiserissaarluinnartinnerisigut.

Iliuuseqarfissat pingasut

- Piginnaanerit – Nunatsinni ilisimasanut katersuiffik, piginnaanillit pikkorivissullu piorsaaffigineqarnissaannut piorsaalluartartoq

- Avatagiisit - Timersornerup sinaakkuteqarnissaanut qulakkeereqataassaaq
- Timersornermut politikki - Timersornerup tungaatigut nunatsinni nunanilu tamalaani isummersueqataasartuussaaq

Pikkorivissortunut aallutassat

Kattuffiit sisamaasut suleqatigiissuteqarfiginissaanut isumaqaatigiissuteqarfiginerisigut pikkorivissunik piorsaanissaq siunertaralugu nuna tamakkerlugu unammisartunut pilersaarusiortoqarsimavoq.

- Arnat angutillu nunanut allanut assammik arsarlutik unammisartui assersuteqarfigissagaanni katerisitsisoqartarlunilu VM-imut anngunniuttoqartarpoq. Arnat angutillu aallunneqarnerat nikerartarpoq VM'imut anngunniuttarfii ukiut nikerartarmata
- Futsalerluni angutit nunanut allanut unammisartui aamma katersuutsitsillutillu nunanut tamalaanut ukiumut marloriarlutik unammeqataasarput
- Sulorarlutik nunanut allanut unammisartut katersuuttarputtaaq, VM aammalu EM'imut anngunniunnernut peqataasaramik
- Taekwon-do'mi nunanut allanut unammisartut aamma katersuuttarput, aammalu nunanut tamalaanut unammisartut opens'ini aammalumi VM'imi EM'imilu peqataasarlutik

Timersortartut taperneqartartut qiviassagaanni OL/VM/EM-imut anngunniunnernut assigisaannullu peqataanernut tunngasarput. OL'imut peqataanissaq ESG-miit pineqaraangami ukiuunerani timersuutitut tunngasunut peqataatsinerit pineqartarput. Timersortartut ilaat aallutaminni nunanut allanut unammeqataasarput, unammeqataaffiusullu VM/EM/OL -imut anngunnissamut siunertaqartarlutik.

Ineriartuutissatut suliniutit

Periusissiat ilaatut Elite Sport Greenlandip nunatsinni piukkunnaatilinnut sungiusaasutut ilinniarneq aallartisassavaa. Ilisimasani katersuiffeqarnikkut nunarput tamakkerlugu sungiusartarfinnik avatangiiserissaarluni piorsaanissaq pineqarluni. Ilisimasani katersuiffik siunnersuillunilu, innersuussisarlunilu kattuffinnik, sungiusaasunik timersortartunillu inerisaaqataasussaavoq, pikkorivissunullu avatangiiserissaartitsilluni.

Elite Sport Greenland piukkunnaateqarluartunik katersuutsitsisalereerpoq, timersortartut inuusuttut siunissami pikkorivissutut aallussisinnaanngorsinnaanerninik takorluuisinnaanngortinniarlugit tamakkiisumik periarfissillugit.

Timersortartut timersuutit assigiinngitsuneersut, timersuutillu assigiinngitsut nuna tamakkerlugu sungiusaasui aqutigalugit nassaarineqartassapput. Katersuunnerni assigiinngitsunik imalinnik saqqummiussisoqartassaaq, sungiusariaatsit ulluinnarni malissinnaasaat, aammalu assigiinngitsunut pingaaruteqartunut isumassarsiatsialaasinnaasunik tuniorarneqartassapput.

Timersortartut inuusuttut timersuutiminni aqutsisunngortussaassapput, inuusuttulli aamma piginnaaneqartut katersuunnerisa nalaanni sakkussaqaalersinneqartussaassapput,

sungiusaasutut kajumissutsiminnilluunniit suliaqarnermikkut timersuumminnik ineriartortitseqataanissaminut periarfissinneqartussaassapput.

Ilisimasanik katersuiffimmi immikkut ilisimasallit/ikiuussinnaasullu pigineqartussaapput Elite Sport Greenlandimi timersortartuusut attavigilluarsinnaasaannik. Timersortartut maannamut tagiartuisartunik, timersornermi tarnip pissusianik sulialinnik aammalu timip sungiusarnissaannut tunngasutigut ikiorneqarsinnaareerput. Taakkua pingasut timersortartunit atorluarneqarsinnaasut pingaaruteqartuupput. Tassa immikkut ilisimasallit ikiortaasullu timersortartunik siunissami kivitsilluarsinnaasussat Elite Sport Greenlandimi inissisimasuupput.

Elite Sport Greenlandip sulissutigaa timersortartut aqutigalugit nuna tamakkerlugu innuttaasut katersuuffeqarsinnaanissaat, angerlarsimaffimmi piffinni orninneqarsinnaasuniluunniit malinnaatitsinikkut nittarsaasseqataanikkullu. Inuiaqatigiit ataatsimoorfeqartutut misigitinneqarnerat KNR aqutigalugu unamminernik malinnaatitsisoqarnikkut pisarpoq. Ilisimatitsinissamut imaluunniit aallakaatitsinissamut ESG akileeqataanermigut aqutissiuusseqataasareerpoq.

Kalaallit Nunaanni qaffasissumik timersornermi unammillernartut

Kalaallit Nunaanni qaffasissumik timersortartunut akimmiffiit annersaasa ilagaat angalaniarnikkut akit qaffasinneri . Angalanernut annertoorujussuarmik kattuffiit aningaasanik atuisarnermikkut unammiaartitsinernut, kiisalu nunanut allanut unammisartoqarniarnikkut unammillernartuuvoq.

Timersuutit nunanut allanut unammisartullit sanilliutissagaanni soorlu Savaliffiormiunut, annikinneerarsuarmik nunanut allanut unammisartut kateritsitsisarput kiisalu unammiaartortitsisarput.

Aningaasat tapiissutit GIF-imiit kiisalu ESG-imiit tapiissutigineqartartut kattuffinnut agguaqatigiissillugit 50%-70% tikillugit angalanernut atorneqartarput. Tassanilu annermik nunatsinni pissartanngorniuunnernut, kiisalu nunanut allanut unammisartut susassaqaartitsinerannut atorneqartarlutik. Elite Sport Greenland suleqatigiinnissamik isumaqatigiissutit kattuffinnut sisamanut tunniunneqartartut, susassaqaartitsinerisa nassiuttarneratigut paasineqarpoq aningaasartuutit 70% tikillugu angalaniinnarnut atorneqartartut. Naak sanilliussinermi ilisimagaluarlutigu nunat sanillersuuffiusut qiviassangaanni annikinneerarsuarmik nunanut allanut unammisartut kateritsinneqarlutillu unammiaartortinneqartartut.

Aningaasartuutillu taakku annertuut ukiuni amerlasuuni iliuuseqarfigalugillu erseqqissarneqartaraluarput, aningaasat eqqarsarluarnerusumik kiisalu ineriartortitsinernut assingusunullu atorneqarsinnaagaluit pinngitsoortinneqartarneri sunniteqarnerusunut atorneqarluarsinnaagaluarlutik.

Taamaattumik nunanut allanut qaffasissumik timersornikkut sanilliunniarneq aamma mianernarsinnaalluni, pissutsit Kalaallit Nunaanni nunanit allanit allaaneruneri eqqarsaatigalugit.

Elite Sport Greenland-imit kattuffinnik suleqatigiinnissamik isumaqatigiissutit suliniuteqartarput aallaavilinnik ukunani piumasaqaateqarfiusuni, pikkorivissortunut susassaqaqtitsinerit, piukkunnaatilinnik ineriartortitsineq kiisalu sungiusaasunik pikkorissaanerit.

Suleqatigiinnissamik isumaqatigiissutit 2018-imiit aallartisarneqarput, sulii maannamut ingerlasunik. Aningaasat ESG-imit tigummineqartut timersornermut atorneqarnissaat aallaaviulluni, tigummineqartut aningaasat annikillisarniarneqarput, ineriartortitsineq aallunneqarnerussammat.

Taamaasilluni aningaasat ukiuni kingullerni arfinilinni ESG-mut tunniunneqartartuniit, tapiissutini kiisalu ineriartortitsinerimut tunngasunut suliniutinut aningaasat amerlanerusut atorneqartarnermikkut, massakkut ESG aningaasatigut taama inissisimalluarunnaarnikuuvoq. Misissuinerup 2018-imi Idrættens økonomi i Grønland oqariartuutigereerpaa suliniutip allartimmalli Elite Sport Greenland piffissami aggersumi, ukiut pingasut iluanni aningaasaqarnerat inissisimalluarunnaassasoq iliuuseqarfigineqanngippat.

Ilimasaarutigineqartorli 2021-imi pinani, pisut iliuuserineqarsinnaanngitsut aallaavigalugit (assersuutigalugu Covid-19) kiisalu aningaasannarnikkut suliniutit ingerlatillugit, ilimasaarutigineqartoq aatsaat Elite Sport Greenland-imi 2025 malugineqalernissaa aningaasatigut inissisimaneq ukioq 2024-imi paasinarsivoq.

Elite Sport Greenland ukiuni kingullerni arfinilinnit tapiisarnikkut, ineriartuutini avatangiiserissaasunik ingerlatsiinnassappat Elite Sport Greenland aningaasatigut nukittortinneqartariaqarpoq. Taama pisoqanngippat 2025-minngaaniit tapiissutitigut kiisalu periusissiami suliniutiniit annikillisaanissaq pisariaqartinneqalissammat. Tassanilu kattuffiit, unammisartut ataasiakkaat suliniutinullu qinnuteqarnissaq innarlerneqaratarsinnaavoq. Tamannalu periusissiaq 2025 ilanngullugu ingerlasup, anguniakkap takorluukkallu angunissaanut qanillattortitsisinnaanngilaq.

“Pikkorivissortunik peqarsinnaanngilagut, inuit tamat timersornikkut piginnikkutsigit. Taamaattumik aamma inuit tamat timersornikkut ingerlatsisut, soorlu kattuffiit nukittorsarneqarnissaat pinngitsoorsinnaanngilarput“

Timersornermi ingerlatsineq tamarmi ataqatigiippoq. Qaffasissumik timersorneq innarlerneqassaaq aamma kattuffiit nukittunerulersinnaanngippata ingerlatsinikkut aningaasaqarnikkullu.

Tassani assersuutigineqarsinnaapput allaffissornermik ingerlatsinermik, ineriartortitsinerimut assigisaanillu suliaqartuusut timersornerup silarsuaani. Taamaattumik kattuffinnut ingerlatsinermut aningaasat tunniunneqartartut, pikkorissaanernut aningaasat agguanneqartartut ilaalu ilanngullugit GIF-iminngaaniit

nalilersorluarneqartariaqarput, qulaajaanikkut aningaasat sumut tuttarnersut aallaavigalugit. Tassanilu periarfissanik takutitsissaaq sunut aningaasat atorluarneqarsinnaaneranut.

Assiganik aamma qaffasissumik pikkorivissortunut ingerlatsivik Elite Sport Greenland, kattuffinnut kiisalu inuit ataasiakkaat tapiisarnikkut aningaasat qanoq atorluarneqarsinnaaneranut qulaajaanissamik nalilersoqqinnissaanillu misissuisoqarnissaanik pisariaqartitsisoqarpoq.

Tassanilu unammersuartitsisarneq annertuumik Kalaallit Nunaanni ullutsinnut tulluarunnaarsimasumut angalanermut aningaasarpasuit atorneqartarput. Unammersuariaaseq avatangiisit pingaarnert ilagaat nunanut allanut unammisartuussangaanni.

Unammersuariaaseq ilaatigut pitsanngorsaaviginissaa, nunanut allanut unammisartuutigut Kalaallit Nunaanni najugallit eqqarsaatigalugit, alloriaqqittoqassappallu iliuuseqarfigineqartussatut nalilerneqarpoq. Avatangiisit ineriartortitsisut takorluugaasoq naapertuutissappat pisariaqarluinnartutut inissisimavoq.

Timersornermi avatangiisit eqqaaneqartillugit avaqqunneqarsinnaanngilaq, timersornermi ornittakkat aserfallassimasut nutaanngilisullu iliuuseqarfigineqarfiginissaat.

Unammisartuutigut Kalaallit Nunaaniittut pitsaanerusumik naligiimmik atugassaqartinneqassappata iliuuseqavinnissamik periusissiortitsinissaq pingaartutut isigineqarpoq. Timersornermi ornittakkat unammersuartitsinernut, sungiusarnernut assigisaanullu atorneqartarnerinut timersuutini assigiinngitsuni isiginiarneqartarpoq sumi unammersuartitsisoqarsinnaaneramik, sumilu unammersuartitsisoqarsinnaannginneramik. Ilaatigut erseqqissarneqassaaq, qaffasissumik timersornikkut nunarsuarmioqataanerulernissarput qanillatorneqassappat, timersornikkut ornittakkat nutaat avatangiiserissaartitsilersinnaasut ineriartuutaalluartunik pilersinneqarnissaat iliuuseqarfigineqartariaqarmat. Assersuutitut nunatta inissisimanagera aallaavigalugu, issittormiut akornanni ilaatigut inissisimanitsinnut ukiuunerani timersuutini atugassarititaasut iliuuseqarfigineratigut angusarissaanerulernissamik kinguneqarluarsinnaapput.

Ilaatigut assersuutigalugu ujakkaarnermi, seqquusaatigaluni ujakkaarnermi, sangusaarnermi assigisaanilumi ornittakkat iliuuseqarfigineqarsinnaaneramat amigaataavoq. Taakkunanimi ukiuunerani OL-imi peqataatitaqarnissamut periarfissaqarluarpoq.

Unammersuariaatsip atugassarititai

Naammanngilaq qaffasissumik sungiusarnissaq imaluunniit pitsaanerpaat sungiusaqatiginissaat.

Pingaarteqarporli unammisartuutitta avammut unammiarnissaannik unammersuariaaseq naapertuuttoq ineriartuutaalluortorlu pigiliunneqarnissaa. Ukiumut sapaatip akunnerata iluani ataasiarluni unammersuartarneq ullutsinnut naapertuutinnngitsutut nalilerneqarpoq .

Nunat tamalaat unammersuariaatsinut peqataanermi allaanerussutitta annerpaartaraa, unammisatta ataavartumik unammisartut unammisarnerat.

Tassanilu timersuutini assigiinngitsuni, timersuutiminnut naleqquttumik periarfissanik ujartuiffigineqarnissaat pisariaqarlunnarpoq. Unammisartuutigummi avatangiisini pingaaruteqarlunnartumi unammillernartumik inissisimapput. Tamannalu nunanut allanut unammisartut, kiisalu nunanut allanut unammisartunut sungiusaasut oqariartuutaasa annersaata ilagaat.

Massakkut unammersuariaaseq qiviaraanni annikippallaamik pissarsiviusarnera, kiisalu aningaasarpassuarnik atuiffiusarnera ajornarsiutinut aporfileeqataavoq.

Nunarput isorartuvoq illoqarfimmiit illoqarfimmut, kisiannili aamma nunarput nunanut allanut isorartuvoq, angalaniarnerlu aamma akisulluni. Tamanna unammersuariaatsinut kisimi kalluaanngilaq. Nunanut allanut unammisartuutigut angalassagaangamik nunanut allanut aningaasarpassuit aamma atorneqaqqaarlutik piviusunngortarput . Tamannalu nunanut allanut unammisartutta katerinnernut, kiisalu unammiarnissanut periarfissaat unammillernartuuvog.

Tamanna ineriartortitsinissanut suliniutaasinnaasunut aningaasat atorluarneqarsinnaasut piviusunngunngitsoortarput.

Tamanna nunatut nunarsuarmioqataanissatsinnut qaffasissumut inissisimannginnerput nassuiaatit ilagivaat.

Kalaallit Nunaani unammisartuutitta unammersuarnernut atugassarititaasut qanorluunniit isiginiartigiluaaraanni inissisimanerluttutut qaffasissumi timersortartuutitsinnut qitiusumik ajornartorsiutaavoq.

Kalaallit Nunaata angusarisartagaat timersuutini amerlanerpaani unammersuariaaseq allanguiffigineqanngippat ajornartorsiut malunnaatilimmik ineriartorfiusinnaanngilaq.

Periarfissanik ujartuiffigineqanngippat avatangiiseq pingaarutilik, aningaasarpassuarnik atuiffiusartoq nunatsinni kiisalu nunanut allanut unammiarnermi, aningaasatigullu annikillisaaffigineqanngippat nikeriarnissamut ineriartornerunissamut annerusumik killiliigaatsiaqqassasoq nalilerneqarpoq.

Inuiaqatigiit 56.000-iusuni peqatigiiffinni killilimmik amerlassutsikkut ilaasortaqaarniarnermi nunarsuarmioqataanerulernissaq killilerujussuuvog. Naak Elite Sport Greenland innuttaasut malillugit agguaqatigiisillugit aningaasat pisartagaat danskinit Team Danmarkimut aningaasaliissutinit agguaqatigiisillugit annertunerugaluartut qaffasissumi nunarsuarmioqataanermi inissisimalluarnerusinnaaneq killeqartitsivoq. Aningaasat atorneqarneri Kalaallit Nunaanni Danmarkimilu sanilliutissagaanni allaanerujussuummat.

Angalaniarnikkullu aningaasartuutit qaffasitsillugit, ineriartornermut kiisalu kattuffinni ineriartortitsinnaasunut atorneqarsinnaagaluarnernut aporfeqarneranik kinguneqartitsivoq.

Danmarkimi aningaasarpassuit kattuffinni ineriartortitsinernut atorneqartartut, Kalaallit Nunaanni angalanernut atorneqartarput.

Nunanut allanut unammisartut aningaasanik annaasaqarnermut qinnuteqarsinnaaner

Nunanut allanut unammisartut qinnuteqarsinnaaner Elite Sport Greenland-imut periarfissaanera tamarmiusunit malunniuteqarpoq, nunanut allanut unammisartut assigiinngitsut pilersinneqarneri kiisalu kattuffinnit susassaqtinneruneqarnerat Elite Sport Greenland-imit malugineqarpoq.

Ukiummi kingulliit marluk pingasut qiviassagaanni ukiumut 500.000 kr. – 700.000 kr. sipporlugit qinnuteqaatit qinnutigineqartarput. ESG matussusersinnaanikuuai annertuumik sippuinerit aningaasat atorneqanngitsoornikut ukiut sisamat ingerlaneranni. Nunanut allanut unammisartunik susassaqtitsinerit, soorlu kateritsitsinerit unammiartitsinerillu annerusumik annikillissanngippata, aningaasanik annaasaqarnermut qinnuteqarnissamut pulje aningaasaataarunnissaa naatsorsuutigineqarpoq. Tamannalu 2025 ilanngullugu matussusiisnaaneq naatsorsuutigineqarpoq. Tamannalu politikkikkut iliuuseqarnissamik, nalileeqqinnissamik pisariaqartitsivoq. Aningaasat tunniunneqartartut ukiumut 1.250.000 kr. taamaaginnassappata inatsisip allanngortissinnaanissaa misissorneqarsinnaavoq. Taamaanngippat naapertuuttumik susassaqtitsinernut nunanut allanut unammisartunut aningaasartalimmik periarfissarsiortariaqarnissaa oqariatuutigineqarpoq.

Innersuussut:

Aningaasaqarneq pillugu immikkut ilisimasaqartut peqatigalugit siunissami pikkorivissortut piukkunnaatillilu timersornerup aningaasaqarneranut tunngavissanik suliaqartoqarnissaa inassutigineqarpoq, aningaasanik annaasaqarnermut qinnuteqarfissaq aamma ilanngullugu tunngavissat saqqummiunneqartut atorlugit aaqqiiffigineqarnissaa tamanna susassaqtut akisussaaffiit peqatigiillutik misissuiffigissagaat Naalakkersuisut pilersitsissasut kaammattorneqarput.

Siunissami aningaasalersuisarnissamut atatillugu pikkorivissortut piukkunnaatillit kiisalu kattuffiit pillugit timersornermut aningaasartuutigineqartartut kiisalu aningaasaliisarnissanut apeqqutitut ilisimaneqareersunut politikkikkut oqariatuuteqartarnerit pimoorusaanerusumik kinguneqartinneqartarnissaat aamma Suleqatigiissitamiit kaammattuutigineqarpoq.

Ineriartortitsinissamik kattuffitsigut nukittorsaanissamik suliniuteqarnissaq pillugu aningaasaleeriaaseq nassaarineqarnissaanut toqqammavissanik, aningaasat atorneqartartut sumut atorneqartarnerat aallaavigalugu Naalakkersuisut qulaajaanissaat pitsanngorsaatinillu suliniuteqarnissaat kaammattuutigaarput.

E. Siunissami kommunit tapiisarnerisa aaqqissuteqqinneqarnissaa

Nassuiarnera:

Kommunit timersornermut tapiisarnerinut tunngaviuvoq Timersorneq timigissarnerlu pillugit Inatsisartut inatsisaat nr. 15, 6. juni 2016-imeersoq.

Kommunini timersornermut tapeeriaatsit assigiinngillat. Kommunini timersornermut tapiisarnermut annertussutsit aamma malittarisassaasit assigiinngiaarput.

Tapeeriaatsit nunatsinni unammersuariartarnernut, tassa GM-ernissanut attuumassuteqakkajupput, taamaattoq kommunit ilaat nunanut allanut unammiarnermut, assersuutigalugu Arctic Winter Games-imut tapiissuteqartarput.

Kommunit ingerlatsinerimut *katillugit* aamma *innuttaasumut ataatsimut agguaqatigissilluni* piffissami 2013-2017 akit 2017-imeersut naapertorlugit aningaasartuutigineqarput:

Tabel 1: Driftsudgifter til idræt i de grønlandske kommuner 2013-2017, 2017-priser, total samt pr. indbygger

	2013	2014	2015	2016	2017	I alt/snit pr. indbygger
Kommune Kujalleq	4.194.861 kr.	4.700.319 kr.	4.769.666 kr.	4.607.789 kr.	4.655.698 kr.	22.928.333 kr.
Pr. indbygger	587 kr.	663 kr.	684 kr.	677 kr.	696 kr.	661 kr.
Qeqqatta Kommunian	9.201.729 kr.	9.538.687 kr.	9.132.993 kr.	10.337.978 kr.	10.871.397 kr.	49.082.785 kr.
Pr. indbygger	957 kr.	1.011 kr.	972 kr.	1.097 kr.	1.177 kr.	1.043 kr.
Qaasuitsup Kommunian	5.617.515 kr.	6.575.035 kr.	5.701.019 kr.	6.251.086 kr.	5.553.270 kr.	29.697.925 kr.
Pr. indbygger	313 kr.	374 kr.	327 kr.	364 kr.	324 kr.	340 kr.
Kommuneqarfik Sermersooq	12.674.417 kr.	20.938.306 kr.	18.881.156 kr.	20.288.530 kr.	14.178.086 kr.	86.960.494 kr.
Pr. indbygger	580 kr.	942 kr.	846 kr.	903 kr.	625 kr.	779 kr.

Kilde: Grønlands Statistik. Særtræk fra de kommunale kontoplaner

2013-miit 2017-imut kommunit timersornermut ingerlatsinerimut aningaasartuutaat tamarmiusut agguaqatigissillugulu innuttaasunut ataasiakkaanut, 2017-imi akigitat naapertorlugit (malugineqassaaq maanna Qaasuitsup Kommunian avinneqarnikuummat). (Idrættens økonomi i Grønland, dec. 2018, qupp. 11)

Nalunaarusiaq *Idrættens økonomi i Grønland* (Kalaallit Nunaanni timersornerup aningaasaqarnera) december 2018-imeersoq naapertorlugu kommunit aningaasaliissutaat ataatsimut isigalugu timersornermut pisortanit aningaasaliissuteqarnerpaasarpur, agguaqatigiissikkaanni 10 koruuniugaangata 6 koruuninik tapiissuteqartarmata.

Kommunini timersornermut peqatigiiffiit timersornermi atortorissaarutitut/timersortarfinnut atuinerannut aningaasartuutaannut atorineqartarput. Tamatuma saniatigut angalanernut,

peqatigiiffiup ingerlanneranut, sungiusaasunut, aqutsisunut, pikkorissarnernut ilinniartitsinernullu tapiisoqartarpoq. Taamattaaq timersornermut sanaartornermut kommunit aningaasartuuteqartarput.²

Timersortarfinni illorsuarni iluarsartuussinissanut kommunit aningaasartuutaat 50 % tikillugu Namminersorlutik Oqartussanit tapiiffigineqarsinnaavoq.

Kommunit timersornermut angalanernut tapeeriaasiat ima isikkoqarpoq:

Kommune Kujalleq

GM-eriarnernut angalanermut aningaasartuutitut tapiissutaasartut:

- 18 ukiullit ataallugit: Angalanermut akia 65 %
- 18 qaangerlugit ukiullit: Angalanermut akia 50 %
- Angalanermi nerisaqarneq ullormut meeqqamut ataatsimut 250,00 kr.

Timersortarfimmut tungasoq:

- Meeqqanut 18 inorlugit ukiulinnut Timersortarfiup attartorneranut akiliut 100% tapiissutaavoq
- Inersimasunut 85% tapiissutigineqartarpoq

Illuutitut/Peqatigiiffiit iniutaannut:

- Ukiumut annerpaamik 5.000,00 kr. illumut ingerlatsinermut aningaassartuutitut (drifttilskud) tapiissutigineqartarput

Kujataanni pissartanngorniunnerni/unammersuarnernut tapiissutigineqarsinnaapput:

- Unammersuarnerit
- Pokal

Nunatsinni Pissartanngorniunnernut:

- Sungiusaasup akissarsiassai (instruktørløn)

Atortut:

- Peqatigiiffiup aaqqissuinissaanni atortunik pissarsinissaannut tunngatillugu tapiissuteqartoqarsinnaavoq

Ineriartornermut tunngatillugu:

- Sungiusaasut pikkorissarnissaannut tapiisoqarsinnaavoq

² Idrættens økonomi i Grønland, et overblik over status og udvikling i de økonomiske midler på idrætsområdet i Grønland. Idrættens Instituts rapport, december 2018, qupp. 11-13

- Sungiusaasunut pikkorissarnissaannut pikkorissaasussaq tikisinnissaanut tapiisoqarsinnaavoq
- Sungiusaasut tapiiffigineqarsinnaapput

Nunarput sinnerlugu unammisartunut:

- Nunarput sinnerlugu unammiartortussat tapiiffigineqarsinnaapput Nordisk, Europæiske, Verdensmesterskab unammersuariartunut, tassani GIF, kattuffinniit imaluunniit Elite Sport Greenland-imiit tapiiffigineqarsimanngitsunut

Tassani ersarissaatigissavarput piffissami qanittumi tapiisarnermut maleruagassaq nutarterneqarluni ingerlaneqartussaammat.

Kommuneqarfik Sermersooq

Kommuneqarfik Sermersuumi timersornermut peqatigiiffinnut angalanernut aningaasartuutitut toqqaannartumik tapiissuteqartoqarneq ajorpoq, taarsiulluguli *tapiissutininik aalajangersimasunik* peqatigiiffinnut ataasiakkaanut ukiuni kingullerni naatsorsuutit atuisimanerlu tunngavigalugit tapiissuteqartoqartarluni.

Siornatigut meeqqat angalanerannut 75 % tapiissutaasarsimavoq, inersimasunut 25 %-iulluni.

Taamaalilluni kommunimi allaffissorneq annikinnerussaaq peqatigiiffiillu annertunerusumik nammineersinnaanermik tunineqarlutik. Kommunimi peqatigiiffik timersortuunissaa apeqqutaatinneqanngilaq.

Qeqqata Kommunia

GM-eriarnernut, CUP-eriarnernut angalanermut aningaasartuutitut tapiissutaasartut:

- 18 ukiullit ataallugit: Angalanermut akia 100 %
- 18 qaangerlugit ukiullit: Angalanermut akia 30 %

Kommune Qeqertalik

GM-eriarnernut, AWG, IG aamma Inuit Games angalanermut aningaasartuutitut tapiissutaasartut:

- 18 ukiullit ataallugit: Angalanermut akia 65 %
- 18 qaangerlugit ukiullit: Angalanermut akia 25 %

(*Paasissutissanik tigussiffik: Afdækning landsholdenes forhold i Grønland, qupp. 23*)³

Avannaata Kommunia

Tapiissutit Tapiisarnermut ileqqoreqqusaaq 2024-moortoq naapertorlugu

§ 7: Timersornermik siunertallit tapiissuteqarfigineqartarneri:

³ Afdækning landsholdenes forhold i Grønland, IKIN 1. marts 2020, qupp. 23, 55

Imm. 1: Aaqqissuussinermi ataatsimi iligiiaat angalanermut aningaasartuutaannut tapiisoqarsinnaavoq:

- Ilulissat: Inersimasut angalanermut 65%-mik aningaasartuutitut tapiisoqartassaaq Kalaallit Nunaanni Timersoqatigiiffiit Kattuffiata aaqqissugaanut akuerisaanullu pissartanngorniunnissamut anngunniunnernut aamma ajugaanniutivinnernut
- Uummannaq: Inersimasut angalanermut 70%-mik aningaasartuutitut tapiisoqartassaaq Kalaallit Nunaanni Timersoqatigiiffiit Kattuffiata aaqqissugaanut akuerisaanullu pissartanngorniunnissamut anngunniunnernut aamma ajugaanniutivinnernut
- Upernavik: Inersimasut angalanermut 75%-mik angalanermut aningaasartuutitut tapiisoqartassaaq Kalaallit Nunaanni Timersoqatigiiffiit Kattuffiata aaqqissugaanut akuerisaanullu pissartanngorniunnissamut anngunniunnernut aamma ajugaanniutivinnernut
- Qaanaaq: Inersimasut angalanermut 80% aningaasartuutitut tapiisoqartassaaq Kalaallit Nunaanni Timersoqatigiiffiit Kattuffiata aaqqissugaanut akuerisaanullu pissartanngorniunnissamut anngunniunnernut aamma ajugaanniutivinnernut
- Avannaata Kommuniiani meeqqat inuusuttullu 18-it ataallugit ukiullit angalanissaannut aningaasartuutit tamarmiusut 100%-mik matussuserneqartassapput. Aningaasartuutitut tapiisoqartassaaq Kalaallit Nunaanni Timersoqatigiiffiit Kattuffiata aaqqissugaanut akuerisaanullu pissartanngorniunnissamut anngunniunnernut aamma ajugaanniutivinnernut
- Kattuffiit aaqqissuussarinngisaannut peqataanerni angalanerni aningaasartuutitut 25 %-mik tapiisoqarsinnaavoq.
Nunanani avannarlerni meeqqanut inuusuttuaqqanullu 18-it inorlugit ukiulinnut ukiumut angalaneq timersoqatigiiffimmi timersuummut ataatsimut unammisaqattaartoqarnerani angalanermut 40% angullugu tapiisoqarsinnaavoq. Unammisaqattaarneq paasineqassaaq ullut arlariit unammisaqattaarnertut, tamatumani hold-inut arlariinnut unammisoqassalluni. Assersuut: Danmark Mesterskab peqataanermut
- Nunanut allanut angalalluni sungiusariarnernut tapiissuteqartoqarneq ajorpoq
- Utoqqaat innarluutillullu timersornermik atuineranni aningaasartuutissat tamarmik 100%-mik matussuserneqartassapput. Fitness, timigissartarfiit / Motion, timersortarfinnilu atuinermi
- Utoqqaat suliunnaarnersiutillillu peqatigiiffii nunarput tamakkerlugu unammersuaarnissaannut angalanermut 60%-mik taperneqarsinnaavoq

Imm. 2: Avannaata kommuniani pissartanngorniunnerni hold-i ataaseq annerpaamik 40%-imik angalanermut taperneqarsinnaavoq.

Imm. 3: Meeqqat inuusuttullu 17-it angullugit ukiullit illup iluani silamilu sammisaqartinneqarnerini atortunik attartornermut, ukiumoortumik Fodboldskolemut aamma Håndboldskole-mut Tae Kwon Do-mut Kidsvolley-imut Arctic Sports-imut, sulorartartunullu

ilinniartitsinernilu taakkunani atortunut, aningaasartuutit tamarmiusut 100 %-mik matussuserneqartassapput.

Imm. 4: Nammineq pigisumi Uummannami inuusuttut 18-it inorlugit ukiullit timersornermik anguniagallit, timersortarfinni illup iluani silamilu sammisaqartinneqarnerini atortunik attartornermut aningaasartuutit 100 %-ii matussuserneqartassapput.

Imm. 4a: Nammineq pigisumi Uummannami timersortarfinni timersoqatigiiffiit sammisaqartinneqarnerini inersuarmi attartornermut aningaasartuutit 90 %-ii matussuserneqartassapput.

Imm. 5: Timersortarfinni tamani illup iluani silamilu meeqqat 17-it tikillugit ukiullit timersornermik sammisaqartinneqarnerini atortunik attartornermut aningaasartuutit ukiumoortumik akuerineqartut malillugit "Kommunemi Akigititat" atorlugit matussuserneqartassapput. - Inersuarmik timersornermut atuneq akeqanngilaq.

Imm. 6: Ukioq timersorfiusoq naapertorlugu meeqqanut inuusuttuaqqanullu 17-it tikillugit ukiulinnut sungiusaanermik ingerlatsisimagaanni, timersuummi ataatsimi sungiusaasumut ataatsimut 5.000,- kr.-it tapiissutitut tunniunneqarsinnaapput. Ukioq timersorfiusoq septemberimiit maj/junimut sungiusaasutut ingerlatsisimanermut uppersaat, tapiissuteqarfigineqarnissamik qinnuteqaammut ilanngullugu peqatigiiffiit timersoqatigiifillu siulersuisuniit nassiunneqassaaq, meeqqanik sungiusaasuunermi meeqqanik pinerliisimannginnermut uppersaat ilanngullugu.

Imm. 7: AWG-imi, Inuit Games-imi aamma Island Games-imi assigisaanillu peqataanermi, Avannaata Kommunianni najugaqartumut Nuna tamakkerlugu holdikkaarluni unamminermi peqataasumut ataatsimut kaasarfimmiumut 1.000,- kr.-inik tapiissuteqartoqarsinnaavoq.

Imm. 8: Illoqarfinni "Ukiup Timersullammaatut nersornaasiineq" annerpaamik 3.000,- kr.-nik aningaasartaqartassaaq. Timersornerullu iluani nersornaasiinernut allanut inummut ataatsimut inoqarfinnilu tamani nunaqarfiit ilanngullugit annerpaamik 1.000,- kr.-nik aningaasartaqartassapput. Timersullammak imaluunniit nersornaasiinerit ukiup naalernerani ukiulluunniit nutaap aallartinnerani nalliuttorsiualaarnermi ingerlanneqartassapput

- Timersullammammik toqqaanissamut komitemik pilersitsisoqassaaq. Komitemi ilaasortassapput inuit tallimat, taakkuussallutillu timersoqatigiiffiit innersuussaani toqqaasussat. Toqqaasussat timersoqatigiiffinniit innersuunneqarsimasut maleruaqqusat malillugit innersuunneqarsimasut piukkunnarnersiorlugit. Komitemi makkunanga inuttaqartumit:

- Timersortarfinni pisortaq
- Najukkami ataatsimiititaliamit aallartitaq
- Ukiut ingerlanerani sumiiffimmi timersullammattut toqqagaanikoq
- Ukiut ingerlanerani sumiiffimmi timersullammattut toqqagaanikoq
- Timersoqatigiiffimmiit aallartitaq ataaseq (toqqagaq)

Nersornaasiineq imaluunniit nersornaasiinerit ukiup naalernerani ukiulluunniit nutaap

aallartinnerani nalliuttorsiualaarnermi ingerlanneqartassapput.

Imm. 9: Avannaata Kommuni "Ukiup Timersullammaatut nersornaasiineq" annerpaamik 5.000,- kr.-nik aningaasartaqartassaaq, timersornerullu iluani sumiiffigisaminni innuttaasunut sunniuteqarluartumik suliniuteqartunut tunniunneqartassalluni.

- Avannata Kommuni "Ukiup Timersullammaatut nersornaasiineq" innersuussutit timersoqatigiiffinnut innuttaasunullu tamanut kina "Ukiup Timersullammaatut nersornaasiineq"-qassanersoq siunnersuutininik tunniussereersimasassapput 1. december nallertinnagu illoqarfinni sumiiffigisani immikkoortortamut "Peqqinneq Sunngiffillu"-mut.

- Toqqaaniarnermi sumiiffinnit komité-t tunngavilersorluakkamik inummik ataatsimik innersuussinerisigut toqqaasoqartassaaq. Komité-t 15. december nallertinnagu innersuussereersimasassapput.

- "Ukiup Timersullammaatut nersornaasiineq"-mi Komite-mi toqqaasassapput; Politikkikkut qinikkat sinnerlugu Borgmester, Peqqinneq Sunngiffimmilu aqutsisut.

Imm. 10: Timersoqatigiiffiit peqatigiiffiit tapiiffigineqarnerminni ukiumut ataasiarlutik sumiiffigisaminni innuttaasunut pikialaartitsisoqartillugu ikiunnissaminnik pisussaaffeqarput.

Imm. 11: Timersoqatigiiffiit 18 inorlugit ukiulinnut sungiusartartunut sungiusaasut ukioq timersorfik aallartinnginnerani ukiut tamaasa (sæson) meeqqanut pinerluuteqarsimannginnermik uppersaammik Peqqinneq Sunngiffimmillu tunniussisassaaq.

11.a. Ukioq sungiusarfiusumut børneattest 1. januar aammalu 31. december atuutitsineqartassaaq, ukiullu tamaasa nutarterneqartassalluni.

Kommunini Tapiisarnermut ileqqoreqqusaat, tassa tilskudsvedtægter, taamaalilluni assigiinngiaarneri takuneqarsinnaavoq.

Kommunit tapiisarnerisa ataqatigiissarsinnaaneri

Ataqatigiissaarinikkut aaqqissuussinissaq eqqarsaatersuutigisariaqarpoq, taamaalilluni peqatigiiffiit kattuffiillu assiginnerusumik inissisimalersinnaaqullugit.

Siunertaasariaqarpoq kommunit timersornermut tapiinermut periutsit assigiissarnissaat pingaartumik angalanernut aningaasartuutitut qanoq aqunneqartarneri pillugit.

Taamaalilluni assigiinnequtit naligiinnerulersinneqarsinnaapput.

Aaqqissuussaanikkut piumasaqaatit: Ataqatigiissaarinissami pisariaqassaaq kommunit akorniminni ataqatigiissaarisinnaaneri, assersuutigalugu oqallittarfinni pioreersuni, soorlu kommunaldirektørit ataavartumik ataatsimiittarnerini. Ad-hoc-imik kommunit akimorlugit

suleqatigiissitanik aamma pilersitsisoqarsinnaavoq.

Suliamut E-imut kommunit ima allaatigisaqarput:

Siullertut eqqartukkagut tassaapput tapeeriaatsitsinnut assigiinngissutsit tassani takusinnaavarput assigiinngingaatsiarluta tapiisarnernup tungaatigut ima inissisimammata kommune kujallermi nerisaqarnermut tapiisarput meeqqanut.

Kommune Qeqertalimmi meeqqat 18 ataallugit ukiullit 90 %-mik tapiisarput inersimasunullu 60 %-imik tapiisarlutik.

Sermersuumi meeqqanut 100 %-imik tapiisarput inersimasunut 50 %-imik tapiisarlutik.

Kommune kujallermi 65 %-imik meeqqanut saniatigut 250 kr. nerisaqarnermut taavalu inersimasunut 50 %-imik tapiisarlutik.

Qeqqata kommuniani meeqqanut tapiissut 100 %-iuvoq inersimasunullu 30 %-iulluni. Tassa uani pineqarpoq angalaniarnermi unammiartornermi tapiisarnernit isikkui.

Innersuussut:

Aningaasaqarneq isiginiassagaanni kommunini kommunalbestyrelset qitiusumik inissisimaneri suleqatigiisitami maluginiarparput. Timersornermut aningaasalersuineq ersarilluinnartoq siunertaassappat kaammattuutigivarput peqqissaartumik kommunit peqatigalugit taakkunungalu ilanngullugit Sulitsisut, kattuffiillu peqatigiillutik Naalakkersuisoqarfiillu susassaqtut peqatigalugit aaqqissuusseqqinnissamik tunngavissiassaminnik anguniagaqaqatigiissasut innersuussutaavoq.

F. Namminneq kajumissutsiminnik suliaqartartunut atugassarititat


Nassuiarnera:

Ataasiaannarnagu oqaatigineqareersutut timersornerup aaqqissuussiffigineqarnerani qitiulluinnartutut nammineq kajumissuseq aallaavigalugu timersornerup aaqqissuunneqarnera tunngaveqartoq allaaserineqareerpoq. Inuit qasusuillutik tunniusimallutik piffissamik atuingaatsiarsinnaasut pineqarput. Ajorluartumilli siusinnerusumut naleqqiullugu ullumikkut inuit taamatut tunniussisinnaasut ikiliartortut takornartaajunnaarpoq, ilaatigullu inuit ataasiakkaat pineqarsinnaasarlutik allaallu taakkua qimagunnerisigut, isasoornermik kinguneqartitsisoqartalersimalluni.

Ineriartornerup taamatut inissikkiartorsimanera peqquilersussallugu nalorninartorujussuuvoq kisiannili inuiaqatigiittut aaqqissugaanerput taakkunanilu atugassarititaasut allanngoriaateqarnerannik tunngaveqarsinnaasoq eqqoriaannarneqarsinnaalluni. Tamatumunnga pissutsinik itisilersorluakkanik takussutissaqannginnera peqqutaavoq ersarissumik nammineq kajumissutsimik suliaqartut ikiliartortuarnerisa naliliiffigineqarnissaanut atorneqarsinnaasunik.

GIF 2023-imi inersimasut timimik aalatitsinissamut periarfissaat aporfigisartagaallu pillugit misissuinnermi nalunaarusiorsimavoq taallugu "Kalaallit Nunaanni aalariaatsit". Naak nalunaarusiami kajumissutsimik suliaqartarneq pillugu misissuinnermi ilanngunneqanngikkaluartoq nalunaarusiami eqqaaneqarpoq inersimasut sunngiffimminni timimik aalatitsinerulernissaannut aporfigineqakkajuttartoq aneq tassaasoq suliffitsik ilaqtannullu piffissamik atuerusunnerusarnerat. Apersorneqartuni 959-iusuni, inersimasut suliffitsik kiisalu ilaqtanninnut piffissamik atuerusunnerat 50 % missaaniippoq. Taannalu kajumissutsimik suliaqannginnermik aporfiusinnaasartoq eqqoriaannarneqarsinnaavoq, peqatigiiffilerisut kattuffilerisullu ulluinnarni naapittarneranni tamanna aporfiusinnaasartoq oqaatigineqartarmat. Nalunaarusiami inersimasut timiminnik aalatitsinissamut aallussinnginnerannut peqqutigineqartartut nalunaarusiami tiguneqarsimasoq ima isikkoqarpoq:

Takussutissiaq 30 – Kalaallit Nunaanni inersimasut sunngiffiminni timiminnik aallussinerulernissaminut ukua aporfiginerusarpaat.



n=959

Misissuinermi peqataasut arlalinnik toqqaanissaminut periarfissaqarput. Aporfiilli qulinngiluut Kalaallit Nunaanni taaneqak-kajunnerusartut uani takutinneqarput. Apeqqut akissat unaavoq: "Sunngiffinni timivit aalanerulertinnissaraluanut aporfiit suut patsisaappat?".

Allannguisoqarsinnaavorli!

Tunngaviusussaq taannaasariaqarpoq timersoqatigiiffiit uummarissarneqaaqqinnissaasa aqutissiuunneqarnissaat. Uummarissaaniaraannilu suut aqutit, sinaakkutit allallu tamatumunnga ineriartortitsisinnaasut aallaaviusariaqarpat?

Timersoqatigiiffiit peqatigiiffiini uummarissaassagaanni inunnik piumassusilinnik sallertut tunngavileeqqaartoqartariaqarpoq, tamannali imaaliillaannaq aaqinneqarsinnaanani. Aaqinneqarsinnaasullu siuliani eqqartorneqareersut aallaavigalugit malitsigisaanik nammeneq kajumissuseq aallaavigalugu suliaqartut soqutiginnikkiartulernissaanik

naatsorsuuteqartoqarsinnaavoq. Taamaattorli atugassarititat pimoorullugit ingerlavigalugit ingerlatsisoqartariaqartoq suleqatigiisitami isumaqarpugut.

Sammissamut atatillugu pingaaruteqalersimarpasippoq suliamut naleqquttumik ajunngitsorsiaqartitsinerit amerlisarnissaannut ingerlasoqartariaqartoq. Inuit pineqartut amerlanertigut inuuniutigisaminnik suliffeqartuusaarput timersornermilu suliatik saniatigut ingerlassatut aallussaasarlutik. Peqatigiiffinnik uummarissaaniaraanni illoqarfigisani aamma iliuuseqartoqartariaqarsorinarpoq, timersoqatigiiffiit sulisitsisullu akornngini aaqqissueqatigiinnikkut.

Tunngaviusariaqarsorinarpoq Nunatsinni kajumissutsimik suliaqarnermut atatillugu illersugaasumik inatsiseqartitsisoqalersinnaanissaanut aqutissiuisoqarsinnaanissaanik. Tamatumani qitiulluinnartutut sulisitsisut inissisimapput. Sulisitsisut pisussaaffilersorneqartariaqarput sulisut namminneq kajumissuseq aallaavigalugu ingerlatsiumasut tapersorsinnaanissaannut tunngavissaqartinneqalersillugit, sungiusaanerit peqatigiiffilerinerillu suliffiup nalaani ingerlanneqartillugit pineqartumut aningaasatigut annaasaqaataaffiunngitsumik sunniuteqarsinnaalernissaanut tunngavissaqartitsilernikkut.

Pisariaqartitsisoqarpoq nammineq kajumissuseq aallaavigalugu apeqqutitut amerlanernut sulisitsisut peqatigalugit aaqqissuisoqarsinnaanissaanik, pisariaqavissappallu inatsisitigut aaqqiivigalugu. Taamaasiornikkut sullissiumasut oqinnerusumik amerlisarnissaanut tunngavissiuisoqarsinnaasoq suleqatigiissitami isumaqarpugut, piumassuserli tamanna sulisitsisuniittoq erseqqissarneqassaaq.

Siusinnerusukkut taallatsiarneqareersutut nammineq kajumissutsimik aallaaveqarlutik suliaqartunut atugassarititat pitsanngorsarneqartariaqartut pimoorunneqartariaqavippoq. Taakkuami piunngippata aqutissaq nutarterneqarsinnaanavianngitsooq eqqoriaarneqaannarsinnaavoq, pissutsillu atugaasut artornarsiartuinnartumik inissisimalernissaat eqqoriaannarneqarsinnaalluni.

Piviusumik aaqqissuisoqassappat pisariaqartinneqartut uku suliarineqarnissaanik siunnerfilersuisoqarsinnaavoq:

- Timersoqatigiiffinnik uummarisaarinnissagaanni timersornernut ataasiakkaanut pisariaqassappallu illoqarfikkuutaartumik atugassarititat pillugit naapertusaakkanik aaqqissuisoqarsinnaanera, tassani sulisitsisut peqatigineqarnissaat ammaffigineqartuassasoq qitiulluni
- Ajunngitsorsiaasinnaasunik ujartueqatigiinnerit nunaqarfinniuppat, illoqarfinniuppat ilaatigullu nuna tamakkerlugu aaqqiissuteqartoqarsinnaappat
- Sulisitsisut peqatigiiffiat peqatigalugu eqqarsaqatigiittoqarnissaa, inuiaqatigiinnut akisussaassuseqartumik suliniutinik tunngavissiiisinnaaneq siunertaralugu
- Pisariaqavissappat inatsisitigut tunngavissiuisoqartariaqalernissaa isiginiarneqassasoq

- Sulinerimik inuussutissarsiteqarneq nammineq kajumissutsimik suliaqarnermut ataqtigiiissarneqassasoq, ilaatigullu taama suliaqarnerup nalaani sulinngiffeqarsinnaanermut apeqqutit qulaajarneqartariaqartut.

GIF Suleqatigiissitamut suliaq F pillugu ima allaatigisaqarpoq:

Kajumissutsimik sulinerit eqqumaffigisassallu

Kalaallit Nunaanni peqatigiiffinnut assigiinngiiaaqisunut qitiulluinnartarpoq kajumissutsiminnik sulerusuttut, meeqqammi, inuusuttullu, inersimasullumi assigiinngiiaaqisunik aallutaqarsinnaanerinut nunatsinni taakkua tunngaviulluinnartaramik. Peqatigiiffiit ingerlanneqartarput ineriartortinneqarlutillu kajumissutsiminnik suliaqartunit. Taamaattumik inuiaqatigiit, peqatigiiffiit, kattuffiillu timersornerup silarsuaani kajumissutsiminnik suliaqartartut akornganni taakkua pingaaruteqassusaat, ataqqineqarnissaat akuerineqarnissaallu pingaaruteqaqaaq. Kalaallit Nunaannilu kajumissutsimik sulinissaq pilerinartuusariaqarpoq. Kajumissutsiminnilli sulisunik pissarsinissaq ajornartorsiornartarpoq – inuttassaqarniarnerup tungaatigut aammali pitsaassuttip tungaatigut. Kajumissutsiminnik suliaqartartuniit aamma inuiaqatigiinniit siulersuisunut, sungiusaasunut pisoqartitsisunullu piumasaqaatit annertusiartorput ajornartorsiutaalersinnaallutillu.

Kajumissutsiminnik suliaqarnerup pitsanngorsaaffiginissaanut periarfissaqarpoq, aammali pisortat tungaanniit, inuussutissarsiortuniit aammalu inuiaqatigiinniit kajumissutsiminnik suliaqartut kalaallit kulturiattut timersortartutullu inuuneqartutut ataqqineqartariaqarput, aammali misissorneqalertariaqalerpoq qanoq iliorluni suliaqartoqarnerulersinnaanersoq minnerunngitsumillu qanoq pitsaanerulersinneqarsinnaanersut. Kajumissutsiminnik suliaqartartut nalinginnaasumik timigissartartutullu timersortartut akornganni aammali pikkorissunik ineriartortitsinermik pikkorilluinnartunillu suliaqartarmata. Kajumissutsiminnik suliaqartartut nalinginnaasumik siulersuisuni suliaqartarput, sungiusaasarlutik, pisussanillu ingerlatsisarlutik. Arlalitsigut takussaasarput kajumissutsiminnik suliaqartartut assigiinngitsunik pingasunik aallussisartut timersoqatigiiffimmi, aammalu imaluunniit kattuffimminni suliaqartaramik, namminnerlu timersortartooreerlutik. Taavamiuna qanoq iliorluni kajumissutsiminnik suliaqartut tapersorsorneqarluarnerpaajusinnaasut? Timersornerup tungaatigut kajumissutsimik suliaqarnissaq kajumigineqareertarpoq, aporfissalli arlaqartut aamma allarluinnaasarput, nukissaqarfigineqartussaassappullu, eqqartuiffigineqarsinnaasussaallutik aammalu annertuumik – ineriartortitsisussaagamik. Piginnaanngorsartitsinikkut periarfissaqartoqareerpoq ataavartumillu naliliiffigineqartarlutillu ineriartortinneqarnikuupput.

Timersoqatigiit Kattuffianni kajumissutsimik suliaqartut piginnaasatigut ineriartortittuarnissai periusissiornermi ilanngunneqartarput, soorlu nittartakkakkut youtube-kkullu ilitersuutit ilaatigut inerisaaffigineqarlutik. Aammattaaq GIF-ip ESG-illu suleqatigiinnissamik isumaqatigiissutissaani inuusuttut piukkunnaatillit pikkorivissunngornissamullu ikaarsaariarnissaat pitsaasumik sinaakkuserniarlugu suliniummik ingerlatsisoqarnissaa siunertaavoq, ilaatigut peqatigiiffiit kattuffiillu suleqatigalugit siulersuisoqarnikkut sungiusaasoqarnikkullu piginnaasanik ineriartortitsinermik malitseqartussaalluni.

Kajumissutsiminnik suliaqartut sutigut nukittorsarneqarsinnaappat? Atuarfeqarfimmi, inuussutissarsiortunit imaluunniit kajumissutsiminnik suliaqartut ilaannit (sungiusaasut ingerlataat) ilaannakuusumik imaluunniit tamakkiisumik aningaasarsiaqarnissaat inuussutissarsiutitut akuerineqartillugu?

Innersuussut:

Sulisitsisut, Sulisartut kattuffii peqatigalugit , GIF Naalakkersuisoqarfillu, siunissami kajumissuseq aallaavigalugu sulineri sinaakkutaasinnaasut pillugit siunnersuuteqarnissaq siunertaralugu inassuteqaasioqqullugit Naalakkersuisut peqquneqassasut innersuussutigineqarpoq.

Matumani atatillugu taamattaq innersuussutigineqarpoq kajumissutsiminnik suliaqartut inatsisitigut illersugaanerulernissaat sinaakkusiinissami ilaatinneqarnissaat kissaatiginartinneqarpoq.

G. Timersornikkut aaqqissuussinerni angallannikkut aningaasartuutit pillugit aaqqissuusseqqinnissaq

Nassuiarnera:


GIF-imi timersoqatigiiffiit kattuffittut ilaasortat angalanermut aningaasartuutaat ima isikkoqarput:

Timersoqatigiit Kattuffianni timersoqatigiiffiit kattuffittut ilaasortat angalanermut aningaasartuutaat. Aningaasartuutit kattuffiit naatsorsuutaannit tigusaapput

	2017			2018			2019			2020		
Kattuffik	Ukumut kaaviaartit	Angalanermut aningaasartuutit	Procent (%)	Ukumut kaaviaartit	Angalanermut aningaasartuutit	Procent (%)	Ukumut kaaviaartit	Angalanermut aningaasartuutit	Procent (%)	Ukumut kaaviaartit	Angalanermut aningaasartuutit	Procent (%)
KAK	4.348.311 kr.	1.315.508 kr.	30	4.133.492 kr.	1.134.681 kr.	27	5.253.913 kr.	2.470.342 kr.	47	4.638.203 kr.	1.084.534 kr.	23
GskF	1.946.636 kr.	921.380 kr.	47	1.782.924 kr.	960.225 kr.	54	2.452.818 kr.	449.724 kr.	18	2.910.115 kr.	198.690 kr.	7
TAAK	4.784.920 kr.	2.942.204 kr.	61	4.200.654 kr.	2.322.588 kr.	55	4.311.818 kr.	1.831.598 kr.	42	3.625.064 kr.	556.817 kr.	15
BKN	1.673.008 kr.	1.512.962 kr.	90	1.723.346 kr.	1.681.528 kr.	98	2.153.201 kr.	1.258.529 kr.	58	1.956.973 kr.	361.755 kr.	18
GTTF	1.132.186 kr.	443.533 kr.	39	1.056.112 kr.	548.029 kr.	52	1.706.623 kr.	811.486 kr.	48	1.756.320 kr.	29.845 kr.	2
KVK	1.078.885 kr.	688.625 kr.	64	733.706 kr.	762.296 kr.	104	1.111.853 kr.	954.264 kr.	86	1.514.701 kr.	96.454 kr.	6
GTF	1.291.261 kr.	580.782 kr.	45	1.386.886 kr.	940.144 kr.	68	1.588.654 kr.	1.147.220 kr.	72	1.763.599 kr.	119.588 kr.	7
QK	1.343.960 kr.	927.477 kr.	69	1.239.906 kr.	730.270 kr.	59	1.703.531 kr.	1.026.272 kr.	60	1.543.674 kr.	99.467 kr.	6
ASG	1.133.000 kr.	326.450 kr.	29	929.808 kr.	413.587 kr.	44	1.470.372 kr.	715.957 kr.	49	1.659.138 kr.	19.645 kr.	1
Katillugu	18.732.167 kr.	9.658.921 kr.	52	17.186.834 kr.	9.493.348 kr.	55	21.752.783 kr.	10.665.392 kr.	49	21.367.787 kr.	2.566.795 kr.	12


2021			2022			2023			2017 - 2023 Katillugu			
Ukumut kaaviaartit	Angalanermut aningaasartuutit	Procent (%)	Ukumut kaaviaartit	Angalanermut aningaasartuutit	Procent (%)	Ukumut kaaviaartit	Angalanermut aningaasartuutit	Procent (%)	Ukumut kaaviaartit	Angalanermut aningaasartuutit	Procent (%)	Sinneruttoq (%)
5.452.882 kr.	3.550.129 kr.	65	5.525.845 kr.	2.564.552 kr.	46	5.568.678 kr.	2.221.345 kr.	40	34.921.324 kr.	14.341.091 kr.	41	59
3.032.370 kr.	293.463 kr.	10	2.759.364 kr.	225.746 kr.	8	*	*		14.884.227 kr.	3.049.228 kr.	20	80
3.352.768 kr.	1.998.889 kr.	60	4.485.916 kr.	3.519.833 kr.	78	7.064.242 kr.	3.206.301 kr.	45	31.825.382 kr.	16.378.230 kr.	51	49
1.974.524 kr.	912.342 kr.	46	2.419.924 kr.	1.706.428 kr.	71	2.684.823 kr.	3.543.608 kr.	132	14.585.799 kr.	10.977.152 kr.	75	25
1.827.873 kr.	601.345 kr.	33	1.420.427 kr.	598.564 kr.	42	1.398.656 kr.	810.023 kr.	58	10.298.197 kr.	3.842.825 kr.	37	63
1.644.059 kr.	930.389 kr.	57	1.449.507 kr.	1.030.803 kr.	71	1.262.356 kr.	1.190.873 kr.	94	8.795.067 kr.	5.653.704 kr.	64	36
1.705.230 kr.	978.630 kr.	57	1.625.521 kr.	1.387.937 kr.	85	2.426.260 kr.	1.262.916 kr.	52	11.787.411 kr.	6.417.217 kr.	54	46
1.608.119 kr.	836.908 kr.	52	1.612.565 kr.	789.734 kr.	49	*	*		9.051.755 kr.	4.410.128 kr.	49	51
1.692.320 kr.	449.590 kr.	27	1.635.398 kr.	714.617 kr.	44	1.607.724 kr.	1.205.137 kr.	75	10.127.760 kr.	3.844.983 kr.	38	62
22.290.145 kr.	10.551.685 kr.	47	22.934.467 kr.	12.538.214 kr.	55	22.012.739 kr.	13.440.203 kr.	61	146.276.922 kr.	68.914.558 kr.	47	53

* Kattuffiup 2023-mi naatsorsuutai suli GIF-imut tunniunneqanngillat



Kattuffiit 2017 - 2023-imut ukiumut kaaviaartitaasa iluini angalanermut aningaasartuutaannut takussutissiaq procentinngorlugu

■ Angalanermut aningaasartuutit ■ Ukiumut kaaviaartitaasa sinneruttut



Kattuffiit 2017 - 2023 nalaani angalanermut katillugu aningaasartuutaat danske krone-nngorlugu

Nunami namminermi avataanullu angalanermi AirGreenland, Air Iceland Connect, Arctic Umiaq Line aamma Disko Line atornerqarnerusarput.

Nalunaarusiami *Afdækning af landsholdenes forhold i Grønland (2020)*⁴ tassa Nunatsinni landshold-it atugarisaanut qulaajaaneq pillugu angalatitsiviit timersornermut periarfissat killiliinerillu pillugit apersorneqarnerannit ima allassimasoqarpoq:

Air Greenland A/S

Angalatitsivik niuernerpalaartumik ingerlasuummat angalanermi inissat annertunerpaamik atornerqarnissaat soqutigisarivaa. Piffissani *angalanerpaaffiunngitsumi* inissat atorluarneqarnissaat aamma soqutigisarineqarpoq. Ullumikkut angalatitseqatigiiffiup ILIK billetsit neqeroorutigisarpai, tassa angalasunut eqimattanut neqeroorusiortarluni. Aalajangersimasumik tamatumani akikillisaanermik akigititaqanngilaq, neqeroortoqartarlunili piffissami inissat apeqqutaatillugit. AG aamma timmisartumik attartornissamik neqeroorusiortarpoq.

Kattuffiit GM-ertitsinerminni poorskip nalaa atukkajuppaat, piffissarlu taannaavoq aamma AirGreenland-ip tamanut tamakkiisumik akeqartitsinermik tunisaqarfigisinnaasaa. AirGreenland-ip periarfissatut isigaa, GM-ertarnerit piffissani niuernerpalaartumik ingerlatsinermi appasinnerusumik inissaqartitsinernut nuunneqarsinnaaneri, taamaalillunilu akinik pitsaanerusumik neqeroortoqarsinnaammat. Aamma unammeriaatsini allani GM-ernerinnaanngitsuni tamanna atornerqarsinnaavoq. AirGreenland-ip soqutigisarivaa siunissaq ungasinnerusumut pilersaarusiorfiusumik isumaqatigiissusiortoqartarnissaa, taamaalilluni inissat piffissani atornerqarpallaanngitsut nalaanni atorluarneqartarnissaat anguneqarsinnaammat.

Arctic Umiaq Line, AUL

Timersornermut AUL aalajangersimasunik akikillisaasarpoq. Piffissami angallaffiunerpaat avataani 30 % angallaffiunerpaaffinnilu majip qiteqqunneraniit septembarip naaneranut 0 %-imiit 20 %-iusarluni. GIF-imut attuumassuteqarnissaq, ikinnerpaamillu inuit 6-iussallutik, assersuutigalugu sungiusariarnernut unammiarnernut kisiannili aamma ataatsimeersuariarnernut ataatsimiinnernulluunniit attuumassuteqarnissaa piumasagaataalluni. Umiarsuarmi nerisaqarneq aamma akikillisaaffigineqartarpoq (nalinginnaasumik akiusoq 270 kr. 165 kr-iusarluni). AUL ammaffigaa inissat annikinnerpaaffiisa nalaanni akinik pitsaanerusunik isumaqatigiissusiorsinnaanissaq. Umiarsuaq tamaat attartorniaraanni immikkut akikillisaasoqarneq ajorpoq.

Air Iceland Connect

Angalatitsiviup Island-ip timersornermut kattuffia ISI aalajangersimasumik isumaqatigiissusiorgisimavaa angalanerni timersornermut attuumassuteqartuni 20-30 %-imik akikillisaavigineqarnermik, taamaattoq piffissami qinnuteqarnermi pissutsit

⁴ Afdækning af landsholdenes forhold i Grønland, 1. marts 2024, IKIN 2020, qupp. 42-45, 62f.

ataasiakkaani aallaavigineqartarlutik. Inissat aalajangersimasut illikartinneqartarput. Piffissaq ungasinnerusoq pilersaarusiortfigaanni annertunerusumik akikillisaaffigineqarnissaq ilimanarnerusarpoq.


Angalatitsivik nunatsinni klubbinik suleqateqareerpoq, assersuutigalugu B-67 (arsarnej) aamma GSS (assammik arsarnej) landsholdinilli sulisuleqateqartoqanngilaq.

Angalatitsiviup ammaffigaa ISI assigalugu GIF imaluunniit Naalakkersuisut aqutitigalugit isumaqatigiissusiorsinnaanissaq. Isumaqatigiissuteqartoqassappat akikillisaanermi tunngaviussaaq angalanerni immikkut illikartitsiffiusuni aamma piffissat immikkut toqqarneqartuni.

Ukiup qanoq ilinerani akigititat aalajangiisuusarput

Nalinginnaasumik angalatitseqatigiinnut tamanut atuuppoq piffissani angalanerpaaffiusuni akigititat qaffasinnerusarneri angalannginnerpaaffiusunilu akikinnerusarneri.

Tamanna assilianngorlugu ima isikkoqarpoq:



Angalanerit ukioq naallugu amerlassusaat (kisitsisitaqanngilaq)

Malugineqassaaq poorski marts-imi april-imiluunniit pisarmat.

Taamaalilluni piffissani angalaffiusuni appasinnerusuni timersornermi attuumassuteqartuni aaqqissuussinerit pisinnaappata annertunerusumik sipaagaqarfiusinnaavoq.

Naalakkersuisut angallannikkut akinik sunniisinnaassusaat

Naalakkersuisut ukua pigivaat: AirGreenland A/S, Arctic Umiaq Line/Royal Arctic Line A/S Mittarfeqarfiit aamma Kalaallit Airports.

Siunnersuutit innersuussutillu ukunani sunniisinnaanerit nalilertariaqarput:

- Ataatsimeersuarnerit/generalforsamling-it aqputigalugit
- Sullissinermit isumaqatigiissutit servicekontraktini piumasaqaatitigut
- Angallannikkut pisortat akitsuutaannik appaanikkut
- Angallassisartunut siunertanut aalajangersimasunut tapiissuteqarnikkut

Aaqqissuussani annertuuni, assersuutigalugu AWG2016-imi Nuummi ingerlanneqartumi Mittarfeqarfiit AirGreenlandimiillu akikillisaasoqarpoq, taamaattoq suliami tassani aalajangersimasumuinnaq. Tassungattaq aamma ilaavoq Timersoqatigiit Kattuffiat AWG-mut angalanissamut Air Greenland akikillisaasarnera. Assersuutigalugu 2018-imi, 2020-imi (taamaatiinnaraluartoq aningaasartuuteqarfiusimavoq) taamatuttaq 2023-imi. Akikillisaaffigineqartarnek procentinngorlugu 20 %-imiikkajulluni.

Anguniagaq tassaasariaqarpoq sipaagaqarsinnaaneq, taamaallutik timersortartut angalanerulersinnaassammata.

GIF Suleqatigiissitamut suliaq immikkoortoq G-mut pillugu ima allaatigisaqarpoq:

Angalanek eqqumaffigisassallu

Kalaallit Nunaanni angalanermut tunngasut nalinginnaasumik ajornartorsiortitsisareerput. Ingammik pisoqartitsinernut, unamminernut, katersuutsitsinernut allanullu assingusunut aaqqissuussanut peqataaniartilluni (takuuk ataatsimiinnerit il.il.). periarfissat marluinnaat tassaapput timmisartumik umiarsuarmillu angalanerit. Piffissaaleqinerlu peqqutaalluni timersortartut, sungiusaasut aqutsisullu timmisartornissaminnik toqqaasarpur, aningaasatigut annertuumik aporfeqartitsisinnaaqisumik. Tamakkualu pissutigalugit timmisartortartoqatigiit (takuuk Air Greenland) Timersoqatigiit Kattuffiat kattuffiusullu peqatigalugit pinerit tamarluinnaasa ataqatigiissaarisoaarlunilu qaqugu qanorlu angalanerit pisinnaanissaat pitsanngorsaaffiginiarneqartarput.

Timersoqatigiiffinnut ajornartorsiortitsisut ilagisinnaasarpaat pititsinernut tapiissutaasartut kommuniniit kommuninut assigiinngiaarmata ilutsimikkut aningaasaliissutillu amerlassusaasigut.

Suliamut G-imut Kommunit ima allaatigisaqarput:

Kommunini eqqartorneqarpoq Angalaniarnermi Air Greenland neqerooruteqarnerusariaqartoq timersoqatigiiffinnut angalaniarneq akitsoraluttuinnarmat soorlu assersuutigalugu timersortartunut neqeroorut finanslov-imut ikkunneqarsinnaanera angalanermut inatsimmut tapiissut.

Innersuussut:

Angalatitseqatigiiffiit kattuffinnut timersornermilu peqatigiiffinnut il.il. angalanissanut akikillisaaffigineqarnissamut politikkeqarneri assigiinngiaarput, ilaatigut ukiup qanoq ilinerani, ukiut ilaanni angalatitseqatigiiffiit ilaasa kultureqarnermut attuumassutilinnut

akikillisaanissamut pingaartitsinerusarput taamaalillunilu timersornermut kattuffiit, peqatigiiffiit angalanissamut akikillisaaffigineqartarnissamik qinnuteqaateqartarnermut atatillugu misigisartagaat assigiinngiiaarlutik.

Naalakkersuisut angalatitseqatigiiffinnut piginnittuunertik aallaavigalugu angalatitseqatigiiffiit ataatsimeersuarnerini, sullissinermut isumaqatigiissutit servicekontraktit suliarinerinut atatillugu timersornermi angalanermut akikillisaaffigineqartarnernut atatillugu ersarissumik Naalakkersuisut piumasaqaateqartarnissaat, taamatuttaaq angallannikkut pisortat akitsuutaannik appaanissamik, tamatumanilu ilutigitillugu angalatitseqatigiiffinnut siunertanut aalajangersimasunut pisortat tapiissuteqarsinnaaneri ersarinnerusumik aalajangersarsimanerusumillu piumasaqaateqartarnissaq Suleqatigiissitap innersuussutigaa.

GIF sulianillu ilisimasallit akorngini ataatsimiititaliortoqartariaqarpoq, tamannalu Naalakkersuisoqarfimmit akisussaaffigineqarnissaa kaammattuutigineqarluni.

H. Inatsisini attuumassuteqartuni nalimmassaanissaq nutarterinissarlu

Nassuiarnera:

Kapitali 7-imi inatsisit attuumassuteqartut pingaarnerit allassimapput. Taamattaq Anti Doping Grønland pillugu inatsisip Naalakkersuisoqarfimmi ingerlanneqartup nalimmassarneqarnissaa pisariaqartinneqarpoq.

Suleqatigiissitami suliani ataasiakkaani A- miit I-imut innersuussutit naapertorlugit inatsisit attuumassuteqartut pisariaqartitsineq naapertorlugu nalimmassarnissaat nutarternissaallu Suleqatigiissitamiit kissaatigineqarpoq.

Inatsisit nalunaarutillugu ataatsimut ataqatigiilluarnissaat kiisalu atuisussanit, kommuninit kattuffinnit peqatigiiffinnit allanillu Suleqatigiissitap suliaani attuumassuteqartunit atuisussanit oqaaseqaataannilu nassuiaatit paasinarluartuunissaat Suleqatigiissitap pingaartippaa.

Anti Doping Grønland pillugu inatsimmi attuumassuteqartumi allanngortitsinissaq pillugu suliaq Namminersorlutik Oqartussani suliarineqarmat Suleqatigiissitap annertunerusumik suliarinngilaa, taamaattoq inatsimmik allanngortitsinissamik kissaateqarneq naapertorlugu suliaq naammassineqarnissaa Suleqatigiissitap kissaatigivaa.

Innersuussut:

- Suleqatigiissitami suliani ataasiakkaani A-miit I-imut innersuussutit naapertorlugit inatsisit attuumassuteqartut pisariaqartitsineq naapertorlugu nalimmassarnissaat nutarternissaallu Suleqatigiissitamiit kissaataavoq. Inatsisit nalunaarutillugu

ataatsimut ataqatigiilluartuussapput atuisussanit, kommuninit kattuffinnit peqatigiiffinnit allanillu Suleqatigiissitap suliaani attuumassuteqartunit atuisussanit oqaaseqaataannilu nassuiaatit paasinarluartuussapput

- Anti Doping Grønland inatsit attuumassuteqartup allanngortinneqarnissaa kissaatigineqartoq naapertorlugu naammassineqassasoq pingaartinneqarpoq, *tak. aamma Ilanngussaq 2, nassuiarnera tamakkiisoq*

I. Timersornermi sanaartornikkut atugassarititat (idrætsfaciliteter)

Nassuiarnera:

GIF Immikkoortoq I pillugu ima allaatigisaqarpoq:

Atortut eqqumaffigisassallu

Atortut kajuminnartut assigiinngiiaartullu timimik atuerusussuseqarnissamut tunngatillugu piginissaat pingaaruteqarlunnartuuvoq. Timersornikkut atortut qanoq ittuuneri arlalinnik nungullarsimasutut, tulluukkunnaarsimasutut, aammalu nunatsinni timersuutit amigaatigineqartut, illup iluani silamilu timersornermut atortunik amigaateqarneq. Ulluinnarnili aalanerulertoqassappat illoqarfimmi periarfissat qanoq aaqqissuunneqassappat?

Inuit qanoq aallussisarlutik inooriaaseqarnissaannut periarfissaqartinneqartarneri ajornannginnersiorlutillu toqqaasartut ilisimatusarnikkut paasinarsereerpoq. Taamaattumik – illoqarfimmi atortussanik aaqqissuisoqarsinnaavoq, aalajangersimasumik inuuneqalersitsinissamut aqqutissiuussisumik.

Timersornermi atortussat timimik atuinissamut timersornissamullu aqqutissiuussisuupput taamaattumillu tamakkua Kalaallit Nunaanni Timersoqatigiit Kattuffiata 2030-imut takorluugaanut tapertaalluartuupput.

Ilisimasat, misilittakkat pisariaqartitanillu misissueqqissaarnerit tapertaasussaapput kommuninilu peqatigiiffeqarnikkut oqaloqatigiinnernut atorneqartussaapput, atuisut namminneq aaqqissukkaminnik aallutaqartut minnerunngitsumillu tapiisartut eqqarsaatigalugit. Tamannalu Kalaallit Nunaanni Timersoqatigiit Kattuffiata, kommunit Namminersorlutillu oqartussat tulluuttunik aningaasaliisinnaasuni, atuinernik, suleqateqarnikkut aammalu misissueqqissaarinikkut ineriartortitsinerit, nalunaarsukkallu qanoq sumilu sumullu tunngatillugu soorlu iluarsartuussinissat, nutarterinissat imaluunniit timersuutaasinnaasunik nutaanik pilersitsinissat eqqartorneqartariaqarput. Taamatuttaaq tigussaasunik assersuuteqassagaanni Kalaallit Nunaanni inuaqatigiinnik ineriartortitsineq qanoq innersoq aammalu timersoqatigiinni ingerlanneqartartut tungaatigut qanoq kinguneqarsinnaanersut imaluunniit annerusumik – amigaateqarneq pillugu eqqartuisoqartariaqarpoq.

Suleqatigiissitap ilisimavaa timersornermi sanaartornikkut atugassarititat pillugit susassaqtut suliaq ingerlanneqartoq, taamaalillunilu Suleqatigiissitap suliaq immikkut suliaassatut ingerlannissaanut annertunerusumik tunngavissaqanngilaq. Taamaattoq Suleqatigiissitap timersornermi sanaartornikkut atugassarititat pillugit suliaq allanit ingerlanneqartumi malinnaassaaq, pisariaqartitsinerlu naapertorlugu Suleqatigiissitap nalunaarusiaata naammassinissaata tungaanut isummerfigisariaqassappat suliamut ilanngukkumaarlugu.

Innersuussut:

Immikkut suliaqartut suliaat ingerlatiinnarneqassasoq, timersorneq pillugu periusissioinnissamut ilanngullugu suliarineqassasoq inassutigineqarpoq.

9. Inerniliineq

Timersorneq pillugu suleqatigiissitami sulinerput naammassivoq. Sulineq arlalitsigut ilungersunartorsiorfiusimaqisoq naammassilluni. Sulinitinni paasissutissanik tunngavissatsinnik tamatigut amigaateqartarsimalluta naammassilluta. Nunatsinni timersorneq pillugu paasissutissat pigineqartut amerlanngillat, taamatullu tunngavissaalatsinarsinnaalluni sulineq ingerlatsiffiusimavoq. Paasissutissat tunngavigneqarsinnaasutuaasut atorlugit sulineq ingerlasimavoq aamma paasissutissat tunngaviusinnaasutut nalilikkavut tamatigut ukiut siuliini suliaasimasunit paasissutissatut tunngaveqarluta sulisimalluta. Paasissutissat ullumikkut killiffiusumut toqqaannartumik naleqqiunneqarsinnaanngikkaluartut atorsinnaasimavagut, tassanimi timersornermi pissutsit suugaluilluunniit inissisimaneri allannguuteqangaartarsimannginnerinut takussutissaasutut nalilersimagatsigit atorsinnaasimallutigit. Taamaattumik Suleqatigiissitamut ajornarsimanngilaq ersarissumik timersorneq pillugu paasissutissanik nutaajusunik tunngaveqartuarnissaq anguneqartariaqarmat inassuteqarsinnaagatta, tamanna pillugu iliuuseqartuartaqarneranik anguniagaqartoqalernissaa siunertaasariaqartoq. Tamatumani eqqarsaatigeqqunarpoq Nunatsinni qaffasissumik ilinniarfiit soorlu assersuutigalugu Ilimmarfik, timersorneq pillugu paasissutissanik nutaajusunik misissuereerlutik inerniliissuteqareerlutillu peqataasinnaanissaat siunertanut eqqarsaatigeqqunartuusoq. Taamaasiornikkut pissutsit pillugit suliaqartuarnissamut tunngavissiiginnaratik aamma eqqortumik anguniagaqarfiusumut sulinerput tapertaalluarsinnaasorigatsigit oqaatigerusullugu.

Takornartaanngilaq Nunatsinni timersorneq pillugu inissisimanerput nalorninartorsiorfimmiiinnginnera ilisimagatsigu, taamaattorli timersornerup aaqqissuuteqqinneqartariaqarneranik isuma suleqatigiisitam ilassilluarlutigu sulerusussuseqarsimalluta. Pissutsit allanngorumagaanni aamma akisussaaffimmik tigusinikkut tamanna ingerlanneqartariaqartoq suleqatigisiitami isummerpugut. Akisussaaffik annertoq tigneqartariaqarpoq pingaartumillu aningaasaqarnerup aaqqissuuteqqittariaqarneranik isiginnilluni tamanna ataqatigiisillugu ingerlanneqartariaqartoq isummeratta. Suliassaq akisussaassuseqarluni tigussagaanni sapiissuseqarnissaq malitsigitinneqarluni pisariaqartoq isumaqarpugut, suummi tamaasa ataatsikkoorlugit aaqqissuuteqqinneqarsinnaanngitsut nalilerparput, amerlasuutigulli ataqatigiisitsilluni tulleriarilluarluni sulianik ingerlataqarnikkut tamanna anguneqarsinnaasorigipput oqaatigerusullutigu.

Ersarilluinnarpoq qitiulluinnartuullunilu Nunatsinni timersornerup aaqqissuunneqarsimanerani inuit nammineq kajumissutsimikkut piginnaasallit soqutiginninnerisigut timersornerup ingerlanneqarnera ullumikkut piosoq. Peqatigiiffiit, kattuffiit tamarluinnarmik inunnik nammineq kajumissuseqarlutik suliaqarusussuseqartut siuttoralugit ingerlanneqartuupput. Inuit ilaatigut peqatigiiffinni, kattuffinni soqutigisaqatigiiffinnilu assigiinngitsuni, arlalitsigut arlariinnik akisussaassuseqarlutik inissisimasuusunik inuttalersugaapput. Aaqqissuussaanerilli aamma assigiinngiaaqisut takuneqarsinnaalluni. Taamaasillunilu pissutsit arlalippassuartigut assigiinngiaaqisunik inerreqarlutik sulianik naammassinniffiusinnaasartut takussutissaqarsorinarpoq. Pissutsit assigiinngissuteqangaarsinnaagaluartut, nammineq kajumissuseq aallaavigalugu suliaqartuusuni ersarippoq periuseq uteqqajaartumik inissisimaffiusoq, ilaatigut assersuutigalugu timersoqatigiiffimmi siulittaasuusoq aamma sungiusaasuunngikkuni arlaatigut timersoqatigiiffiup iluani allamik akisussaassuseqarluni inissisimasinnaanera takornartaanngitsoq oqaatigineqarsinnaalluni. Qitiusorli uaniissorinarpoq ullumikkut nammineq kajumissutsimik inissisimaneq inunnik ikiliartuinnartunik aallunneqaleriartortoq ersarissartortoq. Pissutsit pillugit

misissuisimanerit ilaatigut oqariartuutigisaat isiginiassagaanni tamani sapiissuseqarluni anguniagaqartoqartariaqartoq isummernitsinni ersarissuq avaqqunneqarsinnaasorinanngilaq. Allannguisoqartariaqarneranik takussutissiisorivarput. Allannguutilli qanoq isikkulernerneqassanersut inassuteqaateqarnerput naapertorlugu suliamik ingerlatsitseqqiisussatut taasagut aqqutigalugit ingerlanneqartariaqartut isummerluta. Pisariaqarpoq ataqatigiisitsilluni timersornerup aaqqissuuteqqinneqarnissaanik isuma ingerlanneqartariaqartoq. Nammineq kajumissuseq aallaavigalugu ingerlatsisuusut ulluinnarni inuuniarnermikkut sulineramik inuussutissarsiuteqartuuneri takornartaanngilaq taamaammallu tamanna sallertut inuunerminni inissisimatilersimagaat takornartaajunnaarluni. Suleqatigiisitami taamaammat isummersorpugut Nunatsinni sulitsisut peqatigiiffiat, kattuuffiillu ataatsimoorussillutik suliamut ilisimasaqartunik peqateqarlutik siunissaq pillugu isummersoqatigiittariaqartut.

Pisariaqartitsisoqarpoq illoqarfikkuutaartumik timersornermik ingerlassaqartut ataatsimoorussamik soqutigisaqatigiiffiini, soorlu assersuutigalugu sungiusaasoqarniarnerni, aqutsisoqarniarnerni, inerisaaniarnerni, siunissami suleqatigiiffeqarlutik soqutigisamik annertunerusumik isiginninniarlutik isummersortilerneqarnissaanik, tassungalu aqqutissiuunneqarnissaanik timersoqatigiit kattuffiat peqatigalugu aaqqissueqqittoqartariaqarneranik pisariaqartitsisoqavissuq. Suleqatigiisitami ilisimaaraarput illoqarfikkuutaarluni timersoqatigiiffimmut ataatsimut attuumassuteqartarneq inummit peerneqarsinnaanngitsuq, taamaattorli timersorneq pillugu siuarsaassagaanni “avammut alakkaamanertut” isiginiarlugu allannguisoqarnissaanik pisariaqartitsisoqartoq. Pisariaqarsorivipparpummi illoqarfinni ataasiakkaani timersornerup anersaavata ersarissumik ingerlaavartumillu ingerlanneqartuarnissaanut siunnerfeqassagaanni, suleqatigiittoqarnerulernissaanik pisariaqartitsisoqartoq. Suleqatigiinneq anersaaralugu sulitsisut, timersoqatigiiffinnik (peqatigiiffiillu allat) siuttuinik aaqqissueqqittoqartariaqarneranik isiginninnarfiusumik suleqatigiittoqalernissaa kaammattuutigigatsigu, pingaartumillu kommunit peqataatinneqartariaqartut isumaqarluta. Tamatumani aningaasaq kisimi isiginiarnagu atugassarititagitut aaqqissuisoqarsinnaanera isiginiarlugu isummersoqatigiittoqartariaqartoq isumaqarluta. Suleqatigiisitami taamaammat ilaatigut nammineq kajumissutsimik aallaaveqartumik suliniarnerup annertusarniarnissaanut assersuutigalugu illersuinikkut inatsisiliortoqarsinnaaneranik tikkuaassivugut, tassani pingaartutut isumaqarfigatsigu timersornerup aaqqissuunneqarnerata taamatut isikkoqarnerani pisariaqartitsisoqartoq, nammineq kajumissutsimik ingerlatsisut illersugaanerulernissaanik pisariaqartitsisoqartoq taamatullu sulitsisunik inuiaqatigiinnut akisussaassuseqarnerusumik piunasaqarfigineqarnerulersinnaanissaanik isiginnittumik pisariaqartitsisoqarmat. Suleqatigiissitaq Naalakkersuisumut, kommuninut, kattuffinnullu kaammattuuteqarpoq taamatut suleqatigiisitamik isikkulernerneqarsinnaasumik isummersoqatigiittoqalernissaanik siunertaqartumik pilersitsisoqarnissaanik.

Nunatsinni timersortartuunerup sunniuterpasui isiginiarnerusariaqarivut suleqatigiisitami isumaqarpugut. Inuiaqatigiinni timersornerup qanoq ataatsimoortitsilersinnaasarnera ilisimavarput takusareerlutigulu. Timersornerulli aaqqissuunneqarsimanerani pissutsit allannguiffigineqalernissaanik tikkuussipput. Suleqatigiisitami pingaartissimavarput suliakkiutigineqartut tunuliaqutaralugit siunissaq ornigassarput siunnerfigalugu isiginninniarluta isummersuuteqarsimalluta. Isumaqatigiilluinnarluta oqariartuutigivarput timersornerup ullumikkut aaqqissuunneqarsimanerata allanngartinnissaanik sulisoqartariaqartoq. Amerlasuutigut illoqarfinni timersuutit assigiinngitsorpassuit ingerlaniapalaarlutik ingerlapput, pissutsilli assigiinngiaartorujussuusut ilisimaaralutigu. Ersaripporli timersuutit tamagimmik arlaannaatigulluunniit tamaviaarutissaminnik inissisimaffeqartartut.

Illoqarfeqatigiit iluini, kommuneqatigiit iluini timersortartut unammeqatigiisinneqarsinnaasarneri killeqartorujussuupput, taamaammallu pissutsit tamakkua peqqutaaqataasut ilagisinnaavaat timersornerup soqutiginaateqarneranut pissutsit taamatut isikkoqarnerannik. Siusinnerusukkut suleqatigiinnerit, ataqatigiissaarinerit allallu eqqaaneqartut isiginiarlugit, illoqarfinni timersornikkut pissutsinik allannguisoqarnissaanik suleqatigiissitami kaammattuuteqassalluta isummersimavugut. Tamatumani suleqatigiissitap aamma isiginiarsimavaa nuna tamakkerlugu pissartanngorniuttarnerni pissutsit ullumikkumut sulii qanganiilli allanngornagit aaqqissuunneqartartuusut, allanngorneqavittariaqarneranik pisariaqartitsisoqartoq. Siunissaq qanittoq siunnerfigalugu piaartumik ukiumoortumik unammersuaartitsisarneri allanngortinneqartariaqartut isumaqarpugut. Allannguinniginnermili tamaviaarutissat arlaqartut maluginiarlutikkit. Pingaarnertut aningaasaliissuteqartarnerit isiginiarneqartariaqartut nalilersorluarneqartariaqartullu isumaqarpugut. Pisariaqartitsisoqassaarli timersuutit ilaasa taamatut ikaarsaarnermi salliutinneqarnissaanik aalajangiussinissaq aammalu taamatut allannguuteqartitsinissami sunniutissat arlaqaqisut isiginiarnissaat.

Ullumikkut ilisimavarput unammersuartoqarneratigit illoqarfimmut inuit amerlanerpaagaangamik 200-it pallilugit amerlassuseqarsinnaasartut tikisinneqarsinnaasartut taakkualu periarfissaqartillugu siniffigisinnaasaannik, ini siniffissanik madrassilersukkanik inissiisoqartarluni, atugassarititallu pitsaasuujuaannartannginneri ilisimaneqarluni. Siunissami taamatut pisariaqartitsisoqarunnaarnissaanik takorluuvugut. Takorloorneqartormi piviusorsiorluni isiginiaraanni pisariitsunnguulluni. Suleqatigiissitami isumaqarpugut ukiup ingerlanngani sungiusarnermut tapertaliullugu ingerlaavartumik unammisaqattaartoqartalernissaanik siunnerfeqartoqartariaqartoq. Apeqqutaaginnassaaq kattuffiit qanoq aaqqissuussinissaminnik killilersorneqarnissaat, siunertaasariaqartorlu pingaarneq tassaasariaqarpoq timersortartut sungiusaannaratik ingerlaavartumik unammissuteqartuarnissaannik anguniagaqarnissaq. Assersuutigalugu Nuummi B-67 angutinik futsal-imik arsartartui ukiup ingerlanissaani unammersuarfiusussamut peqataajumallutik nalunaarpata, taakkua nalunaartut unamminissamullu aaqqissuussineq aallaavigalugu unammisassaattut aalajangiunneqartut, tamakkerlugit ukiup ingerlanissaani naapinnissaannut tulleriiaakkamik aaqqiivigineqassaaq. Taamaasilluni B-67 allallumi imminnut tamagimmik naapeqatigeereernerup kingorna, naggataarutaasumik unamminissanut aggersarneqartassapput. Timersuutinut assigiinngitsorpassuarnut taamatut aaqqissuisoqartariaqartoq suleqatigiissititami isumaqarnerput apuukkusupparput. Suleqatigiissitami naatsorsuutigivarput taamatut allannguuteqartitsinerup kingunerisinnaagaa aningaasatigit inissisimanagerit allanngungaatsiarneqarsinnaanerannik. Maannamut timersornermut aningaasaliissutigineqartartut ukiumut amerlassusii toqqaannartumik takujuminaatsikkaluarlutikkit, isumaqarpugut aningaasaliissutaareersut iluini allanngueqqittoqarneratigit isiginninniarluni suliamik aallartitsisoqarsinnaasoq, taamaattorli ilimanaateqartoq aningaasanik angalanermut atugassanik pisariaqartitsinerit amerlanerulersinnaaneri suleqatigiissitami missingiutigigatsigu. Allanguinissarli siunnerfigissagaanni sapiissuseqavinnissaq pisariaqartoq isumaqarluta.

Allannguinerulli kingunerisinnaasaa pitsaaqutissai aamma isiginiarneqartariaqartut tikkuarusuppavut. Timersortartunut ineriartorsinnaaneq pitsaaneruliinnarani inuussutissarsiuteqartunut arlalitsigut sunniuteqarlualsinnaaneri isiginiarneqartariaqartut isumaqarluta. Ilaatigummi angalanerit ingerlaavartut arlaqartut atorneqalernerisigut angalatitseqatigiiffinnut, inissiisarfinnut niuertunullu allanut sunniutissai pitsaasut arlaqartut takorloorneqarsinnaasorigatsigit.

Angalatitseqatigiiffiit pillugit isummersortoqarnissaanik pisariaqartitsisoqarlunnartoq isummersornitsinni qitiusimaqaaq. Taamaattumik kaammattuuteqarpugut timersoqatigiit kattuffiat susassaqtullu allat suliamut pingaaruteqarlunnartumik isummersoqatigiinnissaat siunertarlugu Naalakkersuisoq kaammattuuteqassasoq isummersimalluta. Ilaatigullu Naalakkersuisoq Naalakkersuisunut kaammattuuteqassasoq, angalatitseqatigiiffiit allannguinnissami pimoorussillutik pisussaaffeqarlutillu aalajangersaanissamut peqataatinneqarnissaannik piginnaatinneqarnissaminik aalajangiussinissamut tunngavissiatigut peqquneqassanermik noqqaassuteqassasoq inassutigissallutigu. Allannguisoqartariaqarmat suleqatigiissitaq taama toqqaannartigisumik Naalakkersuisumut inassuteqassalluni aalajangersimavoq. Eqqaarusupparpulli pisut pinnginneranni suliamik ingerlatsisussatut innersuussutigisagut imaannaanngitsumik suliassaqarneri eqqaasitsissutigerusullutigu aammalu timersoqatigiiffiit kattuffii kiisalu timersoqatigiit kattuffiat peqatigillunnarlugu ingerlanneqartariaqartut isumaqaratta.

Allannguuteqartitsinissat sioqqullugit suleqatigiisitami timersornermi inatsisitigut tunngaviusinnaasut qimerloornerini takusinnaasorivarpur pisariaqartitsivittoqartoq, maleruagassat nalimmassarneqarnissaanik isiginninniartoqartariaqartoq taamatullu akisussaassuseqartumik ersarissumik inissiisoqartariaqarneranik tikkuaasoqartariaqarluni. Aammattaaq aningaasat ingerlaarnerisa ersarissumik takussutissinneqarnissaanik siunertaqartumik suliniuteqartoqartariaqavissoq isumaqarluta. Taamaammat Naalakkersuisoq ataatsimiititanik arlaqartunik pilersitsissasoq inassuteqaasiornitsinni qitiullunnartutut inissiinerput ersarissarlutigu. Suliamik taamaattumik inerisitsissagaanni pinngitsoorneqarsinnaanngitsutut nalilerparput nuna tamakkerlugu timersorneq pillugu periusissiorortoqarnissaanik suliartoqassasoq, taannali suleqatigiissitami suliareqqitassatut tikkuaassilluta pilersitsisoqarnissaanik inassuteqaateqarnitsinnut ataqatigiillunnartuusoq suleqatigiissitamit oqaatigerusullutigu.

Aningaasaqarneq isiginiassagaanni kommunini kommunalbestyrelsit qitiusumik inissisimaneri suleqatigiissitami maluginiannngitsuunngilarput. Timersornermut aningaasalersuineq ersarillunnartoq siunertaassappat kaammattuutigivarpur peqqissaartumik kommunit peqatigalugit taakkununnгалu ilanngullugit sulitsisut, kattuffiillu peqatigiillutik Naalakkersuisoqarfiillu susassaqtut peqatigalugit aaqqissuusseqqinnissamik tunngavissiasaminik anguniagaqatigiissasut isumaqarluta.

Immikkut maluginiannngitsuunngilarput pikkorivissortunut, piukkunnaatilinnullu sullissineq assorsuaq pitsaasumik Elite Sport Greenland aqutigalugu inissisimagaluartoq, tassunga tungaatigut iliuuseqartoqartariaqarneranik pisariaqartitsisoqarmat. Suliassatigut Elite Sport Greenlandip Timersoqatigiit Kattuffiata akornaminni agguaqatigiissimaneri toqqaannartumik uparuarnartoqartinnatigu eqqaarusupparput, taamaattorli Elite Sport Greenlandimut aningaasatigut inissisimatitsineq isiginiarlugu aaqqiisoqartariaqartoq nalileratsigu. Aningaasat amerlanngereertut ilaatigut ilinniartitaanermut tunngassuteqartuni kattuffiit aningaasalersueqataatinneqarneri tulluurtuunngitsoq isumaqarfigivarpur, tamannalu Naalakkersuisut piaartumik aaqqiissuteqarfigisariaqaraat isumaqarluta. Eqqortuusorinngilarput Nunatsinni ilinniartitaanerup ilaanut timersornermut kattuffiit ilaatigut aningaasaliisoralugit ingerlatsineqarsinnaanera. GUX ilinniartitaanerup ataani inissisimasuummat aningaasalersorneqarnera Inatsisartut Aningaasanut Inatsisaatigut aaqqiivigineqartariaqartoq inassutigarpur.

Timersornerup aaqqissuteqqinneqarnissaa siunertaassappat pingaaruteqarpoq pikkorivissortut piukkunnaatillillu pillugit timersorneq pillugu periusissiornermi qitiusutut inissinneqarnissaat taamatullu, aningaasaqarneranut attuumassuteqartut ilanngullugit aaqqiivigineqarnissaat

isiginiarlugu suleriaqaqqittussat arlaata isiginiassagaat, suleqatigisitami kaammattuuteqassalluta aalajangerpugut.

Suleqatigiissitami kommunit aallartitaattut toqqakkat suliniarnerminni ajornartorsiortitaasutut oqaatigineqarsinnaapput, tassami kommunit assigiinngitsut tallimat pineqarput suliakkiisummilu tunngaviusut pillugit saqqummiussisinnaanerminnik akimmiffeqarsinnaanertik tikkuartorsimallugu. Tassunga peqqutaarpiarluni kommunit aqunneqarnerinut inatsisitigut aalajangersakkat aallaavigalugit paasissutissanik tunniussisinnaanerminnik killilersorneqarsinnaasoralutik oqariartuuteqarmata, tamatumani suliamut suliakkiisummi anguniarneqartunut paasissutissat pillugit tunniussisinnaanerinut inatsisitigut pisussaaffilerneqarsimannginneq peqqutigineqarluni. Naatsumik oqaatigalugu suleqatigiissitap aallartinnginnerani kommunit paasissutissanik tunniussisinnaanissaannut piginnaatitsissutitut attuumassuteqartunik saqqummiussisoqarsimannginnera peqqutitut isiginiarneqarsimavoq, taamaattumillu killilimmik kommunit tungaanit saqqummiussisoqartariaqarsimalluni, tamatumani kommunalbestyrelsit akuersitinneqarsimannginnerannik toqqammaveqartumik.

Suleqatigiissitami neriuutigivarput suliap matuma allaaserinerani atugassarititaasut aallaavigalugit sapinngisarput tamaat atorlugu ingerlatsiniarsimanerput, suliatallu ersarissuuneranik imalersorneqarsimalluni saqqummiunneqarsinnaasimanera Naalakkersuisup suleriaqqinnissaanut tunngavissisinnaassuseqarluni inissisimassasoq. Suliaqarfigisatsinni immikkoortut A-miit I tikillugu innassuteqaativut innersuussutigissavagut.

Tusarniaanermi akissutigineqartut

Timersornermut suleqatigiissitap nalunaarusiaa inaarutaasutut missingersuut attuumassutilinnut ukununnga tusarniaassutigineqarpoq:

- Timersoqatigiit Kattuffiat GIF gif@gif.gl
- Elite Sport Greenland info@elitesport.gl
- Naalakkersuisoqarfiit attuumassuteqartut:
 - Naalakkersuisut Siulittaasuata Naalakkersuisoqarfia govsec@nanoq.gl
 - Aningaasaqarnermut Akileraartarnermullu Naalakkersuisoqarfik oed@nanoq.gl
 - Inuussutissarsiornermut, Niuernermut, Aatsitassanut, Inatsisit Atuutsinneqarnerannut
 - Naligiissitaanermullu Naalakkersuisoqarfik isiin@nanoq.gl asn@nanoq.gl
 - Naalagaaffinngornissamut Nunanullu allanut Naalakkersuisoqarfik nap@nanoq.gl
 - Meeqqanut Inuusuttunullu Naalakkersuisoqarfik ian@nanoq.gl
 - Isumaginninnermut, Ilaqutariinnut, Suliffeqarnermut Nunamullu Namminermut
 - Naalakkersuisoqarfik isn@nanoq.gl
 - Peqqinnissamut Naalakkersuisoqarfik pn@nanoq.gl
 - Ineqarnermut Attaveqaasersuutinullu Naalakkersuisoqarfik box909@nanoq.gl
- Bestyrelsessekretariatet/Aqutsisunut allattoqarfik, Naalakkersuisut Siulittaasuata Naalakkersuisoqarfia govsec@nanoq.gl
- Kommunit tamarmik: Susassaqartunut aamma ingerlateqqissagaat, haller, rel. udvalg, bychefer/områdeledere il.il.
 - Avannaata Kommunia avannaata@avannaata.gl
 - Kommune Kujalleq kommune@kujalleq.gl
 - Kommune Qeqertalik qeqertalik@qeqertalik.gl
 - Qeqqata Kommunia qeqqata@qeqqata.gl
- Sulisitsisut, Grønlands Erhverv ga@ga.gl
- Air Greenland info@airgreenland
- Icelandair [ingen e-mailadresse]
- Arctic Umiaq Line info@aul.gl
- Disko Line Info@diskoline.gl
- RAL ral@ral.gl
- Grønlands Rejsebureau erhverv@greenland-travel.gl
- Tusass atuisut@tusass.gl
- HORESTA Hotel, Restaurant & Turisme: GE + GE ataani:
 - Brancheudvalget for Detailhandel: inuacare@inuacare.com
- Brancheudvalget for Hotel, Restaurant og Turisme: ht@hhe.gl

- GrønlandsBanken banken@banken.gl
- Bank Nordic nuuk@banknordik.gl
- Innarluutillit Oqaaseqartartuat info@tilioq.gl
- Utoqqaat Oqaaseqartartuat utoqqaat@nanoq.gl

Tusarniaanermi akissutigineqartut:

Tusarniaanermi soqutiginnillutik akissuteqaateqartunit pingaarnersiulluni tulluurtut ilanngussassatut allaaserinninneq

Suleqatigiissitap nalunaarusiaminik Timersornermut Naalakkersuisumut tunniussinnginnermini pingaartutut nalilersimavaa, allaaserisap tamakkiisumik isikkoqartillugu tunniutinnginnerani suliaminik tusarniaassuteqarnissaminik. Qujanartumillu soqutiginnillutik akissuteqaateqartut suleqatigiissitap nalilersuiffigalugillu isummorsorfigisimavai, allaaserisamullu soqutiginaateqarsinnaasutut nalilersuutitik ilanngullugit allaaserinissaat, suliamullu tulluurtuusoralugit matumani allaaserillugit.

Timersoqatigiit Kattuffiata kattuffiit ilaasortaaitaminik ukiumoortumik ataatsimeersuartitsinermiinnut atatillugu oqallitsissimallugit, tusarniaanermut akissuteqaasiorlutik allaaserisaqarput, taakkulu eqikkarlugit imatut oqariartuuteqarlutik.

Timersoqatigiit Kattuffiata akissuteqaataa pillugu

Allaaserisami qulequttamut A-mut, siunissami timersortarneq pillugu allaaserisamut imatut kattuffiit ataatsimoorussamik oqariartuuteqarput;

“Timersoqatigiit Kattuffiata allagaata ataani ilanngunneqassasoq kissaatigineqarpoq, meeqqat atuarfiata allassimanerata saniatigut fritidsklub-it (AKO) tassalu meeqqat atuarfiani mikinerit soraaraangamik ornittagaanni aqqissuussaasumik timersorneq periarfissaqalernissaa anguniarneqassasoq. Meerarpassuit tassani sungiusaasoqarlutik aqqissuussaasumik timersortinneqartarnissaat anguneqarpat aamma siunissami meeqqat peqqinnerusut, timimik aalatitsinerusut, eqqarsartaatsikkut pikkorinnerusut timersornerusullu anguneqarsinnaangaluarmat.”

Suleqatigiissitami pineqartumut oqariartuutigineqartut tamakkiisumik anguniarneqartariaqartut taparserneqarput, innersuussutigineqartutullu timersorneq pillugu misissueqqissaarlutik suliaqartussanut ilanngullugu kaammattuutigineqassasoq inassutigalugu.

“Avinngarusumasumi najugallit nunatta isorartunerujussua angallannikkullu aporfeqarnerujussua pequtugalugu timersortartut, sungiusaasut, kajumissutsiminnik suliaqartut suliffeqaraanni piffissaq annertoq timersortarnermi aqqissuussanut angalaneq atortarpaat, sulinngiffeqarnissamullu annertuumik annaasaqaatigisarlugi. Angallannikkut avinngarusimasumi inissisimasut pitsanngorsaaffiginissaannut misissuisoqarnissaa kaammattuutigineqassasoq allaaserisamilu ilanngunneqassasoq piumasarineqarpoq. Tunngavilersuutigineqarluni avinngarusimasumi najugallit ullut arlerlugit allaat angalasariaqartarput illoqarfinnilu assigiinngitsuni unnuisariaqartarlutik.”

Suleqatigiissitamit pineqartumut oqariartuutigineqartut tamakkiisumik anguniarneqartariaqartut taparserneqarput, suleqatigiissitalu immikkoortumut allaaserisamini innersuussutigineqartut timersorneq pillugu misissueqqissaarlutik suliaqartussanut ilanngullugu kaammattuutigineqassasoq inassutigalugu.

Allaaserisami qulequttamut B-mut, siunissami unammeriaatsit pillugu allaaserisamut imatut kattuffiit ataatsimoorussamik oqariartuuteqarput;

“Fremtidsfinanseringsmodeller: Forbundet tamarmik siunnersorpagut budget-ilioqqullugit killeqanngitsunik, soorlu takorluukkamik nalinganik budget-iliornissai – taamaalilluni forbundit GIF-imut nassiussigunik killeqanngitsunik pisariaqartitasi paasissagaluarpagut. Aningaasartuutit qanoq amerlatigisarnersut pisariaqartinneqaraluarnersut piviusoq eqqortoq ugartornissaanut, taamaalilluni GIF naalakkersuisumut qanoq aningaasat amerlatigisut atorneqassanersut paasineqassagaluarpoq. Tunngavilersorluarneqarsinnaanera uani ugartorneqassasoq.

Kattuffiit ilannguisa atorfissaqartissinnaagamikku GIF-imiit tapersersorneqarnera, ingammik kattuffiit minnerit allaffissortumik sulisoqanngitsut ikorfartorneqarnerunissai.”

Suleqatigiissitamit pineqartumut oqariartuutigineqartut tamakkiisumik anguniarneqartariaqartut taparserneqarput, suleqatigiissitamit innersuussutigineqartuni taama toqqaannartigisumik oqariartuuteqanngikkaluarluni, taamaattorli misissueqqissaarlutik suliaqartussanut ilanngullugu kaammattuutigineqassasoq inassutigalugu. Suleqatigiissitamilli pingaartinneqarpoq aningaasaqarneq tamakkiisumik nalilersorneqarnissaa pingaarnertut suliarineqartariaqartoq, akissuteqaatigineqartumili oqariartuut timersoqatigiiffinni kattuffinnillu aningaasaqarneq pillugu ilisimasaqarluarnermik tunngaveqartinneqarmat, suleqatigiissitamit pingaartillugu ilanngunneqartariaqartoq isumaqarluta.

Allaaserisami qulequttamut D-mut, Elite Sport-imi unammillernartut pillugu allaaserisamut imatut kattuffiit ataatsimoorussamik ilaatigut oqariartuuteqarput;

Allaaserineqartumi ilanngunneqarusuppoq nunatut annertunerusumik elite-mik ineriartortitsissagutta politikikkut eliteidræt eqqarsaatigalugu politikkeqarnissaq. Aammattaaq elite-mi annertuumik anguniagaqassagutta professional-iusumik nunatsinni internationalimik aaqqissuussinissaq nukittorsarneqartariaqartoq allaaserisami ilanngunneqarusuppoq. Timersornermut aningaasaliissutit annertunerusumik qaffaaffigineqarnissaat allaaserisami ersarittumik allassimanissaa kissaatigineqarpoq.

Timersorneq eqqarsaatigalugu politikikkut eqqummaarinnerunissaq akisussaaffimmillu annerusumik tigusinissaq siunnersuutigineqassasoq allaaserisami ilanngunneqarnissaa kissaatigineqarpoq.

Suleqatigiissitamit pineqartumut oqariartuutigineqartut tamakkiisumik anguniarneqartariaqartut taparserneqarput, suleqatigiissitalu immikkoortumut allaaserisamini innersuussutigineqartutut timersorneq pillugu misissueqqissaarlutik suliaqartussanut ilanngullugu kaammattuutigineqassasoq inassutigalugu.

Allaaserisami qulequttamut E-mut, Siunissami kommunit tapiisarnerisa aaqqissuuteqqinneqarnissaa pillugu allaaserisamut imatut kattuffiit ataatsimoorussamik ilaatigut oqariartuuteqarput;

Nalunaarusiami kommunit tapiissutaanut takussutissiaq allaaserineqartut nutaanngitsuusut maluginiarneqarpoq arlallillu atorunnaarnikuullutik allanngornikuullutillu. Taamaattumik eqqortunik nalunaarusiami kommunit tapeeriaasii allassimasoqarnissaat aaqqeqquneqarpoq.

Kommunini tapeeriaaseq "først til mølle" atorneqannginnissaa nalunaarummi allanneqassasoq kissaatigineqarpoq, tassami assersuutigalugu peqatigiiffiit ukiup naajartornerani unammersuariartartut, soorlu taekwondo, ajoraluartumik tapiissutinik ilaanni killilimmik taperneqartariaqartarput kommunimi timersornermut ukiup naalernerani tapiissutissatut illikartitat nungulluinnalersimammata.

Namminersorlutik oqartussanit kommuninut tapiissutit tunniunneqartartut kommunip timersornermut illikartittagai eqqarsaatigalugit allatut aaqqiisoqarnissaanik misissuisoqarnissaa kissaatigineqarpoq. Assersuutigalugu kommunini assigiinngitsuni timersornermut tapiissutit GIF-ikkoorlugit tunniunneqartalissagaluarpata qanoq periarfissaqartinneqarnissaanik misissuisoqarnissaa nalunaarusiami allassimanissaa kissaatigineqarpoq.

Suleqatigiissitamit pineqartumut oqariatuutigineqartut tamakkiisumik anguniarneqartariaqartut taparserneqarput, suleqatigiisitallu immikkoortumut allaaserisamini innersuussutigineqartutut timersorneq pillugu misissueqqissaarlutik suliaqartussanut ilanngullugu kaammattuutigineqassasoq inassutigalugu. Suleqatigiisitap erseqqissarusuppaa akissuteqaammi oqaatigineqartutut kisitsisit nutaanngilisimasut saqqummiunneqarneri pillugit uparuaateqarneranut atasumik, suleqatigiisitami sulinitinni kisitsisit saqqummiunneqartut ataqqillugit ilanngunneqarmata, kisitsisillu kommunit namminneerlutik saqqummiussarimmatikkittusaatissatut tiguinnarsinnaallutigit. Taamaattoq ilanngullugu oqaatigineqassaaq suleqatigiissitamit inassutigineqartutut aningaasaqarneq tamakkiisumik isigalugu misissorneqartariaqarneranik isummatsinnik allannguuteqartitsinngimmat.

Innarluuteqartut Oqaaseqartartuata Tilioq tusarniaanermut akissuteqaataa pillugu

Suleqatigiissitap maluginiannngitsuunngilaa Innarluuteqartut Oqaaseqartartuata Tilioq tusarniaanermut akissuteqaataata imartuup oqariatuutigisai. Suleqatigiissitamit innarluuteqartut allatulluunniit inuit sanngiilliuteqartutut inissisimasuusut timersortarnerannut allatulluunniit aalaniuteqarlutik ingerlatsisarnerannut atatillugu, soqutiginninnginneq peqcutigalugu allaaserisaqarsimannginnerminik oqaaseqartariaqarmat. Allaaserineqarnissaanut paasisutissat tunngavissaasinnaasut piunnginneri suleqatigiissitap allaaserisamini ilanngussinnginneranut peqcuterpiarpoq. Suleqatigiissitallu taamaasilluni aalajangiuppaa sammisaaq tassunga tunngasoq ilanngullugu suliaqarfigissanagu, suleqatigiissitamit paasisimasaqarneq tamatumani annikitsuinnarmik aallaaveqarnera peqcutaarpiarluni. Taamaattorli suleqatigiissitaq isumaqarpoq tusarniaanermut akissuteqaat ima imartutigimmat tamakkiisumik timersorneq pillugu misissueqqissaarnermi suliaqartussanut innersuussutigineqartariaqartoq ingerlateqqillugu. Suleqatigiissitamit pineqartumut oqariatuutigineqartut tamakkiisumik anguniarneqartariaqartut taparserneqarput, suleqatigiissitallu tusarniaanermi akissuteqaataasumit tamakkiisumik innersuussutigineqartutut timersorneq pillugu misissueqqissaarlutik suliaqartussanut ilanngullugu kaammattuutigineqassasoq inassutigalugu. Suleqatigiissitaq isumaqarpoq Tilioq oqariatuuteqartoq, Naalakkersuisut tamakkiisumik sulinerminni tunngavilersuuteqarnissaminnut isiginninniartutik misissuataarlugulu anguniagaqarnissaminnut annertuumik tunngavissiimmat maluginiarluartariaqaraat ilaatigullu, inuit pisinnaatitaaffiisa eqquutsinneqarnissaannut

attuomassuteqarluinnartuummat isiginiarlugu, suleriaqqinnissami Naalakkersuisut maluginiarluartariaqaraat.

Inuussutissarsiornermut, Niuernermut, Aatsitassanut, Inatsisit Atuutsinneqarnerannut Naligiissitaanermullu Naalakkersuisoqarfiup akissuteqaataa pillugu

Suleqatigiissitamit timersornermi arnat, angutit, inuusuttut, inuusuttuaqqat, meeqqallu pillugit naligiissitaanermik apeqqummut atatillugu allaaserinninnginnera peqquteqarpiarpoq paasissutissanik tamakkiisumik peqannginnera. Apeqqummut naligiissitaanermut tunngatillugu Naalakkersuisoqarfiup oqariartuutigisai tamakkiisumik suleqatigiissitamit ilalerneqarlutillu siumut suleriaqqinnissami sammisassaqqittutut naliliivigineqarlutik. Pingaarpoq oqaatigissallugu siunissami timersorneq pillugu politikkeqalernissami naligiissitaanermi isiginnilluni, politikkeqalernissaq sioqqullugu aaqqissuussaasumik suleriuseqartoqartariaqarneranik oqariartuut tamakkiisumik suleqatigiissitamit taperserneqarmat. Taamatut suleriuseqarnissap qulakkiissammagu politikkeqalinnginnermi, apeqqutit, suaiaassutsimut, kinguaassiuutit atorneri pillugu inissisimanermut, immikkut inuiaassuseqarneq, utoqqaatsutit, innarluuteqarneq imaluunniit inuttut inissisimaneq tunuliaqutaralugu erseqqarilluinnartumik misissorluarsimallugillu nalilersuuteqarsimanissamik oqariartuut suleqatigiissitamit isumaqatigineqarmat. Naalakkersuisoqarfiup akissuteqaateqarnermini apeqqutit pingaaruteqartut isiginiarneqartariaqartut allaaserivaat. Tamatumani inuit suaiaassusaasa agguataarlugit paasissutissat aamma misisoqqissaarsimanissaat, siunnerfiliussaqaarnermi peqataatitsilluni anguniagaqarnissaq aamma aningaasatigut tapersersuinissaq kiisalu inuit assigiimmik pineqarnissaannik oqariartuutit pingaaruteqarluinnartut oqariartuutigivaat Suleqatigiissitamit tamakkiisumik isumaqatigineqartut. Suleqatigiissitamit isumaqatigilluinnarparput sungiusaasoqartitsiniarnerni aqutsisoqartitsinernilu ilinniartitsisarnerit qulakkeerneqarnissaannut oqariartuutigineqartut, taamatullu paasititsiniarnermik suliaqarnerujuarnissamik apeqqut pillugu. Naalakkersuisoqarfiup akissuteqaatai tamakkerlugit eqqartunngikkaluarlugit, suleqatigiissitaq isumaqarpoq akissuteqaammi saqqummiunneqartut ima pingaaruteqartigimmata timersorneq pillugu misissueqqissaarlutik suliaqartussanut pineqartut pillugit, tassalu naligiissitaanermut apeqqutit pillugit samminninneq itisooq ingerlanneqartariaqartoq inassuteqaateqassalluni.

Peqqissutsimut Naalakkersuisoqarfiup tusarniaanermut akissuteqaataa pillugu

Suleqatigiissitamit pineqartumut oqariartuutigineqartut tamakkiisumik oqariartuutigineqartut taperserneqarput, suleqatigiisitalu tamakkiisumik allaaserisamini eqqartorneqartunut timersorneq pillugu misissueqqissaarlutik suliaqartussanut ilanngullugu kaammattuutigineqassasoq inassutigalugu.

Tusarniaanermi akissutigineqartut katersorneri:

Timersoqatigiit Kattuffiat GIF

Pillugu: Timersornermut suleqatigiissitap timersornermut nalunaarusiaa pillugu tusarniaaffigineqartunik akissuteqaat.

Tusarniaassut Timersoqatigiit Kattuffiata ulloq 14. oktober 2024 e-mail-ikkut nassiunneqartoq tingusimavaa ullorlu 15. oktober 2024 Timersoqatigiit Kattuffianni Kattuffiit (specialforbund) ilaasortanut tusarniaassut ingerlateqqillugu.

Timersoqatigiit Kattuffiata ileqquusumik ataatsimeersuarnera 26. oktober 2024 ingerlanneqareernerata kingorna Kattuffiit tusarniaassumut akissuteqarnissamut periarfissaq atorlugu eqimattanngorlutik eqqartueqatigiipput. Eqqartueqatigiinnermilu tusarniaanermut ima akissuteqarput.

A.

Siunissami timersortarneq, ilaatigut misissuisimanerit, nalunaarusiornerit il.il. tunngavigalugit

Timersoqatigiit Kattuffiata allagaata ataani ilanngunneqassasoq kissaatigineqarpoq, meeqqat atuarfiata allassimanerata saniatigut fritidsklub-it (AKO) tassalu meeqqat atuarfiani mikinerit soraaraangamik ornittagaanni aaqqissuussaasumik timersorneq periarfissaqalernissaa anguniarneqassasoq. Meerarpassuit tassani sungiusaasoqarlutik aaqqissuussaasumik timersortinneqartarnissaa anguneqarpat aamma siunissami meeqqat peqqinnerusut, timimik aalatitsinerusut, eqqarsartaatsikkut pikkorinnerusut timersornerusullu anguneqarsinnaagaluarmat.

Avinngarusumasumi najungallit nunatta isorartunerujussua angallannikkullu aporfeqarnerujussua peqqutigalugu timersortartut, sungiusaasut, kajumissutsiminnik suliaqartut suliffeqaraanni piffissaq annertoq timersoriarnermi aaqqissussanut angalaneq atortarpaat, sulinngiffeqarnissamullu annertuumik annaasaqaatigisarlugu. Angallannikkut avinngarusimasumi inissisimasut pitsanngorsaaffiginissaannut misissuisoqarnissaa kaammattuutigineqassasoq allaaserisamilu ilanngunneqassasoq piumasarineqarpoq. Tunngavilersuutigineqarluni avinngarusimasumi najugallit ullut arlerlugit allaat angalasariaqartarput illoqarfinnilu assigiinngitsuni unnuisariaqartarlutik.

Siunissami timersortarneq eqqarsaatigalugu kattuffinniit kissaatigineqarpoq nunat saniligut assigalugit, soorlu Island, meeqqat tamarmik timersorsinnaanerannut periarfissinneqassasut, pisortaniillu tapeeriaaseq allarluinnaq atorlugu peqataatinneqassasut, assersuutigalugu meeqqat inuuia atorlugu kommunimit tapertinneq, kiisalu pissakinnerusunut annerusumik aningaasanik taperneqarluni timersorsinnaanissaanut oqartussanik ikiorsiisoqassasoq.

B.

Siunissami unammeriaatsit

Siunissami unammeriaaseq allanngorlugu ineriartortinneqassappat nalunaarusiami una ilanngunneqarnissaa kissaatigineqarpoq:

Nunatta isorartunera peqqutigalugu peqatigiiffiit suminngaanneernertik aallaavigalugu assigiinngitsorujussuarnik nikingangaartunillu aningaasartuuteqartarput, sualumik avinngarusimasuni najugaqartuni. Taamaammat siunissami unammeriaaseq allannguuteqassappat, nalunaarusiami allanneqarsimasut saniatigut ilanngukkusunneqarpoq peqatigiiffiit assigiimmik akiliisalernissaat misissuiffigineqassasoq. Taamaaliornikkut sinerissami unammiaaernerit aamma assigiinngitsuni ingerlanneqarsinnaalissagaluarmata, soorlu kangiani, avinngarusimanerusuni il.il. Taamaalilluni aamma nuna tamakkerlugu timersornikkut ineriartorneq siammasinnerulersinnaammat.

Aammattaaq sinerissami arsaattarfiit ivigaaraasanik qallerneqarsimasut atorluarneqarnerulissappata Air Domes (qulisamik arsaattarfiit) eqqarsaatigineqarnerusariaqarput, taamaalilluni ukioq kaajallallugu isikkamik arsaanneq ingerlanneqarsinnaassammat timersuutinillu allanik aamma multi-iunerusunik atorneqarsinnaassalluni. Taamaaliornikkut timersortarfiit atuisunik assigiinngiaarnerusunik atorneqalissagaluarmata, arsaattarfiit isikkamik arsaattunik atorneqalerpata. Ukioq kaajallallugu isikkamik arsaalluni unammiaaernerit periarfissaqarnerulissagaluarmata.

Fremtidsfinanseringsmodeller: Forbundit tamarmik siunnersorpagut budget-ilioqqullugit killeqanngitsunik, soorlu takorluukkamik nalinganik budget-iliornissai – taamaalilluni forbundit GIF-imut nassiussigunik killeqanngitsunik pisariaqartitaat paasissagaluarpagut. Aningaasartuutit qanoq amerlatigisarnersut pisariaqartinneqaraluanersut piviusoq eqqortoq ugartornissaanut, taamaalilluni GIF naalakkersuisumut qanoq aningaasat amerlatigisut atorneqassanersut paasineqassagaluarpog. Tunngavilersorluarneqarsinnaanera uani ugartorneqassasoq.

Kattuffiit ilannguisa atorfissaqartissinnaagamikku GIF-imiit tapersersortinneqarnera, ingammik kattuffiit minnerit allaffissortumik sulisoqanngitsut ikorfartorneqarnerunissai.

C.

Siunissami aningaasalersuisarneq

Nunani allaniit aningaasaliissutinik aamma ujartuinissaq, kiisalu nunani allanit unammiartitsineq taamaalilluni aningaasanik sipaarutaasinnaasunik ujartuinissaq aamma misissuiffigineqarnerusinnaavoq. Kommunini tapiissutit assigiinngitsorujussuupput, taakkualu assigiissarneqarnissai suliniutigineqassasoq kissaatigineqarpoq.

D.

Elite Sport Greenland-imi unammillernartut

Allaaserineqartumi ilanngunneqarusuppoq nunatut annertunerusumik elite-mik ineriartortitsissagutta politikikkut eliteidræt eqqarsaatigalugu politikkeqarnissaq. Aammattaaq elite-mi annertuumik anguniagaqassagutta professional-iusumik nunatsinni internationalimik aqqissuussinissaq nukitsorsarneqartariaqartoq allaaserisami ilanngunneqarusuppoq. Timersornermut aningaasaliissutit annertunerusumik qaffaaffigineqarnissaat allaaserisami ersarittumik allassimanissaa kissaatigineqarpoq.

Timersorneq eqqarsaatigalugu politikikkut eqqummaarinnerunissaq akisussaaffimmillu annerusumik tigusinissaq siunnersuutigineqassasoq allaaserisami ilanngunneqarnissaa kissaatigineqarpoq.

Attaveqatigiinneq eqqarsaatigalugu nunatut nukittunerusumik elite-qalernissarput eqqarsaatigalugu nittarsaassinerusariaqarpugut tapersersuinerunissarlugu ugartorneqassasoq piumasarineqarpoq.

Annerusumik nunatsinni nuannaartorisagut saqqumilaartinnerusariaqarnissai ilanngoqquneqarpoq. Aammattaaq allaaserisami ilanngoqquneqarpoq ajugaanissamut succes-eqarnissamullu pisinnaatitaaffeqartariaqarluta. Qallunaatut ima allaqqavoq: synliggøre heltene meget mere. Det skal være tilladt at vinde og have succes.

E.

Siunissami kommunit tapiisernerisa aaqqissuuteqqinneqarnissaa

Nalunaarusiami kommunit tapiissutaanut takussutissiaq allaaserineqartut nutaanngitsuusut maluginiarneqarpoq arlallillu atorunnaarnikuullutik allanngornikuullutillu. Taamaattumik eqqortunik nalunaarusiami kommunit tapeeriaasii allassimasoqarnissaat aaqeqquneqarpoq.

Kommunini tapeeriaaseq "først til mølle" atorneqannginnissaa nalunaarummi allanneqassasoq kissaatigineqarpoq, tassami assersuutigalugu peqatigiiffiit ukiup naajartornerani unammersuariartartut, soorlu taekwondo, ajoraluartumik tapiissutinik ilaanni killilimmik taperneqartariaqartarput kommunimi timersornermut ukiup naalernerani tapiissutissatut illikartitat nungulluinnalersimmammata.

Namminersorlutik oqartussanit kommuninut tapiissutit tunniunneqartartut kommunip timersornermut illikartittagai eqqarsaatigalugit allatut aaqqiisoqarnissaanik misissuisoqarnissaa kissaatigineqarpoq. Assersuutigalugu kommunini assigiinngitsuni timersornermut tapiissutit GIF-ikkoorlugit tunniunneqartalissagaluarpata qanoq periarfissaqartinneqarnissaanik misissuisoqarnissaa nalunaarusiami allassimanissaa kissaatigineqarpoq.

F.

Nammineq kajumissutsiminnik suliaqartartunut atugassarititat

Nammineq kajumissutsiminnik suliaqartuugaanni, sungiusaasuugaanni, peqatigiiffilerigaanni, kattuffilerigaanni timersortaraanniluunniit sulinngiffeqartarnermi annaasaqaatigissanngikkaat ersarinnerusumik allanneqarnissaa kissaatigineqarpoq.

Kajumissutsimik suliaqartoq, sungiusaasoq, aqutsisoq il.il. borgerligt ombud-itut nalilerneqartariaqarnersoq inatsisartutigut eqqartorneqarnissaa inassutigineqarpoq. Kajumissutsimik suliaqarneq nunatsinni annertunerujussuarmik naleqartinneqarnissaa nalunaarusiamittaaq allanneqassasoq kissaatigineqarpoq.

Kajumissutsimik suliaqarneq unammillernartumiitillugu nalunaarusiami allaanerusumik misissuilluni misiliinissamillu ujartuisoqarnissaa allassimassasoq kissaatigineqarpoq. Assersuutigalugu sungiusaasut akissarsiaqartinneqartarnerat ujartuiffigineqarsinnaasoq misilittaaffigineqarsinnaasorlu siunnersuutigineqarnissaa kissaatigineqarpoq. Assersuutigalugu nunat saniligut, soorlu Island, taama iliortartoq.

Suliffeqarfinni nammineq kajumissutsiminnik suliaqartut annerujussuarmik naleqartitsinerusariaqarput, taamatuttaaq kajumissutsimik suliaqarneq suliffeqarfiillu imminnut qaninnerusariaqarput ersarittumillu kajumissutsimik suliaqartartunut suliffeqarfiit politikkeqartariaqartut nalunaarusiami ilanngoqquneqarpoq.

G.

Timersornermi aaqqissuussinerni angallannikkut aningaasartuutit pillugit aaqqissuusseqqinnissaa

Timersortartut eqqarsaatigalugit nunatsinni angallannermi servicekontrakt pitsaanerusoq eqaannerusorlu ujartuiffigineqartariaqartoq nalunaarusiami allaqqanissaa kissaatigineqarpoq. Aamma kinguaattoortoqartillugu timersortartorpassuit eqimattanngorlutik angalasartut (grupperejser) angallannikkut kipiluttunartumik inissisimasarput, ullullu arlerlugit kinguaattoornermi kingulliunneqartarlutik. Assigiimmik atungassaqartitsinissaq ujartuiffigineqassasoq kissaatigineqarpoq. Aammattaaq timersortartut nuna tamakkerlugu angalanerminni unnueqqaanngikkaluarluni sumiiffimmiit sumiiffimmut apuuttarnissaat kissaatigineqarpoq, tamannalu nalunaarusiami allassimassasoq kissaataavoq.

Nalunaarusiami ersarissarneqaqquneqarpoq peqatigiiffipassuit aningaasanik ilungersorlutik katersuiniartartut angallannikkut kinguaattoortoqartillugu imaluunniit sila allatigulluunniit peqatigiiffimmi nammineq pisuussutiginnngisamik angalasinnaajunnaartoqartillugu aningaasat utertinneqarsinnaaneq ajorput, taamaalilluni kajumissusertik atorlugu nukippassuit aningaasanik katersuiniarluni atorsimasatik annaasarpaat. Taamatut pisoqartarnera nalunaarusiami allaqqanissaa kissaatigineqarpoq.

AWG-mut peqataasarneq orniginartinneqarpoq, ajorluartumilli kattuffinnut annertuumik aningaasartuutaasarpog taannaavorlu AWG-mut ukiuni kingullerni peqataasarnerup annikillineranik kinguneqartoq. Taamaattumik kissaatigineqarpoq AWG-mut peqataanissamut Kattuffiit akiliisarunnaarnissaat ujartuiffigineqassasoq nalunaarusiami allanneqaqquneqarpoq. Naalakkersuisut tamakkiisumik AWG-mut tapiissuteqartalerpata kattuffiit Europamut nunanullu allanut angalanerusalnissaat qulakkeerneqarsinnaavoq, timersornikkullu ineriartorneq annertunerusoq angujartuaarneqarsinnaasoq upperineqarpoq.

H.

Inatsisini attuumassuteqartuni nalimmassaanissaq nutarterinissarlu

Allamik ilanngussassaqanngilaq.

I.

Timersornermi sanaartornikkut atugassarititat (idrætsfaciliteter)

Illup iluani silamilu timersuutit siunissami periarfissaqarnerulernissaat misissuiffigineqassasoq aamma piumasarineqarpoq, timersuutimmi nutaat allallu ineriartortut ilaatigut aporfeqarsinnaasarpog timersuutigisartik timersortarfinnut naleqquttumik peqannginnertik, tamannalu timersuuterpassuarnut ineriartorfiusinnaagaluartoq aporfinngortarpoq timersortarfinnik naleqquttunik periarfissaqartitsisoqanngimmat.

Inussiarnersumik inuulluaqqusillunga

Claus Nielsen

Siulittaasoq

Timersogatigiit Kattuffiat

Inuussutissarsiornermut, Niuernermut, Aatsitassanut, Inatsisit Atuutsinneqarneqarnerannut Naligiissitaanermullu Naalakkersuisoqarfik

Tusarniaanermut akissut, uunga tunngatillugu: Timersornermut suleqatigiissitap timersorneq pillugu nalunaarummut tunngatillugu tusarniaanermut akissutaa

Inuussutissarsiornermut, Niuernermut, Aatsitassanut, Inatsisinik Atuutsitsinermut Naligiissitaanermullu Naalakkersuisoqarfiup tusarniaanermut allakkat Timersornermut suleqatigiissitap timersorneq pillugu nalunaarummut tunngatillugu tusarniaanermut akissutaanut tunngasut nassiunneqartut qujaruppai, imatullu oqaaseqaatissaqarpoq:

Siunissami timersornermut politikkissamut naligiissitaanerup isiginiarneqarnissaa qulakkeerniarlugu aaqquissuussaasumik periuseqarnissaa pisariaqarpoq, matumani politikkimi sammisat tamarmik kikkulluunniit, suaassuseq, kinguaassiornermut sammiviit, inuiaassuseq, utoqqaassuseq, innarluuteqarneq inuiaqatigiinni tunuliaquttat apeqqutaatinnagit assigiinnik periarfissaqarnissap siuarsarnissaa eqqarsaatigalugu isumaliutigineqassallutik. Naalakkersuisoqarfik tamanna tunngavigalugu inuiaqatigiinni timersornerup siuarsarneranik sulissuteqarnermi naligiissitaanerup qulakkeernissaanut periusissanik ataasiakkaanik innersuussuteqarpoq:

1. Paasissutissat misissueqqissaarnerillu suaassutsinut agguataarsimasut

Timersornermi eqimattat assigiinngitsut qanoq peqataasarnersut paasisimasaqarfiginiarlugu paasissutissanik suaassutsinut agguataarsimasunik katersineq misissueqqissaarnerlu. Peqataanermi, isumalluutiniq agguasarnermi atortorissaarutinullu periarfissani assigiinngissutsit paasissallugit pingaaruteqarluinnarpoq. Paasisat tamakku atorlugit equngasut aaqqinneqarsinnaapput aamma kikkunnulluunniit assigiimmik periarfissaqartitsinissaa qulakkeerneqassalluni.

2. Malittarisassat anguniakkallu peqataatitsisut

Siunissami timersornermi naligiissitaanissaa qitiusumik anguniarneqartariaqarpoq. Tamatuma kingunerisaanik suaassutsinut ikinnerussuteqartunut annertussusiliisoqarnissaa kisitsisinilluunniit anguniagassaliisoqarnissaa pissusissamisuussaaq. Matumani pineqarput arnat, niviarsiaqqat aamma aqutsisuni, peqataasartuni sungiusaasunilu kiisalu timersortartuni pikkorinnerpaani ikinnerussuteqartut.

3. Aningaasaqarnikkut tapiissutit isumalluutillu

Aningaasat isumalluutillu angutit arnallu akornanni naligiissumik agguataarneqartarnerisa qulakkeerneqarnerisigut naligiissitaaneq siuarsarneqarsinnaavoq. Aamma suliniutinut suaassutsini ikinnerussuteqartunik timersornermi timilu aalatillugu sammisaqarnerni peqataanerulersitsiniartunut aningaasanik immikkut ittunik pilersitsinissaa pingaaruteqarpoq.

4. Sungiusaasunngorniarneq aqutsisuunerlu

Sungiusaasunngorniarniit aqutsisunillu pikkorissartitsinerni peqataatitsinerup naligiissitaanerullu siuarsarneqarnissaasa qulakkeernissaat. Assersuutigalugu arnat sungiusaasut aqutsisullu amerlanerit maligassiuisinnaapput kulturimillu tamat peqataanissaannik tapersersuisumik siuarsaallutik.

5. Erseqqissaaneq paasititsiniaanerlu

Paasititsiniaanernik timersornermi naligiissitaanermik kultureqarnissamik kajumissaaarisunik ingerlatsinerit. Paasititsiniaanerit tassaasinnaapput stereotypinut unammillersitsisut aammalu

suaaassuseq, kinguaassiornikkut sammiviit tunuliaquttallu apeqqutaatinnagit timersornerup tamanut sammisassaanerani siuarsaasut.

6. Timersortarfinnut periarfissaqarneq periarfissallu

Timersortarfiit angutit arnallu pisariaqartitaannut naleqquttumik periarfissaanissaasa ilusilersorsimanissaasalu qulakkeernissaat. Piffissat sungiusarfiusut inillu suaassutsit akornanni naligiissumik agguataarnissaat aamma tassani qulakkeerneqarsinnaavoq.

7. Aalajangiiniarnermi arnanik peqataatitsineq

Timersornermi naligiissitaaneq timersornermut kattuffinni aqutsisuni aamma timersorneq pillugu politikkiliornermi aalajangiiniarnermi suaassutsini ikinnerussuteqartut peqataatinnerisigut qulakkeerneqarsinnaavoq. Tamat sammiviisa pisariaqartitaasalu sammineqarnissaat tassuunakkut qulakkeerneqassapput.

8. Assigiinngisitsinermit malersuisarnernillu akiuineq

Timersornerup silarsuaani suaassutsit tunngavigalugit assigiinngisitsinerit nikanarsaallunilu tiingaffiginninnerit akiorniarlugit malittarisassanik kingunerititassanillu erseqqissunik pilersitsineq. Timersornerup silarsuaani kikkulluunniit tikilluaqqusaasutut misiginissaasa toqqissisimanissaasalu qulakkeernissaannut tamanna pingaaruteqarlunnarpoq.

Suliniutit taakku piviusunngortinniarnersigut siunissami timersornermut politikki naligiissitaanermik siursaaqataasinnaavoq timersornerlu kikkulluunniit peqataaffigisinnaasaattut ineriartorfigisinnaasaattullu unammiaarfiunissaa qulakkeerlugu.

Tamakku saniatigut Naalakkersuisoqarfik allanik oqaaseqaatissaqanngilaq.

Inussiarnersumik inuulluaqqusillunga

Inuussutissarsiornermut, Niuernermut, Aatsitassanut, Inatsisit
Atuutsinneqarneqarnerannut Naligiisitaanermullu Naalakkersuisoqarfik
Departementet for Erhverv, Handel, Råstoffer, Justitsområdet og Ligestilling

Peqqissutsimut Naalakkersuisoqarfik

Peqqissutsimut Naalakkersuisoqarfik (PN) sinnerlugu nassiunneqarsimasut atuarnikuuakka imatullu oqaaseqaatissaqarpugut.

Nalinginnaasumik oqaaseqaatit:

PN-ip nalunaarummi pissutsit pingaarutillit arlallit maani nunatsinni timersornermi periarfissanut, unammillernartunut ineriartortitsisinaanermullu periarfissanut tunngasut eqqartorneqarneri pingaartippai.

Nalunaarummili tamat timersornerisa peqqissutsitigut inuiaqatigiinni, pingaartumik meeqqanut inuusuttunullu pitsaasumik sunniutaat itisilernerqartuugunik pitsaassagaluqisoq isumaqarpugut. Matumani akornutit

meeqqat inuusuttullu timersornermut peqataanissaannut aporfiusinnaasut pillugit misissueqqissaarnissamut pisariaqartitsineq pineqarpoq, tamannalu pingaaruteqarlunnassagaluarpoq. Atugarliortunut aningaasaqarnikkut unammillernartut, angallassinikkut periarfissat killillit timersortarfinnullu periarfissaqannginnerit annertuumik aporfiusinnaapput. Taamaattumik meeqqat inuusuttullu maannakkut timersornermut peqatigiiffinni peqataanersut pillugit paasissutissanik ilanngussinissaq misissueqqissaarnissarlu kiisalu taakku qanoq amerlisinneqarsinnaaneranut anguniagassiinissaq pisariaqarsinnaapput. Taamaattumik aaqqiissutissanik suliniutinillu, aporfinnik taakkunannga iluarsiinnaasunik timersornermillu ingerlataqarnissamut periarfissaqarnerulersitsisussanik qitiutitsisoqarnissaa innersuussutigaarput.

Timersornermik ingerlatat uppersaatissaqarluartumik timikkut tarnikkullu peqqissutsimut iluaqutaasa isiginiarneqarnerulernerisigut timersornerup pingaernerutinnera tassungalu isumalluutinik amerlanerusunik nuussinert inuiaqatigiit angusaannut pitsaasunut sunniuteqaqataasinnaaneranikk tunngavilersueqataasinnaavoq.

Naggasiutigalugu pitsaaliuinnermut immikkoortortaq Paarisa kiisalu Inuuneritta III-mit tunaartarisat naapertuuttut (2020-2030-mi Naalakkersuisut meeqqat inuunerinnerulernissaannut periusissiaat) nalunaarummi ilanngunneqarnissaat innersuussutigissavarput. Nalunaarummi suliaasaqarfimmi nuna tamakkerlugu periusissianit akuerineqareersunit immikkoortut anguniakkallu ilanngunneqaralarunik nalunaarut tamakkiisumik isiginnissagaluarpoq.

Meeqqanut Inuusuttunullu Naalakkersuisoqarfik

Meeqqanut Inuusuttunullu Naalakkersuisoqarfik sinnerlugu Timersornermut Suleqatigiissitaq timersorneq pillugu nalunaarummik tusarniaanermut akissutaanut qutsavigerusuppara.

Siullertut nalunaarusiassinut meeqqanik inuusuttunillu ilanngussisimanissi pingaaruteqassusaannik nersualaarusuppassi. Meeqqat inuusuttullu atuarfinni isiginiarneqarnerulernissaat/peqatigiiffiit timersornermi peqataanerulernissaat kiisalu meeqqat inuusuttullu timersorneranni pinaveersaartitsinermit tunngasut pingaartinneqarlutik ilanngunneqarsimapput.

Meeqqanut Inuusuttunullu Naalakkersuisoqarfik nalunaarusiamut ataasiinnarmik oqaaseqaatissaqarpoq. Oqaaseqaat tassaavoq nalunaarummi timersornermi inuit innarluutillit qanoq periarfissaqarnerisut erseqqissarneqassaaq.

Tamatuma saniatigut innersuussutigissavarput inaarutaasumik nalunaarut Naalakkersuisumut ingerlateqqinneqartinnagu kukkunersiorneqarnissaa nalunaarutillu inissitsiternera qulakkeerneqassasut.

Naalagaaffinngornissamut Nunanullu Allanut Naalakkersuisoqarfik

Naalagaaffinngornissamut Nunanullu Allanut Naalakkersuisoqarfiup tusarniaanermut allakkanut nassiunneqartunut tusarniaanermullu akissuteqarsinnaanermut qujavoq. Naalagaaffinngornissamut Nunanullu Allanut Naalakkersuisoqarfik annertuunik oqaaseqaatissaqanngilaq, oqaatigerusulluguli suleqatigiissitap nunarsuarmi nunarput erseqqinnerulersinniarlugu timersornerup pingaaruteqassusaanik erseqqissaanera, allatullu Elite Sport Greenlandip 2021-25-mut periusissiamini Kalaallit Nunaata nunani tamalaani timersortartunik qulakkeerisinnaaneranik, nunani tamalaani qaffasinnerpaani angusaqarnissamik timersornermullu politikkip nunatsinni inerisaanermut sunniutaasa pitsaasut erseqqissarnissaannik anguniagaqarnera nuannaarutigalugu.

Tilioq Inuit Innarluutillit Oqaaseqartartuat

"Nunatsinni timersornikkut unammillernartut, periarfissat siunissamilu inerisagassat pillugit timersorneq pillugu suleqatigiissitap nalunaarutaa" pillugu tusarniaanermut akissut.

Inuit innarluutillit illersuisuat Tilioq ulloq 6. oktober 2024 "Nunatsinni timersornikkut unammillernartut, periarfissat siunissamilu inerisagassat pillugit timersorneq pillugu suleqatigiissitap nalunaarutaa" pillugu oqaaseqaqqussummik tigusaqarsimavoq. Tusarniaanermut akissuteqaateqarnissamut periarfissinneqaratia qujavugut. Inuit innarluutillit illersuisuattut tusarniaaneq manna FN-ip Inuit innarluutillit pillugit Isumaqaatigiissutaat aallaavigalugu nalilersorpara.

Nunatsinni timersornikkut unammillernartut periarfissallu pillugit nalunaarummut oqaaseqarusuppugut uppersarsarlugulu nalunaarut nunatsinni timersornermut suliassaqaarfiup ineriartortinnissaanut siunnersuutunik pingaarutilinnik inuiaqatigiinni ataatsimut isigalugu atugarissaarnerulernermut peqqissutsimullu iluaqutaasinnaasunik imaqartoq. Inuit innarluutillit imaluunniit piginnaasakillisimasut imaluunniit peqataatitsineq pillugit allassimasut annikippat erseqqinnatillu; amerlanertigut anguniagassatut taaneqarlutik. Taamaattumittaaq nalunaarummi innersuussutini inuit innarluutillit aamma ilanngunneqarnissaasa qulakkeernissaanut pisariaqartitsineq erseqqissarusupparput, taamaalilluni nunatsinni timersorneq innuttaasunut tamanut neqeroorutivinngorniassammat tamannalu aningaasaliinikkut iliuuseqarnikkullu nalunaarummi ilanngunneqarsinnaajumaarpoq.

Inunnik innarluutilinnik innarluutillillu kattuffiik peqataatitsineq

FN-ip Inunnut innarluutilinnut ataatsimiititaliaata innersuussutigaa inatsisiliornerni politikiliornernilu taakkulu atuutilersinneqarnerini inuit innarluutillit taakkunungalu sinniisut kattuffiit ingerlaannartumik peqataatinneqartassasut. Taamaattumik Tiliup innersuussutigaa periusissatut iliuusissatullu pilersaarummi qanoq innarluutillit kattuffii soqutigisaqartullu allat timersornermut suliassaqaarfiup ineriartortinneqarneranut ilanngunneqassanersut erseqqissarneqassasq. Tassuunakkut inuit eqqugaanerpaasut tusarniarneqartarnissaat aalajangiinernullu sunniuteqaqataasarnissaat qulakkeerneqassaaq.

Tamat timersorneranni peqataatitsineq, inissaqartitsineq tikikkuminassuserlu

Tamat timersornerat qanoq pingaaruteqarnersoq nalunaarummi erseqqissarneqarpoq, tassunga ilanngullugit sammisassat inuiaqatigiinni kikkulluunniit peqataanissaannut siuarsaasinnaasut. Tiliup tamat timersorneranni siunissami suliniutini erseqqissumik ilaatigut timersortarfiit sammisassallu inunnut timikkut paasinnittaatsikkullu innarluutilinnut periarfissaanissaannut anguniakkanik ilaqassasut innersuussutigaa. Tamanna timersortarfinnik atorneqarsinnaasunik pilersitsinikkut,

atortunut immikkut ittunut aningaasaliinikkut kiisalu kajumissutsimik sungiusaasunut ikiortinullu, innuttaasut immikkut pisariaqartitsisut pisariaqartitaannik isumaginnissinnaasunut tapiissuteqarnikkut anguneqarsinnaavoq.

Inunnut piginnaasakillisimasunut timersornerup Innarluutilinnullu OL-imut timersornerup ineriartortitsinissamut tapiissutit

Tiliup nalunaarummi timersortartut pikkorinnerpaat piginnaasanillu ineriartortitsinerup isiginiarneqarneri naammagisimaarpai, kajumissaarutigaluguli nunatsinni inunnut piginnaasakillisimasunut timersornermik ineriartortitsinissaq aamma salliutissagaat. Tamanna assersuutigalugu nunap immikkoortuini inunnut innarluutilinnut suleqatigiinnik pilersitsiniarluni aamma innarluutilinnut timersornermi unammiaaarnerni peqataanissamut periarfissanik pilersitsiniarluni Elite Sport Greenlandimik kommuninillu attuumassutilinnik suleqatigiinnerulernissamik suliniuteqarnikkut pisinnaavoq.

Aningaasalersuineq aamma tapeeriaatsit

Maluginiarparput timersornermut aningaasalersuineq tapeeriaatsillu nalunaarummi innersuussutini annertuumik pineqartut. Tiliup siunnersuutigaa nunatsinni timersornermut aningaasalersuinnermi innarluutillit timersornerannut aningaasanik ilanngussisoqassasoq timersortarfiillu tamanut naleqquttunngorlugit ilusilersorneqassasut, taamaalillutik inuiaqatigiinni innuttaasunut tamanut timersorneq inooqataanerlu tapersersorneqassallutik. Tamatuma saniatigut peqataatitsinissamut tikikkuminartuunissamullu missingersuutitigut immikkoortit erseqqinnerusut qulakkeersinnaassavaat timersoqatigiiffiit timersortartut immikkut pisariaqartitsisut – aammali allat kikkulluunniit inissaqartinnissaannut aningaasaqarnikkut periarfissaqarnissaat.

Inunnut innarluutilinnut timersorneq aqutigalugu tarnikkut peqqissuunissap atugarissaarnissallu isiginiarneqarneri

Timersornerup tarnikkut peqqissutsimut iluaqutai nalunaarummi erseqqissarneqarput. Inunnut innarluutilinnut ulluinnarminni akornutinik nalaataqakkajuttartunut timersorneq ataatsimoornissamut kinaassutsimillu misigisaqarnissaannut aamma naleqarluartuusinnaavoq. Taamaattumik siunissami timersornermut suliniutini atugarissaarneq tarnikkullu peqqissuseq siuarsarniarlugit inunnik innarluutilinnik peqataatitsinissat ilanngunneqarnissaat innersuussutigaarput. Amerlasuunut timersorneq aamma piginnaanngorsarnertut piginnaanngorsaqqinnertulluunniit attatissallugu pingaartinneqarsinnaavoq.

Tamat timersornerannut inuillu innarluutillit pikkorinnerpaat timersornerannut suliniutit pitsaannerusut

Tiliup nunatsinni tamat timersornerat pikkorinnerpaallu timersornerat inunnut innarluutilinnut ineriartortinneqarsinnaalluartoq takusinnaavaa. Nunatsinni innarluutilinnut timersoqatigiiffittut timersornermi peqataatitsineq qanoq isumaqarsinnaanersoq takutippaa, tassanili sammisassat taamaatitsinerit isumalluutillu amigaatigineqarneri pissutigalugit killeqakkajuttarput. Taamaattumik timersornikkut neqeroorummik, meeqqanut inuusuttunullu innarluutilinnut sammisumik siammasinnerusumik suliniuteqarnissaq pingaaruteqarluinnarpoq, tassami timersoqatigiinnerit atugarissaarnerulernissamut imminullu mattunnerup imminullu naleqartippiannginnerup pinaveersaartinnissaanut iluaqutaasinnaammata. Tamat pikkorinnerpaallu timersornerannut inissaqartitsisumut alloriarneq inuiaqatigiinnitsinnut annertuumik sunniuteqassaaq minnerunngitsumillu isummat pigiliutiinnakkat, pimmatiginninnerit, peqataatitsinnginnerit

annikillisarnissaannut annertuumik sunniuteqassapput – inuiaqatigiit assigiinngisitaartuunermi nukittuffinnik isiginiagaqartut amerlanerusunik isumalluutissaqarput.

Tiliup inunnut innarluutilinnut pikkorinnerpaanut timersornerup pingaaruteqassusaa aamma erseqqissarusuppaa. Nunani tamalaani unammiaaarnerni soorlu Paralympiske Legemi (PL) peqataaneq periarfissaavoq annertooq, inuiaqatigiit inuit innarluutillit qanoq angusaqarsinnaanerat pillugu isumaannik allannguisinnaasoq – timersornermi aamma ataatsimut isigalugu inuunermi. Tiliup PL-imut ataatsimiititaliami attaveqarfissat ingerlateqqinnikuuai ingerlateqqikutsoorsinnaallugillu takusinnaallugulu periusissamik timersornikkut neqeroorutini sungiusarnernillu inunnut innarluutilinnut sammisunik amerlanerusunik pilersitsisinnaasumik ineriartortitsisoqarsinnaasoq. Siunissami periusissiami innarluutillit timersuutaannut suliniutinut aningaasalersuineq ilanngunneqassasoq, taamaalilluni nunarput PL-ini nunaniluunniit tamalaani pissartanngorniunnerni assingusuni peqataalluarniassammat.

Inuit innarluutillit timersuutaannut nuna tamakkerlugu patajaatsumik suliniuteqarnissaq inuit innarluutillit pillugit isumaqatigiisummi timersorsinnaanermut timersortarfinnullu inuttulli allatulli periarfissaqarnissamut piumasaqaammik naammassinnissinnaanissamut pisariaqarpoq,

Aningaasalersuineq

Tiliup Inuit innarluutillit pillugit isumaqatigiissutip 2024-2034-p malinneqarnera pillugu iliuusissatut pilersaarut pillugit tusarniaanermut siusinnerusukkut akissut innersuussutigaa. Nalunaarummi matumani timersornermi inissaqartitsinissamut, tamat pikkorinnerpaallu timersornerannut inuit innarluutillit ilanngunniissaannut suliniuteqarnissamut kiisalu tikikkuminassutsimut tamanullu naleqquttumik ilusilersuinissamut tunngatillugu isumalluutit pisariaqartinneqartut pissarsiarineqarnissaasa qulakkeernissaannut aningaasaqarnikkut allaffissornikkullu aningaasartuutit allaaserineqarneri ilanngunneqassasut innersuussutigaarput. Ataatsimut isigalugu aningaasaqarnikkut tunngavissamik amigaateqarneq suliniutit pilersaarutigineqartut piviusunngortinnissaannut ajornakusuulersitsisinnaavoq. Inunnut innarluutilinnut sammisumik aningaasalersuinissamut tunngasut erseqqinngippata aamma siunertat pitsaasut taakku tamakkiisumik piviusunngortinneqanngitsoorsinnaapput.

FN-ip Inuit innarluutillit pillugit isumaqatigiissutaannik tamanullu naleqquttunik ilusilersuisarnermik ilitsersuineq

Inuit innarluutillit pisinnaatitaaffii pillugit isumaqatigiisummi ilinniartitsinerup sammivinni tamani ilanngunneqarnissaa pingaaruteqarluinnarpoq – aamma timersornermut suliassaqarfimmi. Tassuunakkut pisinnaatitaaffiit atorfilinnit paasilluarneqassapput peqataatitsinerusumillu periuseqarnissamut iluaqutaassalluni. FN-ip Inuit innarluutillit pillugit isumaqatigiissutaanik paasisimasaqalernerneq aamma ataqatigiissaarinnermut suleqatigiinnissamullu pisariaqartitsinermut tunngaviit ilinniarteqarfinni ilinniartitseqqiffiusunilu ilaatinneqartariaqarput. Isumaqatigiissut naapertorlugu pitsaanerusumik peqataatitsinikkut Nunatta pisussaaffimminik naammassinnissinnaanera qulakkeerinnittumik anguneqarsinnaappat ilinniagaqarsimasut akornanni naammassinnissinnaasoqarnerulissaaq. Inunni immikkuullarissumik assigiinngitsunik innarluutilinnut tikikkuminarsaaneq, peqataatitsineq, attaveqatigiinneq aamma akuersaarneqarnermi pisariaqartitsinerit akkutarineqarnerisigut, sungiusaasut, kattuffiit aamma sulisorineqartunit ikiuisinnaaneq tulluarnerusoq isumaqarluarnerusorlu anguneqarsinnaavoq. Tamanna Namminersorlutik Oqartussanut siunnersuutigaarput suliniutini aamma ilanngunneqarnissaat,

aamma pikkorissartitsinerit atorneqarnerisigut, taamatuttaaq aamma siammasinnerusumik tunngaveqarluni.

Tamat ornittagaanni, timersornikkut ingerlatsivinni, pisortatigoortumik tamani suliniutini, FNip isumaqatigiissutaanik siammarterneqarneranut ilinniartitsinerni tamanullu naleqquttunik ilusilersuisarneq ilanngullugu piviusunngortitsinissanut aningaasaliissuteqartoqartariaqarpoq. Taamaalilluni tamat orninneqarsinnaaneritut timikkut avatangiisit aamma digitalitigut suliaqartarnerni nalimmassaanerit annertuumik pitsanngortinneqarsinnaapput – taamaalilluni inuit isiginiarnikkut tusaasaqarniarnikkullu ajornartorsiuteqartut inuiaqatigiinnut tamakkiisumik peqataatinneqarnissaat anguneqassammat. Tamakku tunngaviatigut periutsit ilanngunneqarpata nammanneqarsinnaasumik peqataatitsinermi FNimi isumaqatigiissut Nunatsinnit innuttaasunut innarluutilinnut tamanut atuutinneqarnissaa qaninnerulersitsissaaq, taamaalilluni tamatsinnut iluaqutaassalluni. Tamatumunnga isumaqarpugut tamakku matumani nalunaarummi ilanngunneqartariaqartut.

Ataqatigiissaarinermut suleqatigiinnissamullu pisariaqartitsineq

Naggasiutigalugu Tiliup Ilinniartitaanermut, Kultureqarnermut, Timersornermut Ilageeqarnermullu Naalakkersuisoqarfimmi inuit innarluutillit timersornerannut suleqatigiissitamik pilersitsisoqassasoq innersuussutigaa. Suleqatigiissitat Inuit Innarluutillit Oqaaseqartartuannik suleqateqartariaqarpoq inunnut innarluutilinnut timersornikkut neqeroorummik attanneqarsinnaasumik aaqqissuussaasumik pilersitsinissamut soqutigisaqartut, tassunga ilanngullugu tamanut naleqquttumik ilusilersuinerimut siunnersuineq aamma amerlanerusut timersornermi peqataasinnaanissaannut timersortarfinnik pitsanngorsaaneq.

Naalakkersuisut nunatsinnilu timersoqatigiiffiit timersornerup peqataatitsinerulernissanut, inissaqartitsinissaanut tamanullu periarfissaanissaanut suliniuteqarnissaannut qilanaarpugut.

Akissuteqarnissamut killigititaq

Isornartorsiussavarput tusarniaanerup killissarititaata sivikippallaarnera, maleruagassammi nalinginnaasumik sap.ak. sisamanik killissaqarnissamik innersuussaqaqartarmata. Tilioq isumaqarpoq siunnerfeqartumik allaaserisat sukumiisumik piffissaqarluartumillu suliarineqartariaqartut.

Naggasiineq

Tilioq tusarniaanerimut oqaaseqaateqarsinnaanerimut periarfissinneqarnini qujassutigivaa suleqatigiissitallu sulinerata ingerlaqqinnerani oqaaseqaatit saqqummiunneqartut tusarniarneqarumaartut.

Asannittumik inuulluaqqusillunga

Anja Hynne Nielsen

Inuit Innarluutillit Oqaaseqartartuat – Handicaptalsmand

Anti Doping Grønland

Nassuiarnera:

Anti Doping Grønland pillugu GIF-ip kissaatigaa inatsit attuumassuteqartoq allanngortinneqassasoq.

Anti Doping Grønland – Nunatsinni Pissassaatinik Akiuisut ataatsimiitsitaliaat 2016-imi pilersinneqarpoq, timersorneq pillugu inatsit aalajangiunneqarpoq, tassani Timersoqatigiit Kattuffiat ataatsimiitsitaliamut sullissinissaminut piareersimasassasoq aalajangiunneqarpoq.

Pissassaatinik atuisoqannginnissaanik suliniuteqarneq illugiinnik marlunnik siunertaqarpoq. Siullermimmi pikkorivissut timersortartuuginnartullu akornanni tunngaviusumik naleqartitat erseqqissarneqaannaratik aamma paasissutissiinikkut, isiginneriaatsinik sunniuteqarsinnaanissaq, ilisimatusarnerlu ineriartortitsivigineqartariaqarnerat siunniunneqarami.

Illuatungaanilu pisassaatinik atuisoqannginnissaa qulakkeerniarneqarlunilu misissuiffigineqartarnissaa iliuuseqarfigineqartariaqarmat. Taamaattumik 300.000 kr iliuseqarnissamut misissuisarnikkullu pinaveersimatitsinissamut, aammalumi akissarsiaqartitsinissamut ataatsimiitsitaliallu ingerlanneqarnissaanut atugassanngortitsisoqarpoq. Aporfiusussalli immikkooruteqarlutillu sanngiissutaat makkua taagorneqarsinnaapput:

- Aningaasaqarneq killiliisorujussuuvoq
- Pissassaatinik atuisoqarnanilu atornerluisoqarnissaanut misilittagaqarfigineqanngilaq
- Pisariaqartinneqartut suunersut ilisimaneqanngillat pisassaatililu atornerlunneqarnerinik ilisimasaqarneq annikippallaarujussuarluni
- Misissuisartussatut ilinniarsimasoqanngilaq
- Nakkutilliisartussallu qaammammut sisamariarlutik suliaqartartussaapput (ADD aamma WADAmik piumasaqaatit) suliasallu ADGmi taaneqartut suliarisinnaanissaannut piumasaqaatit makkuupput:
- Inatsisitigut tunngaviusoq (Kalaallit Nunaat, Danmark, nunanilu tamalaani) – Nalunaarsuutitik nakkutilliisoqarfiup, Datatilsyn-ip piumasaqaatai takukkit
- Ingerlatassatut piumasaqaatit ADD-millu suleqateqarnissamut isumaqatigiissuteqarneq
- Ilinniartitaaneq ingerlatassatullu piumasaqaatit
- Atortut
- Norgemi pissassaaitortoqarsimanerani misissueqqissaartarfimmik suleqateqarneq (misissueqqissaarneq)

- Iliuseqarfissat nassuiarneqarneri aammalu ingerlatassat annertussusaasa inissisimaffii
- Allatseqarfittut ingerlataqarnissaq (nassuiaaneq, atassusiineq, aningaasaqarneq)

Timersorneq timigissarnerlu pillugit Inatsisartut inatsisaat nr. 15, 6. juni 2016-imeersumi inatsisini ukunani GIF allannguutissatut siunnersuuteqarpoq:

§ 21, imm. 2, nr. 1-7, imm. 3 – 4

§ 22, nr. 1 – 3, imm. 2 – 5

§ 23, nr. 1 – 2, imm. 2 – 4

§ 24, imm. 2 – 3

§ 25, imm. 2 - 4

Suleqatigiissitap ilisimavaa Anti Doping Grønland pillugu Namminersorlutik Oqartussani suliaq ingerlanneqartoq, taamaalillunilu suliaq Suleqatigiissitap immikkut suliatut ingerlannissaanut annertunerusumik itilisaaffiginagu. Taamaattoq Suleqatigiissitap Anti Doping Grønland pillugu suliami ingerlanneqartumi malinnaavoq, Suleqatigiissitallu nalunaarusiaata naammassinerata tungaanut suliaq pillugu ilisimatinneqartarpoq. Suliaq naalakkersuisoqarfinni attuumassuteqartunit piareersarneqarpoq taamaalillunilu Inatsisartunit aalajangiiffiqineqartussaajumaarluni.

Innersuussut:

Anti Doping Grønland pillugu inatsisip attuumassuteqartup allanngortinneqarnissaa pillugu GIF-ip kissaataa naapertorlugu naammassineqarnissaa Suleqatigiissitap innersuussutigaa

A. GIF aamma ESG Periusissiaat / strategi

GIF-ip periusissiaa:

Nunarsuarmi timimik aalatitsinerpaaq

Periusissiaq 2024 – 2027

Eqqarsaatit iliuusinngorlugit

Timersoqatigiit Kattuffiat

1.0 Siunertaq ilisaritinnerlu

1.1 Aallaqqaasiut

1.2 Takorluugaq anguniakkallu

2.0 Killiffissiorneq

2.1 Periusissiaq 2020 - 2023 – Anguniagarput aqutigalugu nuna katersuutsissavarput

3.0 Aalasa Ataatsimeersuarneq 2023

3.1 Siunertaq anguniagarlu – eqqarsaat iliuusinngorlugu

3.2 Periusissiaq anguniagarlu

4.0 Amerlanerit aalanerulersillugit – Timersortartut akisussaaffininnerat

Iliuuseqarfissaq 1: AHKN (Atuarfinni aalatitsineq)

Iliuuseqarfissaq 2: Innarluutillit timersornerat

Iliuuseqarfissaq 3: Ataatsimoorluta Aalasa

Iliuuseqarfissaq 4: Game Greenland

Iliuuseqarfissaq 5: Suliffeqarfiit Aalasut

5.0 Ilaasortat kattuffiat – Timersorneq takorluugarlu katersuuffigalugit

Iliuuseqarfissaq 6: Kajumissuseq

Iliuuseqarfissaq 7: Inatsisilerineq inatsisillu

Iliuuseqarfissaq 8: Piginnaanngorsartitsineq

Iliuuseqarfissaq 9: Attaveqatigiinneq

Iliuuseqarfissaq 10: Takorluugaq pillugu aallartitaqalernissap anguniarnissaa

Iliuseqarfissaq 11: Pisoqartitsineq

6.0 Peqatitsialak – suleqatigiinneq iliuseqartitsilertarpoq

Iliuseqarfissaq 12: Timersornerulernissamut timersortarfiit

Iliuseqarfissaq 13: Kommunit suleqatillu allat suleqatigineri

7.0 Periusissiaq ukiumoortumik pilersaarusiortfigalugu

1.0 Aallaqqaasiut

Kalaallit Nunaanni Timersoqatigiit Kattuffiat 2030-imut takorluukkatut periusissiasamik pilersitseqaarneraniit ukiut sisamat qaangiutereerput. Timersoqatigiit Kattuffiat ukiuni taakkunani ineriartorsimaqaaq angusarissaarsimallunilu. Sulilu pitsanngorsaaqqissinnaavugut taamaaliorusullutalumi.

Periusissiap aallartisarnerani suleqatigiinneq ilisimasaqarnerulernissarlu aallutarisimavagut, ingerlassimasagullu tamarmik taakkuninnga aallaaveqarsimapput. Nunami inissisimanerput pitsaanerulersissimavarput takorluukkatullu anguniakkamut peqataanissaq sulisunut, kattuffinnut, kommunenut nunatsinnilu innuttaasunut tamanut peqataatitsinissaq annertunerulersissimallugu.

Periusissiap immikkoortuani siullermi ingerlaaserisimasagut eqqumaffiginiakkagullu sisamaasut aallavigisarsimavagut, taamaasillutalu kattuffitsinniittunut ilaasortatsinnullu suleqatiginnittoqarnerulersitsisimalluta.

Periusissiap immikkoortuata tulliani ingerlatilikkatsinni, 2024-imiit 2027-imut ingerlanneqartussami, isumassarsiatsialaat isumaqatigiissutillu ataqatigiinnerulernissaat iliuseqarnerillu nikeriarfiusarnissaat eqqumaffiginerusussaavagut, suleqatigisatta allaffissornikkullu ingerlatatta akornanni ingerlalluortoqarniassammat. Inuiaqatigiinnilu peqataasut, soorlu ilinniarnarup tungaatigut, aammalumi ilisimatusarnerup soqutisaqaqatigiillu akornganni suleqatigiittoqarnissaa eqqarsaatigalugu. Avatangiiserissaarnerit toqqammaviulluartussaapput, Timersoqatigiit Kattuffiata tamatigoortumik inuiaqatigiinnilu inissisimalluarnera atorluarlugu sul pitsaanerumik attaveqalertariaqaratta – sumiiffinni inuiaqatigiinnut, nunap immikkoortuini nunalumi tamakkerlugu iluaqutaasinnaangortillugu. Ukiunilu aggersuni piviusunngortitsinerit iliuseqarnerillu eqqumaffigineqartussaapput.

Atuarluarina!

1.2 Takorluugaq anguniagarlu

Timersoqatigiit Kattuffiata takorluugaraa 2030-imi Kalaallit Nunaanni innuttaasut nunarsuarmi timimik aalatitsinerpaanngornissaat. Periusissiap siulliup ingerlanerani nassuaatigineqarpoq ukiuni siullerni sisamani takorluugaq anguniarlugu qanoq sulissanersugut, timimik atuinikkut inuiaqatigiit timikkut isumaliortaatsimikkullu peqqinnerulernissaat anguniagaalluni.

Inuiaqatigiit inuuneq tamaat timiminnik atuilluartuunissaat anguniagaraarput. Taamaattumillu inuup inuunerminik atugassarisai assigiinngitsut eqqumaffigineqartussaapput; meeraaqqerivimminneraniit, meeqqerivimmiinneranut, atuarfimiinneranut, suliffeqarfinnut, ilinniarninnut, sunngiffimmi aallutassanut kiisalumi utoqqalinerup nalaani timimik atuisarnissaq pineqarput. Aalanerulersitsinikkut, timimik atuinerulersitsinikkut peqatigiisitsinikkullu inuiaqatigiinnik

nukittunerulersitsinissarput upperaarpur, inuillu ataasiakkaat inuunerissuunissaanniit atugassaqartitaaneritut periarfissaat ilanngullugit.

Nunarsuarmi Timimik Aalatitsinerpaanngornissamik takorluuinnermigut Timersoqatigiit Kattuffiat inuiaqatigiinni annertuumik allannguinnermik pilersitsissagaluarpog, isumaqarpugullu timersorneq timimillu aalatitsinerit allannguinnermut sakkussatsialaasut. Takorluukkatsinni ukua anguniarpagut:

- Kalaallit Nunaanni amerlanerit timiminnik atuinnerulissapput
- Peqatigiinni aalatitsiffiusuni amerlanerit peqataalissapput
- Inuiaqatigiinni innuttaasut, inuussutissarsiutillit, pisortallumi assigiinngitsut suleqataallualersinnaapput piujuartitsinerusumillu ineriartortisilerlutik

Iliuuseqarfissat sisamat 2020 - 2023

Periusissiap immikkoortuani siullermi iliuuseqarfissat sisamat pingaarnertut iliuuseqarfigineqarsimapput ukiuni 2020-2023, taakkualu tamarmik anguniakkatut takorluukkamut toqqammaviliilluarsimapput.

1. Meeqqat inuusuttullu timiminnik atuinnerulernissaat
2. Kajumissutsimik suliaqarneq annertusarlugu
3. Ingerlatassat ineriartortinneri annertusillugit assigiinngiaarnerulersillugillu
4. Aalanerulernissamut timersorfiusussanik atortoqalernissaq

Timersoqatigiit Kattuffianni ilisimavarput, anguniakkatut takorluugarput iluatsilluassappat inuiaqatigiit tamarmiullutik iliuuseqarnissaat pisariaqartoq. Soqutigisaqatigiit suleqatigisallu peqatigalugit sulinnermut aallaavissanik suliaqarsimavugut, iliuusissatsinnut tamanut atuuttussanik ima suleriuseqarluta:

- Peqatigiilluta kivitseqataassaagut
- Takussaalluarnissaq
- Iliusissat aaqqissorluakkat
- Peqataatitsineq suleqatigiinnerillu
- Sumiiffimmi akuliutsitsineq
- Ilisimatusarneq misilittagarilikkallu

2.0 KILLIFFISSIORNEQ

2.1 Periusissiaq 2020 - 2023

Periusissiaq 2020 - 2023 Timersoqatigiit Kattuffiat timersornerup tungaatigut politikkip sammivilerneqarnissaanut siunnersuuteqarpoq taamaasillunilu *Nunarsuarmi Timimik Aalaffiunerpaanngornissaq* anguniarlugu takorluukkamut toqqammavissaqarlualernissaq pilersillugu.

Sivisuumik sulinerup kingunerisaanik periusissiorortoqarpoq, peqatigiiffilerisut, inuussutissarsiortut, kommunet, suliffeqarfiit kattuffiilu peqataatillugit.

Periusissiaq ilusilersorneqarpoq ataatsimeersuarnermi *Qilusa 2019*-imi soqutigisaqatigiit assigiinngitsut innersuussutaat aallaavigalugit suliarineqarluni.

Timersoqatigiit Kattuffianni ineriartortitassatut ingerlatassanut periusissiaq sammiviliisimavoq, aammali ilutigisaanik ingerlatat aallunneqarluartut ingerlaannarnissaat ineriartortinnissaallu peqatigiiffiit kattuffiillu peqatigalugit suliarineqarsimapput, kiisalu atuisunut kajumissutsimillu aallutaqartitsisunut naleqalersitsimallutik.

Suleqatigiinnissamut isumaqatigiissutit arlallit pilersinneqarsimapput, soorluttaaq kommunet tallimat akornganni pingasut suleqatigiinnissamik isumaqatigiissusiorfigineqarsimasut, taamatuttaaq UNICEF Grønland suleqatigineqalersimavoq minnerunngitsumillu kattuffigut arlallit isumaqatigiissusiorfigisimallutigit.

Anguniakkatut takorluukkat 2019-imi ataatsimoorussamik aallartisarneqarneranniit Timersoqatigiit Kattuffianni tulluarsaanerit annertuut pisimapput, suliassanullu eqqumaffiginninnissaq ataavartumik tulluarsaaffigineqarlunilu allanngortinneqartarsimavoq.

Inaarutaarumik oqaatigineqarsinnaavoq suliniutit iliuserisallu ingerlallualersimasut, suliniutilli iliuutsillu aamma ilaqarput aallartisarfimmiittunik, taakkuami piffissap sivikinnerusup iluani ingerlanneqalersimagamik.

Suliassamut ilaapput eqqumaffigisassat suliniutillu misilittagaqarfigilernissaannut uppersaateqalernissamullu piffissamik atuiffeqqaagassanik, taamaattumik-una uani killiffissiorfimmi aallunneqarsimasut killiffissiorneqarnatillu naliliiffigineqarsimanngitsut.

3.0 AALASA ISUMASIOQATIGIINNEQ

3.1 Siunertaq anguniagarlu

Isumasioqatigiinnerup Aalasa 2023-ip siunertaraa periusissiap immikkoortuisa siulliup 2020 – 2023 inernerisimasai saqqummiunneqarniassammata aammalu periusissiap immikkoortuiata nutaap piffissami 2024 – 2027 ingerlanneqartussap sumik imaqarnissaa saqqummiunneqarlunilu eqqartorneqartussaammat.

Eqqarsaatini eqqartorneqartunilu aallaavigineqarput eqqumaffigisassat innersuussutillu periusissiap immikkoortuata siullianeersut. Iliuserineqartussaasullu timitalersorneqarnissaat eqqumaffigineqartussaapput, taamaasiornikkut 2030-imi Nunarsuarmi Timimik Aalaffiunerpaanngornissamut tapertaallutillu immersueqataatitsisussaassammata.

Isumasioqatigiinneq – Timersoqatigiit Kattuffiata 'Nunarsuarmi Timik Aalaffiunerpaanngornissamik Anguniagaqarnera' aallaavigalugu aaqqissorneqarpoq – takorluukkallu nuna tamakkerlugu katersuuffiunissaa pineqarpoq, periusissiallu ukiuni 2024 – 2027 killiffiusoq aallaavigalugu isummorsorfigineqarnissaa anguniarneqarsimavoq.

3.2 Periusissiaq anguniakkallu 2024 - 2027

Nunarsuarmi Timimik Aalaffiunerpaanngornissamik anguniagaqartutut takorluugaqarneq ukioq 2020 pinngorpoq, Kalaallilu Nunaat nunarujussuummat periarfissarpassualik suleqatigut peqatigalugit timersorneq aqutigalugu ataatsimoornermik, peqqinnerulernermik, minnerunngitsumillu toqqissisimanartumik peqataatitsisumillu pilersitsiffiusinnaammat. Suleqatigisagut

peqatiginngikkutsigit angusarissaarnissaq angusinnaanngilarput, taamaasillutalu Kalaallit Nunaanni kikkut tamarmik aalanerulersillugit nunarsuarmi nunani tamani aalanerpaanngornaviarnata.

Taamaattumik Kalaallit Nunaanni Timersoqatigiit Kattuffiata inissisimaffigaa, inuiaqatigiinni pititsisuussalluni, taamaasillunilu inuiaqatigiinni timersorneq aqutigalugu ineriartortitsinermut peqataasinnaassalluni.

Kalaallit Nunaanni Timersoqatigiit Kattuffiata periusissiaa anguniakkanik annertuunik pingasunik aallaveqarpoq ukuusunik:

- Amerlanerit aalanerulersillugit
- Ilaasortat kattuffiat
- Nukittuutut suleqataanissaq

4.0 Anguniagaq 1: Amerlanerit aalanerulersillugit – Timersortartut akisussaaffininnerat

Kalaallit Nunaanni Timersoqatigiit Kattuffiata amerlanerit timimik atuillutik inuunerisa nuannersortaanik misigisoqarnerulernissaa kissaatigai – ulluinnarni sunngiffimmilumi. Anngussiffiginiakkat iliuuseqarnerulernissaa anguniarneqassaaq ullumikkummi iliuuseqartoqarpallaartanngikkuni susoqarneq ajormat. Timimik aalatitsinngittoqartanera ajornartorsiortitsilersinnaasarpog assigiinngisitsinermillu pilersitsisarlu, suleqatissallu tulluuttut peqatigalugit aqqiissutissat nassaarineqarsinnaalluarput, taamaasilluni innuttaasunut qaninnerulerlunilu nuna tamakkerlugu iliuuseqartitsisoqarluni.

Inuit arlaqartut killilimmik timiminnik atuisinnaanerisa ajornartorsiutaanera, inuiaqatigiinni aalajangersimasumik inissisimanermik tamanna aallaaveqarsinnaasarpog. Kalaallit Nunaat timersornerup tungaatigut timimillu atuinerup tungaatigut taamaasillunilu peqqinnerup tungaatigut nunatut maligassiuisuussaaq. Allatut oqaatigalugu; iliuuserisani timersorneq timimillu aalatitsinissaq pingaartinneqassapput.

AHKN (Atuarfinni aalatitsineq)

Kalaallit Nunaanni Timersoqatigiit Kattuffiat iliuuseqataaenermigut atuarfinni sumiiffinnilu meeqqat inuusuttullu atuarfinni/timersoqatigiiffinnilu peqataanerulernissaannut ikiorseeqataassaaq, kiisalu kommunit peqatigiiffillu akornganni suleqatigiinnerulernissamut ikiuutissalluni, taamaasilluni atuarfiit peqatigiiffillu akornganni suleqatigiinnerulersitseqataassalluni.

Innarluutillit timersornerat

Kalaallit Nunaanni Timersoqatigiit Kattuffiat inuit timiminnik killilimmik atuisinnaalersimasut imaluunniit ineriartortitsinissaminnut pisariaqartitsisut timersornerup silarsuaanut peqatigiiffinnullu peqataanerulerlutik nuannaarnerulernissaannut ikiuutissaaq, taamaasillunilu inuiaqatigiit avatangiiserissaarnerulernissaannut, kajumissutsimillu ikiuuttunik sungiusaasunillu piukkunnarsaasoqarnissaanut ikiuutissaaq, inuit ataasiakkaat pikkorissillutillu ineriartorsinnaalerniassammata.

Ataatsimoorluta Aalasa

Timersoqatigiit Kattuffiata meeqqat pisinnaatitaaffiik timersoqatigiit peqatigiiffiini akulusimanerulersitsissaaq – taamaasillunilu meeqqat inuusuttullu inuunerissuunissaannut

pitsaanerpaamik atugassaqartitaanissaannut aqutissiuqataalluni. Kalaallit Nunaanni timersorneq peqatigiiffeqarnerlu, peqatigiinnermik pilersitsisarpoq, meeqqat inuusuttullu kinaassuseqarnerannut iluaqutaasumik, inoqatinullu attaveqarsinnaanermik ineriartortitsilersumik kinguleqartarluni. Taamaasilluni aalaneq, pinnguarneq inoqatinillu aallusseqateqarneq aqutigalugit peqatigiittunik katersortitsisoqarsinnaassammat.

Kalaallit Nunaanni Timersoqatigiit Kattuffiat peqateqarluni iliuuseqarnermigut meeqqat suli amerlanerit siunissami timersornermikkut timiminnik atuinerulernissaat, taamaasillutillu timikkut isumaliortaatsikkullu peqqissumik inuuneqalersinnaanissaat anguniarpaa.

Game Greenland

Kalaallit Nunaanni Timersoqatigiit Kattuffiat peqateqarnermut ilaliilluni meeqqat inuusuttullu periarfissaqarnerulernissaannut iliuuseqataasussaavoq, akisussaaffimmillu tigusinissaannut inuiaqatigiinnullu akuliukkusunnerulernissaannut aqutissiuusseqataassalluni, GAME Greenland sumiiffinni kajumissutsiminnik iliuuseqarnissaminnut nukissalinnik peqataatitsilertussaavoq.

Suliffeqarfiit Aalasut

Timersoqatigiit Kattuffiat timersornerulernissamut aalanerulernissamullu sunniuteqarluarsinnaavoq suliffeqarfinni sulisunik pikkorissaanissaminik neqerooruteqartarnermigut.

Kalaallit Nunaanni Timersoqatigiit Kattuffiat timikkut peqqinnerulernissamut tunngasutigut ilisimannittoqarnerulernissaanut suliniaqataassaaq, timimik atuinerulernerup iluaqutaaneranik ilisimanninnerulertoqarnera iluaqutaassammat, aamma isumaliortaatsikkut peqqinnerulernissamut, taamaasilluni timikkut isumaliortaatsikkullu peqqinnerulernissamik paasinnittoqarnerulerneran ingammik suliffeqarfinni malunniutissaaq, tassami timimik aalatitsinngippallaarnerup kingunerisaanik uisarusernerit napparsimanerillu pequtigalugit sulinngitsoortarnernut sunniuteqartussaassammat.

5.0 Anguniagaq 2: Ilaasortat kattuffiat – Timersorneq takorluugarlu katersuuffigalugit

Timersoqatigiit Kattuffiat Kalaallit Nunaanni kattuffiit kajumissutsimik ingerlanneqartut annersaraat, siullertut pingaarnertullu ”ilaasortat kattuffigaat”. Imaappoq Kalaallit Nunaanni Timersoqatigiit Kattuffiat, pingaarnersugassat iliusissallu ilaasortanut iluaqutaasussat pillugit aalangiigaangami akisussaaffimmik tiguisartoq.

Taamaattumik Kalaallit Nunaanni Timersoqatigiit Kattuffiata anguniagaraa, kattuffiit timersoqatigiiffiillu kattuffeqanngitsut akornganni sunniuteqartarnissaq.

Kajumissuseq

Kalaallit Nunaanni Timersoqatigiit Kattuffiat ilaasortassarsiornermi, ilaasortat ilaasortaaginnarnissaannut aammalu timersornerup silarsuaani kajumissutsiminnik suliaqartut ineriartortinneqartarnissaannut pitsanngorsaaqataasussaavoq, taakkununga ilanngunneqartussaallutik sungiusaasut aqutsisut ikiortillu iliuuseqarfigisarnissaat, taakkuami peqatigiiffeqarnermi tunngaviulluinnartumik sunniuteqartarmata, peqatigiiffinnullu peqataasoqarsinnaaneranut toqqammaviulluinnartarput taamaasillutillu anguniakkap peqataaffigineqarnissaanut tapertaasussaallutik.

Inatsisilerineq inatsisillu

Kalaallit Nunaanni Timersoqatigiit Kattuffiat eqqarsaqatigiittarnissaq anguniarlugu inatsisitigullu inatsisilerinermullu tunngatillugu ataqatigiissaarisooqarnissaanik isumaginnittussaavoq, ingammik qitiusumik kattuffiup, kattuffiit, peqatigiiffiit, kommunellu akornganni. Timersornerup tungaatigut atugassarititaasunut aaqqissuussaanernullu taakkua sunniuteqarmata.

Piginnaanngorsartitsineq

Kalaallit Nunaanni Timersoqatigiit Kattuffiat ineriartortitsisunik aaqqiissuteqartarluni ingerlatsinissamik qulakkeerisassaaq, taamaasilluni timersornerup tungaatigut kajumissutsiminnik suliaqartut ikorfartorlugillu tapersersortussaassallugit taakkua sumiiffimminni kajumissutsiminnik timersoqatigiiffinni akisussaasuunissaminnut periarfissagissaarniassammata, allaffissornikkullu ingerlatassatigut peqatigiiffilerineq oqinnerusumik ingerlanneqarsinnaanngortissallugu.

Attaveqatigiinneq

Kalaallit Nunaanni Timersoqatigiit Kattuffiat kattuffiit aammalumi peqatigiiffiit kattuffeqanngitsut, suleqatigisallu akornganni attaveqatigiittoqarnissaanut ikiuuttussaavoq, iliusissanik aallartitsisarnermigut, aammalumi kissaatigineqartut attaveqatigiilluarnissamullu pisariaqartinneqartut aallaavigalugit.

Takorluugaq pillugu aallartitaqalernissap anguniarnissaa

Kalaallit Nunaanni Timersoqatigiit Kattuffiata suleqatissatut piukkunnaatillit peqatigalugit isumassarsianik piorsaanissaq maligassiuisunillu peqalernissaq anguniarlugu 2030-imi anguniakkatut takorluukkamut takoqqusaarusiornissaq anguniarpaa. Maligassiuisoqalernissaanut toqqammaviusussanik peqalernissaq siunertaalluni, soorlu videoliornikkut, allagartaliornikkut, allagartarsualiornikkut aammalu innuttaasut attaveqaataatigut siammarterneqarsinnaasunik. Iliuseqarnikkut suleqateqarnissamut isumaqatigiissusiortarnissat ataatsimoorussamik anguniarneqarput, taamaasilluni suli amerlanerit kajumissutsiminnik suliaqarsinnaalerniassammata, maligassiuisullu takoqqusaarutiginerisigut taamatut suliaqartut ataqqiniarneqarneri malunnartillugu.

Pisoqartitsineq

Kalaallit Nunaanni Timersoqatigiit Kattuffiata suleqatigisatik peqatigalugit isumassarsiassanik piorsaanissaq, nutaanillu atuutsitsilernerit (nunanit allanit) nunaluunniit tamakkerlugu pisoqartitsisarnarit aqqutigalugit nuannersunik misigisaqartitsisarnissaq anguniarpaat, taamaasilluni pisoqartitsinerit amerlanerit pitsaanerusullu peqataasunut aaqqissuisunullu pilersinneqartarsinnaassammata. Periuseq taanna peqatigiiffiit kattuffiat, imaluunniit peqatigiiffiit kattuffeqanngitsut, kommunit, Namminersorlutilluunniit oqartussat, minnerunngitsumillu angalanissamut piareersaasut qanimut suleqatigalugit suliarineqartussaapput.

6.0 Anguniagaq 3: Peqatitsialak – suleqatigiinneq iliuseqartitsilertarpoq

Takorluugaq angussagaanni kommunit Kalaallit Nunaanniluunniit suleqatigissallugit piukkunnaateqartut peqatigalugit ataqatigiissaakkamik suleqatigiinnissaq pisariaqarluinnarpoq. Taamaasilluni Kalaallit Nunaanni Timersoqatigiit Kattuffiata misilittagai malillugit suleqatigiinnissamut isumaqatigiissuteqarneq suleqatigiilluarnissamut toqqammaviulluartaarpoq, suleqatigiinnermilu paaseqatigiilluarnissamut qulakkeerinnittarluni.

Kalaallit Nunaanni Timersorneq aqqutigalugu kommunet, suliffeqarfiit, innuttaasullu akornganni ataqatigiittoqalernissaa Timersoqatigiit Kattuffiata anguniagaraa, nunarpummi Nunarsuarmi Timimik Aalatitsiffiunerpaangornissaanut ataqatigiinnissaq pisariaqarlunnartuuvoq.

Timersornerulernissamut atortussat

Kalaallit Nunaanni Timersoqatigiit Kattuffiata timersuutitigut atortussakilliornerup annikillisarneqarnissaa sulissutiginiarpaa, innuttaasut amerlassusaat, suaassusaat ukiulu aallaavigalugit assigiinngissitaarnerit naapertorlugit porsaasoqarsinnaaniassammat.

Kalaallit Nunaanni Timersoqatigiit Kattuffiata kommunit Namminersorlutillu Oqartussat peqatigalugit illoqarfinni ineriartortitsinissat tapersersortussaavai, timersornermut atortussa qarluualerniassammat. Timersorfissaq aningaasallu killeqaraluartut pitsaasunik atoruminartunillu tamatigoortunik atorluarneqarsinnaasunik pissarsisoqarsinnaassammat.

Kalaallit Nunaanni Timersoqatigiit Kattuffiata pisortat-suliffeqarfiit namminersortullu suleqatigiillutik timersorfissanik timersornermiluunniit atortussanik pissarsinissaq anguniarlugu aqqutissiuuseqataasussaavoq, kommunillu tamarmik akornganni suleqatigiittoqarnissaa anguniartussaallugu. Kalaallit Nunaanni Timersoqatigiit Kattuffiat misissueqqissaarnermigut siunnersuillunilu ineriartortitsillunilu atortussanik siammartereqaasussaavoq, suleqatigisat peqatigalugit.

Kommunit suleqatillu allat suleqatigineri

Kalaallit Nunaanni Timersoqatigiit Kattuffiata kommunit suleqatissatullu piukkunnaatillit allat peqatigilluinnarlugit, siunertaqartumik suleqatigiinnissamut isumaqatigiissusiortoqarnissaanik ujartuissaaq, iliuuseqarnikkut amerlanerit aalanerulerniassammata, aammalu kajumissutsimik suliniartunut tapertaalluassalluni taamatuttaaq innuttaasut timersornissaannut periarfissaqarnissaq ikorfartuiffigissussaallugu.

ESG-p periusissiaa:

ELITE SPORT GREENLAND PERIUSISSIAA 2021-2025

Anguniagaq

TIMERSORTARTUNIK NUNATTA AVATAANI PEQATAATITSISINNAANISSAMIK QULAKKEERINNINNEQ

Takorluugaq 2023

AVATANGIISERISSAARTUMI PIKKORIVISSUNIK INERIARTORTITAQALERSIMANEQ AQQUTIGALUGU KALAALLIT TIMERSORTARTUT PIKKORIVISSUT NUNATTA AVATAANI QAFFASINNERPAANI UNAMMEQATAALLUTIK UJAMINNATTAQATTAARTUT

Piginnaanerit

ESG NUNATSINNI ILISIMASANIK KATERSIVIUVOQ PIUKKUNNAATILINNIK PIKKORIVISSUNILLU INERIARTORTITSINISSAMUT INERIKKIARTORTITSINISSAMILLU PIMOORUSSAMIK SULLISSISOQ.

Aaqqissuussaaneq

ESG ALLAFFEQARFIMMINNUT PIGINNAANNGORSAATAASINNAASUT AMERLIVAI SOQUTIGISAQAQATI-GIIT PITSAANERPAAMIK SUNNIUTEQARFIGINIARLUGIT, INERIARTORTINNIARLUGIT, SIUNNERSORNI-ARLUGIT AVITSEQATIGINIARLUGILLU.

Sungiusaasutut piginnaasat

ESG ´P SULISSUTIGINIARPAA SUNGIUSAASUT QAFFASINNERPAAMUT INERIARTOQQISSINNAANISSAAT ANGUNIARLUGU ATORFIMMINNI PIGINNAANERTIGUT QAFFAATEQARNISSAT NUNALU TAMAKKERLUGU ATTAVEQATEQARSINNAANISSAANNUT PERIARFISSANIK AMMAASSISUMIK.

Avatangiisit

ESG TIMERSORNERUP SINAACKUSERSORNEQARNERANUT KATTUFFIILLU TIMERSORTARTULLU INERIARTORTINNEQARNISSAANNUT NUKISSANIK TUNNIUSSAQARTARNERMIGUT AQQUTISSIUEQATAAVOQ.

Kattuffiit timersoqatigiiffiillu

ESG TAPERSIISARNISSAMUT PIUMASAQAATIMIGUT KATTUFFIIT TIMERSOQATIGIIFFIILLU INERIARTORTINNEQARNISSAANNUT TAPERSIISARTUUSUSSAAVOQ.

Timersornermi avatangiisit

ESG ´P SULINIUTIGERUSUPPAA PIUKKUNNAATILLIT PIKKORIVISSULLU ATUGARISSAARUTEQARNERULERNISSAAT.

Timersornikkut politikki

TIMERSORNERMI POLITIKKEQARNIKKUT ESG AKUERISAMIK SIUNNERSUEQATIGISANNGORSIMASOQ, PIKKORIVISSUNUT NUNAP ILUANI AVATAANILU.

Politikkikkut sunniuteqarneq

ESG ´P NUNATUT INERIKKIARTORNERMI TIMERSORNIKKUT POLITIKKIP PITSAAQUTAI ERSARISSARNIARPAI.

Suleqatigiiaat

ESG ´P SULINIUTIGERUSUPPAA SULEQATIGIILLUARSINNAASUNIK PEQARTOQALERNISSAA, PIGINNAASALINNIK PIKKORIVISSUNILLU INERIARTORTITSINERMI TAPERTAASINNAALLUARTUSSANIK.

Periutsip naleqartitai

Aaqqissuussaannermi naleqartitat

TUNNIUSIMANEQ QASUJAASSUSERLU NUKIUSSAPPUT PERIUTSIMIK INGERLATSISUT.

”ANGUNIAGAQ ANGUJUMALLUGU ILUNGERSORNIKKUT PIMOORUSSINIKKULLU ANGUSAQARUSUSSUSEQARNEQ ANGUSARISSAARNERMIK KINGUNEQARTITSISARPOQ.”

*"PIUMASSUSEQ PIGAARPUT KULTURIMILLU PILERSITSERUSUPPUGUT PIUMASSUSILLIT
KIKKULLUUNNIIT AKERSUUSSINNAASUT ANGUNIAKKAMINNIK ANGUSAQARLUARSINNAASUT"*

Timersornikkut naleqartitat

PERIUTSIP INGERLANERANI TUNNIUSIMANEQ QASUJAASSUSERLU IMMIKKUT PIUMASAQAATITUT
SAMMINIARPAGUT PIUKKUNNAATILINNIK PIKKORIVISSUNILLU INERIARTORTITSINIARNITSINNI.

*"ANGUNIAGAQ ANGUJUMALLUGU ILUNGERSORNIKKUT PIMOORUSSINIKKULLU
ANGUSAQARUSUSSUSEQARNEQ ANGUSARISSAARNERMIK KINGUNEQARTITSISARPOQ"*

"APORFIIT NIKALLORSAATAASSANNGILLAT AKERSUUNNERLI INERIARTUUTAASUSSAAVOQ"

Periusissiaq 2021–2025

Killiffiit qulequtanngorlugit

Piginnaanerit

Timersornikkut sinaakkusiinerit nukissatigut ESG ´ mit taperserneqartut kattuffinnik timersortartunillu
ineriartortitsinissap iluani

Massakkut killiffik

- Atorfillit 1 1/2
- Timersortartunut ungasissoq,
- Kattuffinni annerunerusumik sulineq nammeneq kajumissutsikkut ingerlanneqartoq.

2021

- Ilisimasani katersivik kattuffimmik taaguusigaq. (Piginnaanertigut, aningaasaqarnermigut, il.il.).

2022

- Anguniagaliullugu ilisimasani katersivittut inerisaanissamut
- Kattuffik sulisussamik ataatsimik ilasimasog.

2023

- ESG piukkunnaatilinnik pikkorivissunillu ilinniartitsinissaminut neqeroorutilik.
(GUX ´ mut, kattuffinnut, sungiusaasunut, Nuna tamakkerlugu timersortartunut
unammersuaqataasartunut, kommunenullu).

2024

- Tarnip pissusaanik ilisimasalinnik, tagiartuisartunillu immikkut isumaqatigiissu-
siorsimanissaq. Il.il.
- Pikkorivissunik ineriartortitsinikkut ESG siunnersuisinnaanngorsimasog.

2025

- Misiliiffiusinnaasussamik aaqqissuussinermik allaaserisaqarpoq.
- Ineriartuutaasinnaasunik aaqqissuussisalersimanerit timersornerup silarsuaanut
piumasaqaatitalersukkanik.

- ESG ilisimasani katersiivittaarsimassaaq

Avatangiisitigut

Timersornikkut sinaakkusiinerit nukissatigut ESG ´imit tapersorsorneqartut katturffinnik timersortartunillu ineriartortitsinissap iluani

Massakkut killiffik

- Timersortartut amerlanerpaartaat misiginarput piginnaasaqaraluarlutik, ingerlariaq-qinnaveeqqasartut, anguniagaqavissortutut anersaaq amigaatigalugu.
- Timersortartut piumassutsimik amigaateqartut.
- Periuseq anguniagalerinikkut amigaataavoq

2021

- ESG suliniummik pilersitsisimavoq nuna tamakkerlugu piukkunnaatilinnik katersuutsitsisalnissaminut timersuutit akimorlugit pisartussamik.
- Piumasaqaatinik pilersitaqarsimanissaaq sungiusaasunut timersortartunullu piukkunnaatilinnut ingerlariaqqitsitsisuusussamik

2022

- Sungiusaasutut timersortartutullu piukkunnaatilinniik pikkovissunngornissamut ingerlariaqqinnissamut paasinninnissamut qaammarsaavigineqarneq.
- Sungiusaasunik qaffasissumut ineriartortitsinissami periusissiaq malillugu sungiusaasunngortussanik ilinniartitsineq.

2023

- ESG ´mi timersortartunik piukkunnaatilinnik ineriartortitsinermi iliuusissamik peqartitsilersimaneq.
- Kommuneni tamani sungiusarnerni avatangiisitigut minnerpaaffilikkamik piumasaqaasior-simaneq.

2024

- Piukkunnaatilinnik sungiusaasuunissaaq pilerinarsarneqarsimasooq ilinniakkatullu aallutissallugu isumalerujussuanngorsimasooq

2025

- Sungiusarfissanik avatangiiserissaartunik timersortartunut nunalu tamakkerlugu sungiusaasartunut pilersitsiortorsimanissaaq.

Timersornermi polikkeqarnikkut

ESG akuerisamik siunnersueqatigisanngorsimasooq, pikkorivissunut nunap iluani avataanilu

Massakkut killiffik

- Kattuffiit nukittuut amerlanngimmata ataavartumik ineriartortitsisoqarsinnaanngilaq.

2021

- ESG ´p isumaqatissarsiortarnermigut politikikkut kinaassutsini nukittorsaavigisimavaa . (avatangiisimigut, aningaasaqarnermigut, nunatullu ineriikkiartornikkut).
- Timersornermut atatillugu angalanertigut aningaasartuutit annikillitinneqarsimapput.

2022

- ESG nuna tamakkerlugu politikikkut suliniuteqarfinnut qanimut attaveqalersimasooq. (Namminersorlutik Oqartussanut, Kommuninut, partiinut, Kalaallit Nunaanni Timersoqatigiit Kattuffiannut il.il.).

2023

- ESG timersornermut tunngassutilinnik politikikkut apeqqutitut tamanut isuma-siorneqartussatut qaaqqusaasarluni.

2024

- ESG nunatut ataatsimuussusermik ineriikkiartortitseqataavoq.

2025

- timersornermut politikki iluani annertuumik oqartussaaqataalluni.

Naleqqat / Anguniakkat

2021

- Siunissami ilisimasani katersivissamut suliniutitigut avatangiisissat aqutsinikkullu periusissani sanareersimanissaq.
- Nunami tamarmi assartuinikkut ingerlatalinnik ataavartussamik imminullu akilersinnaasumik isumaqatigiissusioreersimanissaq.

2022

- Kattuffik piginnaanermik ilaneqarpoq angusassatut piginnaangorsaataajuartussatut toraagassanngorlugu ilisimasani katersivimmik inerisaajuarnissaq.
- Sapinngisamik sungiusaasut tamakkerlutik qaffasinnerpaaffiatigut ilinniakkamik aallarnii-simassapput.

2023

- Timersortartunik ineriartortitsisarnissamut periusissaq ESG ´p ataani pilersinneqareer-simassaaq.
- ESG ´p politikikkut isummersorfissat, timersortartunut pikkorivissunut apeqqutit iluaqusersuutaasinnaasortallit suliaannngortittassavai.

2024

- Piginnaangorsaatisani pisarialinnik ilasisoqarsimassaaq piukkunnaatilinnik pik-korivissunillu ineriartortitsisarnissap tungaatigut qulakkeerinnittuusussani pilersitsisoqarsimassaaq.
- Piginnaangorsaatisarnikkut pilersaarusi tamakkiisumik pilersaarusiortugit ingerlan-neqartalersimassapput annertuumik iluarisimaarnertalimmik.

- ESG nuna tamakkerlugu atuarfinni paasititsiniaanissanik suliniuteqalersimassaaq.

2025

- Ineriartuutaasinnaasunik aaqqissuussisoqartassaaq timersornerup silarsuaanut piunasaqaatitalikkanik.
- ESG namminerisamik ilisimasamik katersivittaarsimassaaq.
- ESG timersortartut nunalu tamakkerlugu sungiusaasuusartut sungiusartarfissaannik pilersitsisimassaaq.
- Tapersiivigineqassaaq piukkunnaatillit pikkorivissullu annertunerusumik tapersiissutitigut aningaasaliissuteqarfigineqartassasut.
- Kommunit Namminersorlutillu Oqartussat sapinngisamik qaffasinnerpaaffianiitillugu piukkunnaatilinnut pikkorivissunillu nukittorsaasassasut.

Inatsisit timersornermut attuumassuteqartut

Inatsit timersornermut attuumassuteqartoq tassaavoq:

- **Timersorneq timigissarnerlu pillugit Inatsisartut inatsisaat nr. 15, 6. juni 2016-imeersoq**

Timersornermut inatsit tamarmiusoq uani takuneqarsinnaavoq:

https://nalunaarutit.gl/groenlandsk-lovgivning/2016/l-15-2016?sc_lang=kl-GL

Inatsisip oqaaseqaataani nalinginnaasuni inatsit ima ilaatigut nassuiarneqarpoq:

Naalakkersuisut isumaqarput timersorneq timigissarnerlu inuiaqatigiit ineriartornerannut annertuumik pingaaruteqartut, tassunga ilanngullugit inuit ataasiakkaat peqqissusiat, ingerlalluarnarat, timikkut, tarnikkut inuuniarnikkullu ineriartornerat. Timersorneq timigissarnerlu taamaalillutik innuttaasut peqqissusiat, ingerlalluarnarat atugarissaarnerallu annertunerulersinnissaa anguniarlugu (inatsimmi) siunertaq pingaaruteqartuusooq.

Timersorneq timigissarnerlu aamma siunertarpassuarnut allanut pitsaasunut iluaqutaavoq, tassunga ilanngullugit katerisimaarnerup ataatsimoornerullu nuannersuuneri kiisalu inuit oqartussaaqataanerannik pilersitsisarluni.

Tamanna isigalugu Naalakkersuisut isumaqarput timersornermi kattuffiit suleqatigalugit pisortani oqartussat akisussaaffigigaat inuiaqatigiinni immikkoortuni tamani timersornerup timigissarnerullu siuarsarnerata qulakkeerneqarnissaa, tassunga ilanngullugit atulersussani tunngaviusumillu atuarfimmi, ilinniarfeqarfinni, sunngiffimmi neqeroorutini, suliffeqarfinni aamma peqqinnissakkut isumaginninnermilu tunngasuni.

Timersorneq timigissarnermullu tunngasut annertuutigut kajumissutsiminnik ingerlatalinnik tunngaveqarlunilu pinngitsuugaqarsinnaanngilaq. Naalakkersuisut isumaqarput immikkoortumi kajumissuseqarnermut tunngasut aalajangiussimaneqarnissaat ineriartortinneqarnissaalu pingaaruteqartoq taamaattumillu isumaqarlutik aamma pisariaqartoq pisortat timersornermi kattuffiit suleqatigalugit timersornermi timigissarnermilu tunngasuni kajumissuseqarlutik suliaqartunut tapersersuisoqarnissaannut pitsaasunillu atukkanik pilersitsisoqarnissaanut kajumissaarissasut.

Timersornermut aamma ilaapput timersornerup ilaa unammilluni timersornermik taaneqartartoq. Unammilluni timersornikkut ingerlataqartut timersuutigisap ataatsip iluani piginnaasamikkut sungiusarnissaminnut periarfissaqartarput unammillerillu aqqutigalugit allanut nallersuussinnaallutik. Unammilluni timersorneq inuinnaat timersornerisa iluanni aamma timersortartut pikkorivissut iluanni ingerlanneqartarpoq marluullutik tapersersorneqartussaaallutik. Naalakkersuisut isumaqarput pingaartoq amerlasuut kiisalu pikkorivissut timersornerat tapersersorneqarpata, tassunga ilanngullugu kalaallit timersortartut pikkorivissut nunani tamalaani timersornikkut aaqqissuussineranni qaffasinnerpaanik peqataasinnaanerat siunertaralugu.

Inatsimmi ilaatigut aalajangersarneqarput:

- Pisortat (Namminersorlutik Oqartussat kommunillu) akisussaaffiisa agguataarneqarneri
- Timersornermut tapiissuteqarnikkut aningaassaliissutit
- Timersoqatigiit Kattuffiannut GIF-imut ukiumoortumik tapiissutit allaffissornermi aningaasartuutitut, sulisut, aqutsisut sungiusaasullu ilinniartitaanerannut, immikkut kattuffinnut (specialforbund) peqatigiiffinnullu ilaasortaasunut ingerlatitseqqinnermut nunani tamalaani unammiaaarnerni aamma nunani tamalaani timersornikkut suleqatigiinnermi peqataanermut tunngaviumik tapiissuteqartarnerit
- Assigisaanillu Elite Sport Greenlandimut ESG-mut aningaasanut inatsimmi ilaatigut timersornermik piginnaasallit timersortartullu pikkorivissortunut siuarsaanissamut ukiumoortumik tapiissutinik aningaassaliissuteqartarnek aalajangersarneqarpoq

Timersornermut attuumassutilinnut - inatsimmi aalajangersakkat saniatigut - tapiisoqarsinnaanera pillugu Namminersorlutik Oqartussat *nalunaarutaat* tassaavoq:

- **Aningaasanoorutit ilaannit aningaasanik agguassisarnek pillugu tapeeriaatsit, tapiiffigineqarnissamut piumasaqaatit il.il. pillugit Namminersorlutik Oqartussat nalunaarutaat nr. 16, 11. maj 2020-meersoq**

Nalunaarut tamarmiusoq uani takuneqarsinnaavoq:

https://nalunaarutit.gl/groenlandsk-lovgivning/2020/bkg-16-2020?sc_lang=kl-GL

Timersornermut attuumassuteqartuni nalunaarummi aalajangersakkat naapertorlugit tapiiffigineqartartut ilaatigut tassaapput:

- Timersornerit tamanit peqataaffigineqarsinnaasut, tassa timersornerup ilaa, timersortartut pikkorinnerit naammassisartagaannit unammisarnerannillu allaanerusunik imaqartoq, innarluutillit utoqqaallu timersorneri ilanngullugit
- Piukkunnaatillit pikkorinnerillu timersorneri tassaatinneqartut timersornerup ilaa, peqatigiiffinni iligiit toqqakkat, nunami timersortartut pikkorinnerpaat, nunanut allanut unammisartut nunallu tamat akornanni unamminernut peqataasartut ingerlassaat

Suliarineqartuni immikkoortoq "C. Siunissami aningaasalersuisarneq" timersornermut aningaasalersuisarneq maanna ingerlanneqartoq pillugu aallaqqaasiullugu nassuiaat aamma atuarneqarsinnaavoq.

Inatsimmi aalajangersakkat ataasiakkaat timersornermut attuumassutillit tassaapput:

Timersorneq timigissarnerlu pillugit Inatsisartut inatsisaat nr. 15, 6. juni 2016-imeersoq

§ 1. Inatsit timersornermut tunngasunut atorneqarpoq, ataasiakkaallu peqqissuunerat, atugarissaarnerat aamma timikkut, tarnikkut inuuniarnikkullu ineriartornerisa unammillersinnaanerisalu nukittorsarneqarnissaat siunertaralugu timersornermik siuarsaassaaq, tassunga ilanngullugu unammilluni timersornermik timigissarnermillu siuarsaassaaq.

§ 2. Inatsimmi matumani timersorneq tassaavoq timigissarniarluni aamma peqqissarniarluni timi atorlugu sammisaqarneq.

Imm. 2. Inatsimmi matumani timigissarneq tassaavoq kaloriat timimi uunneqartillugit imaluunniit inuit ataasiakkaat timikkut atugarissaarnerat peqqinnerallu nukittorsarniarlugu timi atorlugu sammisaqarnerit.

Imm. 3. Inatsimmi matumani sunngiffimmi peqqissarneq tassaavoq tarnikkut, sianissutsikkut timikkullu sammisaqartarneq pilerseqqinniarlugu.

Imm. 4. Inatsimmi matumani unammilluni timersorneq tassaavoq timersornerup ilaa, aalajangersimasunik maleruagassaqarluni ingerlanneqartartoq, taakkunanilu unammineq.

§ 7. Naalakkersuisut aamma kommunalbestyrelsi timersornermi kattuffiit suleqatigalugit inuiaqatigiinni immikkoortuni tamani timersornerup timigissarnerullu tapersorsorneqarnera qulakkiissavaat, tassunga ilanngullugit sulí atualinngitsuni aamma atuarfinni, ilinniarfeqarfinni, sunngiffimmi neqeroorutini, suliffeqarfimmi aamma peqqinnissaqarfimmi inunnillu isumaginnittoqarfinni.

§ 8. Naalakkersuisut aamma kommunalbestyrelsi timersornermi kattuffiit suleqatigalugit timersorneq timigissarnerlu nunami tamarmi kikkunnut tamanut ammanera qulakkiissaavaat, tassunga ilanngullugit immikkut pisariaqartitsisunut siunnerfeqartumik suliniutit tapersorsornerisigut aamma peqataanissamut aningaasaqarnikkut aporfiusut annikillisinneqarnissaannut suliniuteqarnikkut.

Imm. 2. Uku immikkut isiginiarneqarlutillu salliutinneqassapput:

- 1) Meeqqat inuusuttullu.
- 2) Utoqqaat.
- 3) Inuit timimikkut susinnaanermikkut akornuteqartut.
- 4) Inuit immikkut atugarliortut.

Imm. 3. Timersornerup timigissarnerullu tamanut ammasuunera pillugu maleruagassanik Naalakkersuisut aalajangersaasinnaapput, tassunga ilanngullugit immikkut pisariaqartitsisunut siunnerfeqartunik immikkut suliniutit pillugit aamma aningaasaqarnikkut aporfiusut annikillisinneqarnissaannut suliniuteqarnerit pillugit.

§ 9. Naalakkersuisut aamma kommunalbestyrelsi timersornermi kattuffiit suleqatigalugit timersornermut timigissarnermullu tunngasuni kajumissuseqarluni suliaqarnermut kajumissaaralutillu toqqammavinnut pitsaasunik pilersitsillutillu tapersersuissapput.

Imm. 2. Kajumissuseqarluni suliaqarneq pillugu maleruagassanik Naalakkersuisut aalajangersaasinnaapput, tassunga ilanngullugu kajumissusillit pillugit nalunaarsuiffimmik pilersitsineq pillugu.

§ 10. Timersornikkut timigissarnikkullu neqeroorutit assigiinngisitaartut innuttaasunit tamanit atorpeqarsinnaaneritut, neqeroorutigineqarsinnaaneritut ingerlanneqarsinnaanerinullu Naalakkersuisut pingaarnertigut akisussaapput.

§ 14. Timersortarfinnik sanaartornermut, iluarsaassinermut aaqquissuussinermullu Naalakkersuisut tapiissuteqarsinnaapput.

Imm. 2. Imm. 1 naapertorlugu timersortarfinnut aaqqissuussinernullu tapiissutit annerusumik nuna tamakkerlugu nunallu immikkoortuini timersortarfinnut tutsinneqassapput.

§ 15. Kommunimi timersornermut timigissarnermullu assigiinngitsunik neqerooruteqarnermut kommunalbestyrelsi pingaarnertigut akisussaavoq tamatumunngalu anguniakkanik tunngavinnillu aalajangersaassalluni.

Imm. 2. Kommunip illoqarfiini nunaqarfiinilu timersornikkut timigissarnikkullu neqerooruteqarnissamut kommunalbestyrelsi ukiut tamaasa pilersarusiussaaq. Pilersaarut kommunip nittartagaatigut tamanut saqqummiunneqassaaq.

Imm. 3. Naalakkersuisut tamanna pillugu kommunalbestyrelsimik isumasioqateqareerlutik pilersaarutip imm. 2-mi taaneqartup ilusaa imarisaalu pillugit maleruagassanik aalajangersaasinnaapput.

§ 16. Kommunilbestyrelsi timersortarfiit sanaartornerinut, iluarsartuunnerinut aaqqissuunnerinullu tapiissuteqarsinnaavoq.

Imm. 2. Imm. 1 naapertorlugu sanaartornerinut, iluarsartuussinernut aaqqissuussinernullu tapiissutit sumiiffinni timersortarfinnut tapiissutaanerussapput.

Imm. 3. Kommunilbestyrelsi sumiiffimmi ininut silamilu timersorfinnut, timersornermi klubbinit pigineqartunut attartorneqartunulluunniit ingerlatsinermi aningaasartuutitut tapiissuteqarsinnaavoq.

Imm. 4. Kommunilbestyrelsi sumiiffimmi timersornikkut timigissarnikkullu sammisanut tapiissuteqarsinnaavoq, tassunga ilanngullugit sumiiffimmi timersoqatigiiffinnut aamma timersornermi klubbinit tapiissutit.

Imm. 5. Naalakkersuisut tamanna pillugu kommunalbestyrelsimik isumasioqateqareerlutik tapiissutit imm. 1-4-mi taaneqartut pillugit maleruagassanik aalajangersaasinnaapput.

§ 19. Kalaallit Nunaanni Timersoqatigiit Kattuffiat tassaavoq Kalaallit Nunaanni timersornikkut timigissarnikkullu aaqqissugaasumik ingerlataqarnermut nuna tamakkerlugu pisortatigoortumik sinniisoq. Kattuffik pisortatigoortumik Kalaallit Nunaannut, tassunga ilanngullugu nunanut tamalaanut atatillugu sinniisuvoq.

§ 20. Suliffeqarfik imminut pigisoq Elite Sport Greenland tassaavoq timersortartunik pikkorivissunik siuarsaanermi inerisaanermilu Kalaallit Nunaanni nuna tamakkerlugu sulisoq. Kattuffik Kalaallit Nunaanni Timersoqatigiit Kattuffiat peqatigalugu pisortatigoortumik Kalaallit Nunaannut, tassunga ilanngullugu nunanut tamalaanut atatillugu sinniisuvoq.

Imm. 2. Elite Sport Greenland Kalaallit Nunaanni Timersoqatigiit Kattuffiat tassanilu immikkut kattuffiit, timersoqatigiiffiit aamma timigissartarfiit suleqatigalugit siunertaminik tapersersuissaaq, ilaatigut ukununga tapersersuinnermigut:

- 1) timersornermik piginnaasallit timersortartullu pikkorivissut sungiusarnerinut aamma unamminerni peqataanerinut, nunani tamalaani pikkorivissut timersornerini peqataanissamut periarfissamik siuarsaasoq,
- 2) nunani tamalaani timersornermi kingusinnerusukkat peqataanissaq siunertaralugu piginnaasalinnik inerisaaneq,
- 3) pikkorivissut pillugit sungiusaasut ilinniartitsinerillu,
- 4) Kalaallit Nunaanni timersornermi nakorsaanikkut immikkut ilisimasalinnik ineriartortitsineq, aamma

5) pikkorivissut soqutigisaannik isumaginninneq nunanilu tamalaani peqataanissaq siunertaralugu kalaallit nunaanni immikkut kattuffinnik aaqqissugaasumik ineriartortitsineq.

Imm. 3. Elite Sport Greenlandi Naalakkersuisut suleqatigalugit timersornikkut piginnaasaqartunik pikkorivissunillu tapersersuissaaq timersornikkut piginnaasaqartoq pikkorivissorlu timersornermik ingerlataqarnermi saniatigut ilinniarnissamut periarfissaqartillugu.

§ 27. Timersornermut timigissarnermullu aningaasartuutit tamarmik kommunimit akilerneqassapput, aningaasartuutit tamakkiisumik ilaannakuusumilluunniit Namminersorlutik Oqartussanit allaniilluunniit akilerneqartussaasut pillugit erseqqissumik inatsisitigut tunngavissaqanngippat. Namminersorlutik Oqartussat aamma kommunit inatsisitigut pisussaaffiisup suliassat akilerneqarlutik isumagineqarnissaat pillugu isumaqatigiissuteqassapput.

Imm. 2. Kommunit agguarnerisa avataanni immikkoortuni aningaasartuutit, tak. imm. 1, Naalakkersuisunit akilerneqassapput.

§ 33. Inatsisip iluani misileraalluni ingerlataqarnermik siuarsaanissamut tamanna pisariaqartutut isigineqarsinnaappat utaqqiisaasumik aaqqissuussinertut immikkut pisoqartillugu Naalakkersuisut inatsimmi aalajangersakkanik saneqqussisinnaapput.

Imm. 2. Misileraalluni ingerlataqarnermut Naalakkersuisut tapiissuteqarsinnaapput, tak. imm. 1.

Inatsimmut atatillugu Namminersorlutik Oqartussat nalunaarutaanni timersornermullu attuumassuteqartuni aalajangersakkat attuumassutillit ataasiakkaat tassaapput:

Aningaasanoorutit ilaannit aningaasanik agguaassisarneq pillugu tapeeriaatsit, tapiiffigineqarnissamut piumasaqaatit il.il. pillugit Namminersorlutik Oqartussat nalunaarutaat nr. 16, 11. maj 2020-meersoq

Nalunaarut tamakkiisoq uani takuneqarsinnaavoq: https://nalunaarutit.gl/groenlandsk-lovgivning/2020/bkg-16-2020?sc_lang=kl-GL

§ 2. Tamanut iluaqutaasussamik siunertat inatsisitigut aalajangersakkat ima paasineqassapput tassaasut, timersornerit tamanit peqataaffigineqarsinnaasut, innarluutillit utoqqaallu timersorneri ilanngullugit, piukkunnaatillit pikkorinnerillu timersorneri aamma meeqqat inuusuttullu peqatigiiffii, tak. §§ 4-6.

§ 4. Timersorneq tamanit peqataaffigineqarsinnaasoq paasineqassaaq tassaasoq timersornerup ilaa, timersortartut pikkorinnerit naammassisartagaannit unammisarnerannillu allaanerusunik imaqartoq.

§ 5. Piukkunnaatillit pikkorissullu timersornerat paasineqassaaq tassaasoq timersornerup ilaa, peqatigiiffinni iligiit toqqakkat, nunami timersortartut pikkorinnerpaat, nunanut allanut unammisartut nunallu tamat akornanni unamminernut peqataasartut ingerlassaat.

§ 8. Tapiissutit suliniutinut tapiissutitut aamma ingerlatsinermut tapiissutitut tunniunneqarsinnaapput.

Imm. 2. Kultureqarnermut Naalakkersuisoq tapiissutisinissamut piumasaqaatinik ilanngussaqaarsinnaavoq.